

This Book Download From www.shopnil.com

১
কাল রাতে আমার খুব ভাল ঘুম হয়েছে। ঘুমের মধ্যে কোন দুঃখপূর্ণ দেখিনি। শুধু সারাক্ষণই কেমন যেন শীত শীত করছিল, একটা হিম হাওয়া শরীরের উপর দিয়ে বয়ে যাচ্ছিল। মাঝে মাঝেই অস্পষ্টভাবে মনে হচ্ছিল — কেউ যদি গায়ে একটা পাতলা চাদর টেনে দিত। আবার মনে হচ্ছিল, গায়ে চাদর না থাকাই ভাল। চাদর থাকা মানেই হিম হিম ভাব নষ্ট হয়ে যাওয়া।

সকালে ঘুম ভাঙার পর দেখি গায়ে চাদর আছে। গলা পর্যন্ত টেনে দেয়া পাতলা সূতির চাদর। ঘুমতে যাবার সময় আমার বিছানায় কোন চাদর ছিল না। এই কাজটা নিশ্চয়ই মা করেছেন। মার ঘর আর আমার ঘরের মাঝখানে একটা দরজা আছে। আগে দরজা বন্ধ থাকতো কিংবা ভেজানো থাকতো। এখন খোলা থাকে। এক মাস আগেও দরজায় সাধারণ ওপর সবুজ খ্রিস্টের একটা পর্দা ঝুলতো। এখন সেই পর্দাও মা সরিয়ে ফেলেছেন। এটা করা হয়েছে যাতে তাঁর খাটে শুয়ে মা আমাকে দেখতে পারেন। মাঝে মাঝে গভীর রাতে ঘুম ভেঙে গেলে দেখি — মা এক দৃষ্টিতে আমার দিকে তাকিয়ে আছেন। এটা আমার অপছন্দ, খুব বেশিরকম অপছন্দ। কেন মা গভীর রাতে আমার দিকে তাকিয়ে থাকবেন? আমার বয়স এখন তেরো। এই বয়সের মেয়েরা তাদের অপছন্দের কথা কঠিন গলায় বলতে পারে। আমিও পারি, কিন্তু বলি না। আমার বলতে ইচ্ছা করে না।

আমি মেয়েটা আসলে কেমন তা আমার মা জানেন না। আমার বাবাও জানেন না। আমি সারাক্ষণ ভান করি, কেউ তা ধরতে পারে না। মাঝে মাঝে আমি নিজেও ধরতে পারি না। নিজের ভানগুলি আমার নিজের কাছেই এক সময় সত্যি বলে মনে হয়। তখন নিজেরই খুব আশ্চর্য লাগে।

ভোরবেলা মা আমার ঘরে ঢুকে প্রথম যে বাক্যটি বলেন তা হচ্ছে — কি রে নাতাশা, আজ শরীরটা কেমন? আমি মুখ টিপে হাসি, যে হাসির অর্থ শরীর খুব ভালো। এবং আমি মার মুখ থেকে দিনের শুরু প্রথম বাক্যটি শুনে আনন্দে আত্মহারা হয়েছি। আসলে পুরোটাই ভান। আমার শরীর মোটেই ভাল না। এবং আমি দিনের প্রথম বাক্যটি শুনে রাগ করেছি কারণ নাতাশা আমার নাম না। আমার খুব সুন্দর একটা নাম আছে — টিয়া। আমার জন্ম হয় নেত্রকোনার নন্দাইলে, আমার দাদার বাড়িতে।

হিসেব মত আমার জন্ম আরো মাসখানিক পরে হওয়ার কথা। বাবা মাকে নিয়ে অসুস্থ দাদাজানকে দেখতে নামাইল গিয়েছিলেন। যেদিন পৌঁছলেন সেদিন সন্ধ্যাবেলা হঠাৎ মার প্রসববাখা উঠে গেল। বাবার মাথায় আকাশ ভেঙে পড়ল। ভয়াবহ ধরনের গুণ্ণামে কোথায় পাওয়া যাবে ডাক্তার, কোথায় কি? বুঁজে পেতে দাই আনার আগেই আমি পৃথিবীতে চলে এলাম। আমার জন্মের পর পর দাদাজানের কাঁঠাল গাছে থেকে বাঁকে বাঁকে টিয়া পাখি আকাশে উড়ে গিয়েছিল। আমার বাবা বারান্দায় খুব মন খারাপ করে বসেছিলেন। টিয়া পাখির বাঁক দেখে তাঁর মনে খুব আনন্দ হল। তার কিছুক্ষণ পরেই বাবাকে আমার জন্মের খবর দেয়া হল। বাবা বললেন, আমার মেয়ের নাম হল টিয়া।

টিয়া নামটা কারোরই পছন্দ না কারণ পাখির নামে নাম রাখলে — পাখির মত স্বভাব হয়। ঘরে নাকি মন ঢেকে না। কিন্তু নামটা আমার খুব পছন্দ। মা আমার এত পছন্দের নাম ধরে না ডেকে নাতাশা ডাকেন। আমার রাগ লাগে, তারপরেও আমি মুখ টিপে হাসি। আনন্দের ভান করি। মা সেই ভান ধরতে পারেন না। তিনিও হাসেন। আমার মতই মুখ টিপে হাসেন।

মুখ টিপে হাসলে মাকে অসম্ভব সুন্দর লাগে। অবশ্যি না হাসলেও তাঁকে সুন্দর লাগে। তিনি যখন রাগ করে থাকেন তখনো সুন্দর লাগে। তখনো তাঁর দিকে তাকিয়ে থাকতে ইচ্ছে করে। যারা সুন্দর তারা সবসময় সুন্দর, হাসিতেও সুন্দর কান্নাতেও সুন্দর। আমার চেহারা মেটামুটি। এখন অবশ্যি খুব খারাপ হয়েছে। আমি যখন হাসি তখন আমাকে খুব সস্তর আঁতি কুঁসিত লাগে। হাতের কাছে একটা আয়না থাকলে একবার দেখতাম। হাতের কাছে কোন আয়না নেই। মার কঠিন নির্দেশে আমার ঘর থেকে সব আয়না সরিয়ে ফেলা হয়েছে। কারণ আমি এখন প্রায় একটা পোকের মত হয়ে গেছি। মানুষের মত হাত-পাওয়ালা একটা পোকাকে সুন্দর জামা-কাপড় পরিয়ে শুইয়ে রাখলে যেমন দেখায়, আমাকেও নিশ্চয়ই সেরকম দেখায়। আমি সেটা বুঝতে পারি মানুষের চোখের দিকে তাকিয়ে। যারা প্রথমবারের মত আমাকে দেখে তাদের চোখে একটা ধাক্কা লাগে। সেখানে একটা ঘৃণার ভাব ফুটে ওঠে। সেই ঘৃণার জন্যে তারা লজ্জিত হয়। লজ্জা ঢাকার চেষ্টা করতে গিয়ে তাদের চোখে একটা অসহায় ভাব জাগে। আমি বুঝতে পারি। দিনের পর দিন বিছানায় শুয়ে শুয়ে আমি অনেক কিছু শিখেছি। সেই অনেক কিছুর একটা হচ্ছে চোখের ভাষা বুঝতে পারা।

ভোরবেলা ঘুম ভেঙেই একটা কুঁসিত পোকা দেখতে কারো ভাল লাগার কথা না। আমার মারও নিশ্চয়ই ভাল লাগে না। আমি জানি, ভাল না লাগলেও আমার মাকে এই দৃশ্য আরো কিছুদিন দেখতে হবে। কত দিন তা কি মার জানা আছে? মনে হয় না। তবে ডাক্তার সাহেব নিশ্চয়ই জানেন। জানলেও তারা মাকে জানাবেন না। কোন ডাক্তারের পক্ষেই কোন মাকে বলা সম্ভব না — আপনার মেয়ের মৃত্যুর দিন ঘনিষে

এসেছে। সে আর মাত এতদিন বাঁচবে।

ডাক্তার সাহেব আমাকে যদি চুপি চুপি ব্যাপারটা জানিয়ে দিতেন তাহলে আমার খারাপ লাগত না। কে জানে, হয়তো ভালই লাগত। ক্যালেন্ডারে দাগ দিয়ে রাখতাম। সেই দাগ দেয়া তারিখের দিকে তাকিয়ে অনেক কিছু ঠিক করে ফেলতে পারতাম। কিন্তু কেউ ব্যাপারটা আমার মত করে দেখছে না। সবাই ভাবছে, আমি খুব বাচ্চা একটা মেয়ে। যত্ন কি তাই আমি পরিষ্কার জানি না। আমাকে নানান ধরনের মিথ্যা কথা বলে ভুলিয়ে-ভালিয়ে রাখতে হবে। আমাকে ভুলানোর তাদের চেষ্টা এত হাস্যকর। আমার পেটের ভেতর হাসি গুড় গুড় করে ওঠে। কিন্তু আমি তাদের তা বুঝতে দেই না। আমি ভান করি যেন তাদের প্রতিটি বাক্য আমি বিশ্বাস করছি।

মা আমাকে গত মাসের ৯ তারিখে পিঞ্জির নিওরো সার্জন প্রফেসর ডাঃ ওসমানের কাছে নিয়ে গেলেন। মার সঙ্গে ভদ্রলোকের আগেও কয়েকবার দেখা হয়েছে। আমি এই প্রথম তাঁকে দেখছি। খুব ফর্সা ছোটখাট ধরনের মানুষ। চোখে সোনালী ফ্রেমের চশমা। চশমার কাচ ভারি বলে চোখ দেখা যাচ্ছে না, তবে আমার মনে হল ভদ্রলোকের চোখ সুন্দর। খুব সুন্দর।

আমার কিছু অসুস্থ ব্যাপার আছে। এই যেমন চোখ দেখছি না, তারপরেও মনে করে নিলাম চোখ সুন্দর। মাঝে মাঝে একটা গল্পের বই হাতে নিয়ে বইয়ের নাম, লেখকের নাম না পড়েই মনে হয় — বইটা খুব সুন্দর। হয়ও তাই। এই ডাক্তার সাহেবের চোখ নিশ্চয়ই খুব সুন্দর হবে। আমি অপেক্ষা করছি কখন তিনি চোখ থেকে চশমা সরাবেন। আমার কেন জানি মনে হচ্ছে এক সময় তিনি চোখ থেকে চশমা সরাবেন। কিংবা চশমাটা আপনাতাই একটু নিচে নেমে যাবে। ডাক্তার সাহেব খুব মন দিয়ে কাগজপত্র দেখছেন। আমি তাঁর দিকে তাকিয়ে আছি। হঠাৎ লক্ষ্য করলাম, কাগজপত্র দেখতে দেখতে ভদ্রলোকের চেহারাটা কেমন যেন অন্য রকম হয়ে গেল। তিনি অবশ্যি বোধ করতে লাগলেন। একবার মার দিকে, একবার আমার দিকে তাকাতো লাগলেন। তারপর হঠাৎ খুব স্বাভাবিক হবার চেষ্টা করতে লাগলেন। এখন তিনি আর কোন কাগজই মন দিয়ে দেখছেন না আবার আমার দিকেও তাকাচ্ছেন না। শুধু পাতা ওল্টাচ্ছেন। আমার মনে হল তিনি নিজেই এখন নিজের উপর বিরক্ত হচ্ছেন। তারপর হঠাৎ হাতের কাগজগুলি একপাশে সরিয়ে আমার দিকে তাকিয়ে বললেন, খুকী, তুমি কিছু খাবে? কোল্ড ড্রিংকস বা অন্য কিছু?

আমি কিছু বলার আগেই মা বললেন, ও কিছু খাবে না। ওকে আপনি কেমন দেখলেন বলুন?

মার গলা খুব কঠিন শুনালো। যেন তিনি খুব বিরক্ত। এম্মিতে মার গলার স্বর নরম ও আদুরে। শুধু বাবার সঙ্গে কথা বলার সময় সেই স্বর কঠিন হয়ে যায়। এখন দেখছি এই ডাক্তার সাহেবের সঙ্গে কথা বলার সময়ও স্বর কঠিন হয়ে গেল। শুধু তাই

না, তাঁর ভুরুও কঁচকে গেল।

ডাক্তার সাহেব চোখ থেকে চশমা সরিয়ে এখন চশমার কাচ পরিষ্কার করছেন। আমি অস্বস্তি হয়ে ডাক্তারের চোখ দেখছি। আশ্চর্য, এত সুন্দর চোখ।

ডাক্তার সাহেব চুপ করে আছেন। মা আবারও বললেন, আমার মেয়ের অবস্থা কেমন দেখলেন বলুন? ডাক্তার সাহেব শান্ত গলায় বললেন, ভালই।

আমি লজ্জা করলাম তিনি শুধু ভাল বললেন না। ভালর সঙ্গে একটা ই যোগ করে দিলেন। ভালটাকে বললেন ভালই। যার মানে আসলে ভাল নয়।

মা বললেন, ভালই বলতে কি বুঝাচ্ছেন?

'অস্বস্তি যা ছিল তারচে খারাপ হয়নি। মনে হচ্ছে লোকলাইজড গ্রোথ। যাই হোক, আরেকটা রেডিও নিউক্লিয়ার ইনজেকশন স্কেন করাতে হবে।'

'সেটা তো একবার করানো হয়েছে।'

'ঐ স্কেন করাতে টেকনিসিয়াম ডিটিপিএ ইনজেকশন দিতে হয়। রেডিওএকটিভ মেটিরিয়েলের ইনজেকশন। আগের বার ইনজেকশনে কিছু সমস্যা ছিল, স্কেনিং ভাল হয়নি।'

মা কঠিন গলায় বললেন, এবার যে ভাল হবে তার নিশ্চয়তা কি?

'এবারে আমি পাশে দাঁড়িয়ে থেকে করাব।'

মা হ্যান্ডব্যাগ থেকে রুমাল বের করতে করতে বললেন, আপনারা শুধু টেস্টের পর টেস্ট করছেন। আজ এই টেস্ট, কাল ঐ টেস্ট। চিকিৎসা শুরু করছেন না। দয়া করে চিকিৎসা শুরু করুন। আর আপনারা যদি মনে করেন চিকিৎসা করার মত বিদ্যাবুদ্ধি আপনাদের নেই তাহলে সেটাও পরিষ্কার করে বলুন। আমার মেয়েকে আমি বাইবে নিয়ে যাব। দেশের ডাক্তারদের উপর থেকে আমার বিশ্বাস চলে যাচ্ছে।

এ জাতীয় কথায় যে কোন ডাক্তারের রাগ হবার কথা। তিনি রাগ করলেন না। তিনি তাঁর অবিস্থান্য সুন্দর চোখে মার দিকে তাকিয়ে রইলেন। যেন মা অবুধ এক কিশোরী। মার কথা ধরতে নেই।

আমার গাল ঘামছে, মা রুমাল দিয়ে গালের ঘাম মুছে দিচ্ছেন। মানুষের কপাল ঘামে, আমার ঘামে শুধু গাল। অসুখের পর এটা হয়েছে। আমি কাউকে বলিনি। অসুখের কথা কারো সঙ্গে বলতে আমার ভাল লাগে না। ডাক্তারের সঙ্গেও না।

ডাক্তার সাহেব চশমা চোখে পরে মার দিকে তাকিয়ে বললেন, আপনি কি কফি খাবেন?

মা বললেন, না।

'এক কাপ কফি খান। আমিও আপনার সঙ্গে খাব।'

ডাক্তার সাহেব আবারও আমার দিকে তাকিয়ে বললেন, খুকী, তুমি কিছু খাবে? আমি হাসিমুখে বললাম, হ্যাঁ।

'কি খাবে? জুস?'

'উই, আমিও আপনাদের মত কফি খাব।'

তিনি কফি আনার জন্যে কাউকে বললেন না। তাঁর ঘরেই কফিপটে কফি জ্বাল হচ্ছে। কফির গন্ধ পাওয়া যাচ্ছে। এতক্ষণ গন্ধ পাওয়া মাছিল না। সেই কফি পট দেখলাম, ওম্মি গন্ধ পাওয়া শুরু করলাম। ডাক্তার সাহেব নিজেই মগে করে কফি এনে দিলেন। বালতির মত সাইজের মগ। কফির মগে চুমুক দিতে দিতে বললেন, প্রফেসর এলেনা এডবার্গ নামে একজন বিখ্যাত নিউরো সার্জন আছেন — ফিলাডেলফিয়াতে থাকেন। তাঁর সঙ্গে আমার খুব ভাল পরিচয় আছে। টরেন্টোর এক কনফারেন্সে প্রথম আলাপ হয়। ভ্রমহিলার বয়স চল্লিশের নিচে কিন্তু পৃথিবীজোড়া খ্যাতি। আপনার মেয়ের সব কাগজপত্র আমি তাঁর কাছে পাঠিয়ে দেব। তাঁর একটা মতামত নেব।

'কবে পাঠাবেন?'

'কাল-পরশুর মধ্যেই পাঠাব।'

'কাগজপত্র পৌছতে পৌছতেই তো এক মাস লাগবে।'

'না, তা লাগবে না। ফ্যাক্স চালু হয়েছে। আমেরিকায় চিঠি যেতে পাঁচ-ছ' মিনিটের বেশি লাগার কথা না। আপনি কিন্তু কফি খাচ্ছেন না।'

'আমি তো আগেই বলেছি কফি খাব না।'

'তাহলে কি চা দেব? টি ব্যাগস আছে।'

মা বিরক্ত গলায় বললেন, কিছুই দিতে হবে না। আমি আবার কবে আসব বলুন।

'দিন পনেরো পরে আসুন।'

'আপনি বললেন কাগজপত্র যেতে লাগবে পাঁচ-ছ' মিনিট। আমাকে পনেরো দিন পরে আসতে বলছেন কেন?'

'উনি তো আর সঙ্গে সঙ্গে জবাব দেবেন না। তাছাড়া আরেকটা স্কেনিং-এর রিপোর্ট লাগবে।'

'ঠিক করে বলুন তো — আমার মেয়ের সমস্যটা কি আপনারা ধরতে পারছেন না?'

'পারছি — মেনিনজিওমা, তবে ঠিক নিশ্চিত হতে পারছি না। মাঝে মাঝে মেনিনজিওমার গ্রোথ ইলিউসিড হয়। বরা দিতে চায় না।'

'ভালমত ধরার চেষ্টা করছেন না বলে ধরতে পারছেন না।'

আমি কিছুতেই ভেবে পাচ্ছি না মা ডাক্তার সাহেবের সঙ্গে এত খারাপ ব্যবহার করছে কেন। এমনভাবে কথা বলছে যেন আমার অসুখটার জন্যে ডাক্তার সাহেবই দায়ী। এরকম ব্যবহার সাধারণত খুব পরিচিত মানুষের সঙ্গেই করা যায়। অপরিচিতের সঙ্গে করা যায় না। আমার ক্ষীণ সন্দেহ হল, মা এই ডাক্তার সাহেবকে চেনেন। হয়তো ছোটবেলায় পরিচয় ছিল। হয়তো এই ডাক্তার সাহেবের সঙ্গে তাঁর বিয়ের কথা হয়েছিল

শেষটায় আর বিয়ে হয়নি। কিংবা কে জানে হয়তো প্রেম ছিল। বিবাহিত মেয়েদের সঙ্গে পুরানো প্রেমিকের দেখা হলে মেয়েরা চট করে বেগে যায়। মেজোখালার বেলা এটা আমি দেখেছি। মেজোখালার সঙ্গে মনসুর সাহেবের খুব প্রেম ছিল। এসব অবশ্য আমার শোনা কথা, আমি তাঁদের প্রেম-ট্রেন দেখিনি। আমার জন্মের আগের ব্যাপার। মেজোখালার যখন অন্য জায়গায় বিয়ে ঠিক হল তখন তাঁর একেবারে মাথা খারাপের মত হয়ে গেল। এই কাঁদেন, এই হাসেন। তারপর ঘুমের অধুখ খেয়ে ফেললেন। মমে-মানুষে টানটানি অবস্থা। সেই মনসুর সাহেবের সঙ্গে দেখা হলে এখন তিনি খট করে বেগে যান। নানান ধরনের অপমানসূচক কথা বলতে চেষ্টা করেন। আড়ালে ডাকেন — ছাগলা বাবা। একেবারে রানছাগলা।

আমরা ফিরছি রিকশায়। আমাকে নিয়ে ডাক্তারের কাছে আসার সময় মা কিভাবে কিভাবে একটা গাড়ি জোগাড় করেন। আজ জোগাড় করতে পারেননি। সেই জন্যেই কি তার মন খানিকটা খারাপ? তাকে কেমন রাগী রাগী লাগছে। রিকশায় চড়তেই আমার বেশি ভাল লাগে। রিকশার ছড় ফেলে মাথা একটু উপরের দিকে তুললেই মনে হয় আমি শূন্য ভাসছি। কিন্তু মা কখনোই রিকশার ছড় ফেলবে না। বাবার বেলা সম্পূর্ণ উল্টো ব্যাপার। রিকশায় উঠেই বাবা বলবে — মাই ডিয়ার টিয়া পাখি, ছড় ফেলে দে। বাবার স্বভাবের সঙ্গে মার স্বভাবের কোন মিল নেই। রিকশায় উঠে মা কোন কথা বলবেন না। মূর্তির মত বসে থাকবেন — আর বাবা সারাক্ষণ কথা বলবেন। দুটাই অবশ্য অস্বাভাবিক। একেবারে কথা না বলাও যেমন অস্বাভাবিক আবার সারাক্ষণ কথা বলাও অস্বাভাবিক।

আমার সঙ্গে বাবার একটা মিল হল — বাবাও রিকশায় চড়তে খুব ভালবাসেন। কথা নেই বার্তা নেই হঠাৎ এসে বলবেন, মাই ডিয়ার টিয়া পাখি, রিকশায় করে খানিকক্ষণ ঘুরবি নাকি? মা গেছে তোর মেজো খালার বাসায়। ধন্টা দুইয়ের আগে ফিরতে পারবে না। তার আগেই আমরা ফিরে আসব এবং আমরা আমাদের গোপন এডভেঞ্চারের কথা কাউকে কিছু বলব না। যাবি? আমি খুশি খুশি গলায় বললাম, মাব। বাবা বললেন, —

টিং টিং টিটিং টিং।

বেবা বেবা লিং লিং।

এটা হল তাঁর চায়নিজ গান। বিভিন্ন ভাষায় তাঁর কিছু গান আছে। আরবি ভাষায় তাঁর গানটা হল —

আহলান আহ আবু।

কাহলান কাহ কাবু।

চায়নিজ গানটাই তাঁর সবচেয়ে প্রিয়। যখন তখন গুন গুন করেন।

বাবার সঙ্গে রিকশায় ঘোরার আনন্দের কোন তুলনা নেই। কত মজার মজার কথা যে বাবা রিকশায় যেতে যেতে বলেন। হাসির কথা, জ্ঞানের কথা। কত রকম ধাঁধা, কত রকম অর্থক। একবার বাবা বললেন, টিয়া পাখি, দেখি তোর বুদ্ধি কেমন। কঠিন একটা ধাঁধা দিচ্ছি। ছট করে উত্তর দিতে হবে না। ভেবে-টেবে বলবি। ব্যাপারটা হল শিকল নিয়ে। শিকল — দি চেইন। সবাই চায় চেইন থেকে মুক্তি। চেইন খুলে যাওয়া মানে মুক্তি, আনন্দ। শুধু একটু ক্ষেত্রেই চেইন খুলে যাওয়া মানে বন্ধন। অটিকা পড়ে যাওয়া। বল তো দেখি কোন ক্ষেত্রে?

আমি ভৎক্ষণাৎ বললাম, রিকশার ক্ষেত্রে। রিকশার চেইন খুলে যাওয়া মানে রিকশা বন্ধ।

বাবা হট গলায় বললেন, তোর অসম্ভব বুদ্ধি তো রে মা। রাশী ভিক্টোরিয়ার বুদ্ধিও তোর চেয়ে কম ছিল বলে আমার ধারণা। তুই বুদ্ধি পেয়েছিস তোর মার কাছ থেকে। আমার কাছ থেকে বুদ্ধি পেলে তোর সর্বনাশ হয়ে যেত।

আমি বললাম, তোমার বুদ্ধি কি কম নাকি বাবা?

'কম মানে? আমার বুদ্ধি হচ্ছে সর্বনিম্ন পর্যায়ের। প্রায় চতুর্দশম শতাব্দীর।'

বাবাকে আমার খুব বুদ্ধিমান মনে হয়। এক ধরনের মানুষ আছে মারা নিজেদের অন্যের কাছে বোকা হিসেবে তুলে ধরতে ভালবাসে। বাবা সে ধরনের। মানুষের এই অদ্ভুত স্বভাবের কারণ কি কে জানে! ইচ্ছে করে বাবা অন্যের সামনে বোকামি সব কাণ্ডকারখানা করে বসেন। যেমন ধরা যাক — মার কিছু বন্ধুবান্ধব এসেছেন। তাঁদের চা দেয়া হয়েছে। তাঁরা চা খাচ্ছেন। গল্পগুজন করছেন। হাসাহাসি করছেন। তখন বাবা ছট করে ঘরে ঢুকবেন। তাঁর গায়ে থাকবে ময়লা একটা গেঞ্জি, পরনে লুঙ্গি। সেই লুঙ্গি প্রায় হাঁটুর কাছে উঠে এসেছে। তিনি ঘরে ঢুকে খুবই বিব্রত হওয়ার ভঙ্গি করবেন। মা অস্বস্তির সঙ্গে জিজ্ঞেস করবেন, কি ব্যাপার? বাবা আমতা আমতা করে বলবেন — দিলশাদ, খুব খিদে লেগেছে। আমাকে একটা ডিম ভেজে দাও তো পেঁয়াজ-মরিচ দিয়ে খাল করে।

বাবার কথায় অতিথিরা মুখ চাওয়া-চাওয়ি করবেন। মার ভুরু কঁচুকে যাবে। চোখের দৃষ্টি সরু হয়ে যাবে। বাবা অসহায়ের মত সবার দিকে একবার করে তাকাবেন। অথচ কেউ বুঝবেন না বাবা এই কাণ্ড ইচ্ছে করে ঘটিয়েছেন। তাঁর খিদে পেলে তিনি ফুলির মাকে বলে ডিম ভেজে খেতে পারেন। তিনি তা না করে সবার সামনে মাকে বিব্রত করে এক ধরনের মজা পাচ্ছেন। এই ব্যাপারগুলো আমি বুদ্ধি, মা বুঝেন না। এই জন্যেই মাকে আমার খুব বুদ্ধিমতী বলে মনে হয় না। বুদ্ধিমতী যে কোন মেয়ে এই ব্যাপারটা ধরে ফেলত।

সবাই বলে — ছোট পরিবার সুখী পরিবার। রাস্তায় সাইনবোর্ডে লেখা থাকে। চিঠির উপর সীল মারা থাকে — ছোট পরিবার যার, সুখের অন্ত নাই তার। আমাদের

পরিবার ছোট পরিবার। আমি, বাবা আর মা। না, ভুল বললাম, ফুলির মা আছে। সে আমার জন্মের আগে থেকে এ বাড়িতে আছে। কাজেই সেও তো পরিবারেরই একজন। তাকে নিয়ে আমরা চারজন। আমাদের খুব সুখী হবার কথা। আমরা বোধহয় সুখী না। বাবা-মার সম্পর্ক বরফের মত। তাঁরা তুচ্ছ ব্যাপার নিয়ে ঝগড়া করেন। এমন কঠিন ঝগড়া। কত তুচ্ছ বিষয় নিয়ে ঝগড়া তা একটু বলি — আমাদের ফুলির মার সিগারেট খাওয়ার বিশ্রী অভ্যাস আছে। বাবার সিগারেটের প্যাকেট থেকে সে সিগারেট চুরি করে রাখে। অনেক রাতে সবাই ঘুমিয়ে পড়লে আরাম করে খায়। মাকে মাকে মুখ দিয়ে ধোঁয়া ছেড়ে মুঁৎ করে নাক দিয়ে সেই ধোঁয়া টেনে নেয়। আমি কয়েকবার দেখেছি। একদিন বাবা করলেন কি — তাকে এক প্যাকেট সিগারেট কিনে এনে দিয়ে বললেন, চুরি করার দরকার নেই। এই প্যাকেটটা রাখ। শেষ হলে বলবে, আবার এনে দেব। মা এটা শুনে হৈ-চৈ শুরু করলেন। আর ফুলির মা শুরু করলো কান্না। ব্যাপারটা এখানে শেষ হয়ে যেতে পারত, শেষ হল না। রাত দুটার সময় মা বাবাকে বললেন, তোমার সঙ্গে আমার বাস করা সম্ভব না। তুমি চলে যাও। বাবা বললেন, রাত দুটার সময় আমি কোথায় যাব?

'তুমি যদি না যাও আমি আমার মেয়েকে নিয়ে চলে যাব।'

'ঠিক আছে আমিই যাচ্ছি, তবে আপাতত বসার ঘরের সোফায় শুয়ে থাকছি। ভোর বেলা চা খেয়ে চলে যাব।'

'তুমি এখনই যাবে।'

বাবাকে রাত দুটার সময়ই চলে যেতে হল। তবে তার জন্যে তাঁকে খুব দুঃখিত বলেও মনে হল না। এই ঘটনা থেকে মনে হতে পারে মার দোষই বেশি। আসলে তা না। বাবা মাকে রাগিয়ে দেবার জন্যে যা যা করা দরকার সবই করেন। খুব গুছিয়ে করেন। মাকে রাগিয়ে তিনি কি আনন্দ পান তিনিই জানেন।

সাপ মার খুব অপছন্দের প্রাণী। সাপের নাম শুনেই তিনি শিউরে ওঠেন। কোন দিন যদি মা কোন সাপের ছবি দেখেন তাহলে সেদিন তিনি কিছু খেতে পারেন না। এইসব জেনেশুনেও বাবা একবার সাপুড়ের কাছ থেকে পঞ্চাশ টাকা দিয়ে একটা সাপ কিনে নিয়ে এলেন। ছোট্ট একটা কাঠের বাসে সাপটা ভরা। বাসের ডালায় সাপের নিঃশ্বাস-প্রশ্বাসের জন্যে একটা ফুটো। মা বললেন, বাসে কি? বাবা হাই তুলতে তুলতে বললেন, নাথিং। এবসুলিউটলি নাথিং।

'নাথিং মানে কি?'

'একটা সাপ কিনলাম।'

মা চমকে উঠে বললেন, 'কি কিনলে?'

'সাপ। সরীসৃপ। আমার অনেক দিনের শখ।'

মা আতঙ্কে শিউরে উঠে বললেন, তোমার অনেক দিনের শখ সাপ কেনা?

'হঁ।'

'তোমার এই শখের কথা তো কোনদিন শুনিনি।'

'তুমি সাপ ভয় পাও এই জন্যে বলা হয়নি। এখন যেহেতু সাপ পুস্ক দেখবে তোমার ভয় কেটে যাবে। এক টিলে দুই পাখি। আমার শখ মিটল, তোমার ভয় কাটল।'

'তুমি এই সাপ পুস্কবে?'

'অবশ্যই। সাপ পোমা অত্যন্ত সহজ। খাওয়ার খরচ নেই বললেই হয়। সপ্তাহে একটা ইঁদুর। লোকে যে বলে সাপ দুধ খায়, কলা খায় সবই ফালতু কথা। দুধ চুমুক দিয়ে খেতে ফুসফুস লাগে। সাপের ফুসফুস নেই। কলা খাওয়ার তো প্রশ্নই ওঠে না। সাপ তো আর বাদর না যে কলা খাবে।'

সাপ অবশ্য শেষ পর্যন্ত পোমা হয়নি। বাবাকে কাঠের বাসগুচ্ছ ফেলে দিয়ে আসতে হয়েছে। বাবাও জানতেন ফেলা হবে। পুরো ব্যাপারটা তিনি করেছেন মাকে কিছু মন্তব্য দেয়ার জন্যে। মন্তব্য দেয়া গেছে এতেই তিনি খুশি। পঞ্চাশ টাকায় সাপ কেনা তাঁর সার্থক। পঞ্চাশ টাকায় এতটা আনন্দ পাবেন তা বোধহয় বাবা নিজেও ভাবেননি। তাঁর আনন্দিত মুখের ছবি এখনো আমার চোখে ভাসে।

বাবা অনেক দিন হল আমাদের সঙ্গে থাকেন না। থাকেন পার্বত্য চট্টগ্রামের বান্দরবনে। কাঠের ব্যবসা করেন। কাঠের ব্যবসা মারা করে তারা ক্রমাগত ধনী হয়, বাবা শুধুই গরীব হন। মার ধারণা, ব্যবসা-ট্যাবসা কিছু না। ব্যবসার অজুহাতে জঙ্গলে গিয়ে বসে থাকে, নিরিবিলিতে মদ খাওয়া। মার ধারণা সত্যি হতেও পারে।

নেশা করার কুৎসিত অভ্যাস বাবার আছে। খুব প্রবলভাবেই আছে। যত দিন যাচ্ছে ততই বাড়ছে। তাঁর স্বাস্থ্য নষ্ট হয়ে গেছে। গালটাল ভেঙে কি বিশ্রী যে তাঁকে দেখায়। অথচ যৌবনে বাবা কি সুন্দরই না ছিলেন! বিয়ের পর তোলা বাবা ও মার একটা বাথানো ছবি মার শোবার ঘরে আছে (এখন নেই। মা সেই ছবি সরিয়ে ফেলেছে)। সেই ছবিতে বাবাকে দেখায় রাজপুত্রের মত। মা অসম্ভব ঝপবতী, তারপরেও বাবার পাশে মানায় না। রাজপুত্রের পাশে রাজকন্যার মত লাগে না। রাজপুত্রের পাশে মন্ত্রীকন্যার মত লাগে।

মার যখন বিয়ে হয় তখন বাবা বিদেশী এক অমুখ কোম্পানীর প্রোডাকশান ম্যানেজার ছিলেন। তাঁর ছিল টকটকে লাল রঙের একটা মরিস মাইনর গাড়ি। গাড়ির রঙের সঙ্গে মিলিয়ে তিনি লাল টাই পরতেন। মাকে পাশে বসিয়ে খুব ঘুরতেন। বিয়ের এক বছরের মাথায় চাকরি ছেড়ে দিলেন — তাঁর নাকি বোরিং লাগছে, নিঃশ্বাস বন্ধ হয়ে আসছে। ইনস্যুরেন্স কোম্পানীতে চাকরি নিলেন। সেই চাকরি বছর দুই করার পর তাও তাঁর কাছে বোরিং লাগতে লাগল। প্রাইভেট কলেজে কিছুদিন মাস্টারি করলেন।

www.shopnil.com

সেটাও ভাল লাগল না। ব্যবসা শুরু করলেন। ব্যবসার শুরুটা খুব ভাল ছিল। ব্যবসা করতে গিয়েই মদ খাওয়ার অভ্যাস হল। কাজ বাগাবার জন্যে নানান পাটিতে নাকি যেতে হয়। ইচ্ছার বিরুদ্ধেই একটু-আধটু খেতে হয়। জীবনের কোন কিছুই তাঁর দীর্ঘদিন ভাল লাগেনি, মদ খাওয়া ভাল লেগে গেল। মদ খাওয়াটা ছাড়তে পারলেন না। সংসারে অশান্তির সীমা রইল না। অশান্তি শেষ হল যেদিন বাবা বললেন, মিলশাদ, কাঠের ব্যবসা করব বলে ঠিক করেছি। বাম্পরবন চলে যাব। কাঠ কেটে হাতি দিয়ে নামানো। খুবই লাভের ব্যবসা। মা কঠিন ধলায় বললেন, তোমরা যা ইচ্ছা কর। কাঠ হাতি দিয়ে টেনে নামাও বা নিজেই টেনে নামাও — আমার কিছু যায় আসে না।

'তোমাদের ছেড়ে বাইরে থাকতে হবে।'

'দয়া করে তাই থাকো।'

'কোন রকম চিন্তা করবে না, প্রতিমাসে খরচ পাঠাব।'

'তোমাকে কোন খরচ পাঠাতে হবে না। দয়া করে তুমি ঢাকায় এসো না। তাহলেই আমি খুশি হবে।'

'তোমার যে চাকরি তাতে তো আর বাড়ি ভাড়া দিয়ে সংসার চালাতে পারবে না। সেটা আমি দেখব। তুমি বরং এই এপার্টমেন্ট ছেড়ে ভাল কোন এপার্টমেন্ট নাও, যেখানে সিকিউরিটি সিস্টেম ভাল। একা একা থাকবে...'

'আমাদের নিয়ে তোমাকে কিছু ভাবতে হবে না।'

বাবা চলে যাবার দিনও মা বেশ খারাপ ব্যবহার করলেন। সেলাই মেশিন দিয়ে জামালার পর্দা সেলাই করছিলেন। বাবা সুটকেস হাতে নিয়ে বললেন, যাই। মা সেলাই করতে করতে বললেন, আচ্ছা। মা ফিরে তাকালেন না বা উঠে দাঁড়ালেন না। বাবা আবার বললেন, যাচ্ছি তাহলে, কেমন?

মা বললেন, আচ্ছা।

'চিঠি দিও। আমি পৌছেই ঠিকানা জানিয়ে দেব।'

মা জবাব দিলেন না। সেলাই মেশিন চালাতে লাগলেন। ঘরঘর শব্দ হতে লাগলো। বাবা বিশ্ব মুখে মরজার দিকে যাচ্ছেন। তাঁকে খুব স্বস্তিও মনে হচ্ছিল। আমি তাঁকে গোট পর্যন্ত এগিয়ে দিলাম। তিনি মাথা নিচু করে হাঁটছেন, মনে হচ্ছে আমাকে চিনতেও পারছেন না। রিকশায় ওঠার সময় আমি বললাম, প্রতি সপ্তাহে চিঠি দিও বাবা। তিনি বললেন, হুঁ হুঁ।

সেই রাতেই আমার প্রথম মাথায় যন্ত্রণা হল। টিভিতে নাচের একটা অনুষ্ঠান হচ্ছিল। নজরুল গীতির সঙ্গে নাচ। গানটা খুব সুন্দর, নাচটাও সুন্দর হচ্ছিল। স্টুডিওতে নকল একটা নদী বানিয়েছে। সেই নদীতে চাঁদের আলো পড়ে কিলমিল করছে। বোঝা যাচ্ছে নকল, তারপরেও ভাল লাগছে। এই সময় হঠাৎ আমার কাছে সবকিছু বাপসা লাগতে লাগল। প্রথম ভাবলাম ইলেকট্রিসিটির ভোল্টেজে কিছু হয়েছে। তারপর দেখি

ঘরবাড়ি দুলছে। আমি ভয় পেয়ে ডাকলাম, মা মা! মা ছুটে এলেন আর তখনই তীব্র যন্ত্রণায় মাথাটা ফেটে যাবার মত হল। আমি উঠে দাঁড়িয়েছিলাম, হঠাৎ দেখি পড়ে যাচ্ছি। মা এসে আমাকে ধরে ফেললেন। আর তখনই ব্যথা কমে সব স্বাভাবিক হয়ে গেল।

মা ভাবলেন, বাবা চলে গেছেন এই জন্যেই আমার মাথায় যন্ত্রণা হয়েছে। আমি কিন্তু পরিষ্কার বুঝলাম বাবার যাওয়া না যাওয়া না — এই ব্যথা সম্পূর্ণ অন্য রকম। আমার খুব ভয় ভয় করতে লাগল। বাতে মাকে বললাম, মা, আমি তোমার সঙ্গে যুমুবে।

অনেক দিন পর মার সঙ্গে শুয়েছি। মা আমার গায়ে-মাথায় হাত বুলাতে বুলাতে বললেন, বাবা চলে যাবার জন্যে মনটা খুব খারাপ, তাই না?

আমি বললাম, হুঁ।

'তুই তোর বাবাকে কি আমার চেয়ে বেশি ভালবাসিস?'

'হুঁ।'

'তাকে কতটা বেশি ভালবাসিস? সামান্য বেশি না অনেকখানি?'

'অনেকখানি।'

'আমাকে তোর ভাল লাগে না?'

'ভাল লাগে না তা ভো বলিনি। ভাল লাগে তবে বাবার চেয়ে অনেক কম ভাল লাগে।'

'এই যে তোর বাবা প্রতি রাতে নেশা করে বাসায় ফেরে, নেশার খোরে হুঁ-টে চিৎকার করে, সংসারের কোন কিছু দেখে না তারপরেও তাকে ভাল লাগে?'

'হুঁ।'

মা ছোট করে নিঃশ্বাস ফেলে বললেন, তাহলে তো স্বীকার করতেই হয় তোর বাবা খুব ভাগ্যবান। এরকম জীবনযাপন করার পরও ছেলেকেয়ের ভালবাসা পাওয়া ভাগ্যের ব্যাপার। সবার ভাগ্যে এটা হয় না।

আমি বললাম, তোমাকেও আমি খুব ভালবাসি মা। বাবার জন্যে ভালবাসা এরকম আর তোমার জন্যে ভালবাসা অন্যরকম।

'সেটা কি বুঝিয়ে বল।'

'বুঝিয়ে বলতে পারব না।'

'আচ্ছা থাক, বলতে না পারলে বলতে হবে না। যুমো।'

আমার মা খুব গুছানো স্বভাবের মেয়ে। খুব পরিষ্কার পরিচ্ছন্ন। এলোমেলো কিছুই তার পছন্দ না। সামান্য একটা শাড়ি যখন ঘরে পরেন তখন এমন গুছিয়ে পরেন, মনে হবে সেজেগুজে আছেন — একটুনি কোথাও বেড়াতে যের হবেন। কাউকে যখন

কাচের গ্লাসে পানি দেবেন — সেই গ্লাস ঝকঝক করবে। একবার পানি খাবার পর আবার পানি খেতে ইচ্ছা করবে। মাকে আমার অনেকের চেয়েই আলাদা মনে হয়। মা'র অন্য দুই বোন — আমার বড় খালা আর মেজোখালার সঙ্গে তাঁর কোমরকম মিল নেই। অথচ তাঁরা তিনজনই দেখতে এক রকম। গলার স্বরও একরকম। বড় খালা ও মেজোখালা দু'জনের জীবনের একমাত্র উদ্দেশ্য এবং লক্ষ্যই হল শপিং সেন্টারে ঘোরাদুরি করা। বড়খালা সবসময়ই কিছু না কিছু কিনছেন। মেজোখালা দেখে বেড়াচ্ছেন। কিনছেন না, দরদাম করছেন। তাঁদের সমস্ত কথাবার্তাই কেনাকাটা নিয়ে। বড়খালা হয়তো এলেন, তিনতলা পর্যন্ত সিঁড়ি দিয়ে উঠতে গিয়ে হাঁপিয়ে গেলেন। তাঁর ভারি শরীর, তিনি অল্পতেই হাঁপিয়ে যান। ঘরে ঢুকেই বলবেন, ও দিলশাদ, ঠাণ্ডা পানি দে। মরে গেলাম রে। তাঁকে পানি দেয়া হল। গ্লাসের দিকে তাকিয়েই বললেন — গুলশানের একটা দোকানে গ্লাসের একটা সেট দেখলাম। অসাধারণ। সোনালী কাজ করা। খুব হালকা কাজ। ছোট ছোট পাতা। গ্লাসে পানি ভরলে গ্লাসটা দেখা যায় না, পানিও দেখা যায় না। শুধু সোনালী কাজগুলি দেখা যায়।

মা এ জাতীয় কথায় অংশগ্রহণ করেন না। চুপচাপ বসে থাকেন। তাঁর চোখের দৃষ্টিতে আগ্রহ বা অনাগ্রহ কিছুই থাকে না। বড় খালার তাতে কিছু যায় আসে না। তিনি কথা বলতেই থাকেন।

'মেড ইন জাপান, বুঝলি। জাপানীরা এরকম গ্লাস বানাবে ভাবাই যায় না। দুটা সেট ছিল, একটা কিনলাম। পাম কত বল তো? তোর অনুমান দেখি।'

'আমার অনুমান ভাল না।'

'আহা, তবু একটা অনুমান কর না।'

'এক হাজার টাকা।'

'তোমার কি মাথাটা খারাপ নাকি? এক হাজার টাকা তো সাধারণ একটা গ্লাস সেট কিনতেই লাগে। ঐ দিন জার্মানীর কাট গ্লাসের একটা সেট কিনলাম, আট পিঙ্গের সেট। দাম পড়ল না হাজার টাকা। তোমার দুলাভাই খুব রাগ করছিল। রাগ করলে লাভ হবে? এরকম জিনিস কি সব সময় পাওয়া যায়? হঠাৎ হঠাৎ পাওয়া যায়। এই জন্যে সব সময় চোখ-কান খোলা রেখে বাজারে ঘুরতে হয়। ভাল জিনিস কখনো পড়ে থাকে না। কেউ দেখল, ফট করে নিয়ে নিল।'

বড় খালার দীর্ঘ গল্প কি যে বিরক্তিকর! এক নাগাড়ে এই গল্প শুনে যে কেউ ঘুমিয়ে পড়বে। বড় খালা আমাদের বাসায় এলে আমার মনে হয় ভাগ্যিস তিনি আমার মা না। বড় খালা আমার মা হলে গুলশান-বনানী নিউমার্কেটের দোকানগুলির সব জিনিসপত্রের দাম আমার মুখস্থ থাকত। তিনি হয়তো পাঁচশ পাতার একটা খাতা আমাকে বানিয়ে দিতেন। সেই খাতায় আমাকে সব জিনিসপত্রের দাম লিখে রাখতে হত। কে জানে, তখন হয়তো আমাকেও তাঁর সঙ্গে দোকানে দোকানে ঘুরতে হত।

মেজোখালা ভয়ংকর কপন বলেই কিছু কেনেন না। শুধু দেখেন। তিনি গল্প করেন অন্য বিষয় নিয়ে। তাঁর গল্প হল কে কে তাঁর প্রেমে হাবুডুবু খাচ্ছে সেই গল্প। মেজোখালার ধারণা, তিনি এই পৃথিবীর সবচেয়ে রূপবতী মেয়ে এবং তাঁর চোখে আছে অসম্ভব আকর্ষণীয় ক্ষমতা। যে পুরুষ একবার তাঁর চোখের দিকে ভালমত তাকাতে সে সারা জীবনের জন্যে আটকা পড়ে যাবে। মেজোখালা খুব বুদ্ধিমতী। কিন্তু এত বুদ্ধিমতী একজন মহিলা এমন বোকার মত একটা ধারণা নিয়ে বাস করেন কিভাবে কে জানে। তবে মেজোখালা গল্প করেন খুব সুন্দর করে। গলার স্বর নিচু করে, হাত নেড়ে, চোখ বড় বড় করে সুন্দর বর্ণনা। শুনেতে খুব ভাল লাগে।

'বুঝলি দিলশাদ, কি কাণ্ড হয়েছে শোন। গত বৃহস্পতিবার সন্ধ্যায় সোহাগ কমুনিটি সেন্টারের ঘটনা। চন্দনার বিয়েতে গিয়েছি। চন্দনাকে চিনেছিছ তো? ঐ যে ব্রিগেডিয়ার লতিফের মেজো মেয়ে। আমি পরেছি একটা কাঙ্ক্ষিতরম শাড়ি, বিসকিট কালারের জমিন, মেজেন্টা পাড়। একদিকে মেজেন্টা, অন্য দিকে সবুজ। খাওয়া-দাওয়া পর আমি পান নিচ্ছি হঠাৎ সাফারি পরা এক স্ত্রীলোক এসে বললেন, ম্যাডাম, কিছু মনে করবেন না। আপনাকে একটা কথা বলতে চাচ্ছি। আপনি কি শুনবেন? আপনার কাছে হাত জোড় করছি। আমি বললাম, বলুন।

'এখানে খুব ভিড়। আপনি যদি গেটের কাছে একটু আসেন। জাস্ট ফর এ সেকেন্ড।'

এমন করে বলছে না গেলে খারাপ দেখা যায়। আমি গেলাম স্ত্রীলোকের সঙ্গে। তারপর যা হল সে এক ভয়ংকর ব্যাপার। থাক, নাভাশার সামনে বলব না। সে আবার চোখ বড় বড় করে শুনেছে। আর দিলশাদ, অন্য ঘরে যাই।

আমার দুই খালারই অনেক টাকা। টাকা শহরে তাঁদের দুটা-তিনটা করে বাড়ি আছে। তাঁরা কেউ গাড়ি ছাড়া বের হতে পারেন না। ঈদের বাজার করতে কোলকাতা যান। শুধু আমার মা গরীব। এখন তিনি এনজিও-র কি একটা চাকরি করেন। বড় একটা গাড়ি এসে তাঁকে নিয়ে যায়। অনেক পোজপাজ, কিন্তু বেতন কম। যা বেতন পান তার অনেকটাই চলে যায় বাড়ি ভাড়া, বাকি টাকাগুলি তাঁকে খুব সাবধানে খরচ করতে হয়। বুঝা কতটুকু চাল সিদ্ধ করবে তা পর্যন্ত মা মেপে সেন। বুঝা নিজে নিজে চাল নিলে বেশি নিয়ে ফেলতে পারে। মাঝে মাঝে মা'র অসময়ে চা খেতে ইচ্ছা করে। তিনি খুশি খুশি গলায় চৌচিরে বলেন, একটু চা কর তো ফুলির মা। তারপরই সম্ভবত তাঁর মনে হয় এটা বাড়তি খরচ। অসময়ের চায়ে বাড়তি চিনি লাগবে, দুধ লাগবে। হিসেবের চিনি দুধে টান পড়বে। মা হালকা নিঃশ্বাস ফেলে বিষণ্ণ গলায় বলেন, থাক, লাগবে না। এই সময় আমি একটা কাণ্ড করি। আমি বলি, আমারও খুব চা খেতে ইচ্ছা করছে মা। বুঝা কে তোমার জন্যে চা করতে বল। আমি তোমার বাপ থেকে দু'চুমুক খাব। আমাকে দু'চুমুক খেতে দেয়ার জন্যে বাধ্য হয়ে মাকে চা খেতে হয়। সেই চা তিনি

বেশ আয়োজন করে খান। মা'র চা খাওয়া পবিত্রা বেশ মজার। অনেকটা পদ্মাসনের ভঙ্গিতে বসেন। চায়ের কাপে চুমুক দেয়ার আগে খুব সাবধানে ঠোঁট আগিয়ে আনেন। যেন চা-টা ভয়ংকর গরম। ঠোঁট লাগানো মাত্র ঠোঁট পুড়ে যাবে। কয়েক চুমুক চা খাওয়ার পর মা কেমন অন্যমনস্ক হয়ে পড়েন। তখন তাঁকে দেখে মনে হয় তিনি এই জগতে নেই। ভিন্ন কোন জগতে বাস করছেন। সেই জগতের সঙ্গে এই পৃথিবীর কোন মিল নেই। তখন যদি দরজার কড়া নড়ে মা গুনতে পান না।

একবার মা এরকম অন্যমনস্ক হয়ে পড়েছেন। তখন ফুলির মা একটা প্রেট ভেঙে ফেলল। ঝন ঝন শব্দ হল। মা সেই শব্দও গুনতে পেলেন না। অথচ আমাদের বাসায় কাপ-পিরিচ কাঙা ভয়াবহ ঘটনা। অন্যমনস্ক অবস্থায় মা কি ভাবেন আমার জানতে ইচ্ছা করে। প্রায়ই ভাবি জিজ্ঞেস করব। তারপর আর জিজ্ঞেস করা হয় না।

এখন রিকশায় করে মা'র সঙ্গে ফিরছি। মা ডান হাতে আমাকে জড়িয়ে ধরে আছেন। তাঁর গা থেকে মিষ্টি একটা গন্ধ আসছে। হালকা গন্ধ। যে গন্ধ শুধু মাদের শরীরেই থাকে এবং মা'দের সন্তান ছাড়া আর কেউ সেই গন্ধ পায় না। আমি ডাকলাম, মা। মা জবাব দিলেন না। তিনি এখন ডুবে গেছেন তাঁর সেই বিখ্যাত অন্যমনস্কতায়। মা'র তাকানোর ভঙ্গি থেকেই বোঝা যাচ্ছে আমার কোন কথাই এখন তাঁর কানে ঢুকবে না। রাস্তার গর্ভে পড়ে রিকশা বড় একটা ঝাঁকুনি খেল। মা'র অন্যমনস্কতা কেটে গেল। মা ফিসফিস করে বললেন, নাতাশা!

'হঁ।'

'তুই তোর অসুখ নিয়ে কোন রকম চিন্তা করবি না।'

'চিন্তা করছি না তো।'

'ডাক্তারদের ধারণা, তোর মাথায় ছোট্ট মটরদানার মত একটা টিউমার হয়েছে। বেনাইন টিউমার। বেনাইন টিউমার কাকে বলে জানিস?'

'না।'

'বেনাইন হল যে টিউমার কোন ক্ষতি করতে পারে না।'

'ও।'

'ডাক্তার অপারেশন করে ঐ টিউমার সবিয়ে ফেলবেন। সেই অপারেশনও খুব সহজ অপারেশন। আমাদের দেশে হচ্ছে না, তবে বিদেশে হরদম হচ্ছে। তোর অপারেশন আমি বিদেশে করাব।'

'এত টাকা কোথায় পাবে?'

'সেটা নিয়ে তোকে ভাবতে হবে না। যেভাবেই হোক আমি জোগাড় করব।'

'কত টাকা লাগবে?'

'তাও তোর জানার দরকার নেই। তুই শুধু মনে সাহস রাখবি। তোর মনে সাহস

আছে তো?'

'ঈ, আছে।'

'সাহস খুব বড় একটা গুণ। এই গুণ পশুদের অনেক বেশি। মানুষের কম। কেন কম বল তো?'

'মানুষ বুদ্ধিমান, এই জন্যেই মানুষের সাহস কম। বুদ্ধিমানরা সাহসী হয় না।'

মা আমার কথায় চমকে গিয়ে আমার দিকে তাকালেন। এরকম কথা তিনি মনে হয় আমার কাছ থেকে আশা করেননি। মা আরো শক্ত করে আমাকে জড়িয়ে ধরলেন। নরম গলায় ডাকলেন, নাতাশা।

'উ।'

'তুই কি তোর বাবাকে অসুখের কথা কিছু লিখেছিস?'

'না।'

'তো'র কিছু লেখার দরকার নেই। যা লেখার আমিই লিখব।'

'আচ্ছা।'

'রিকশায় করে আরও কিছুক্ষণ ঘুরবি?'

আজ আমার রিকশায় ঘুরতে ভাল লাগছে না। খুব ক্লান্তি লাগছে। মনে হচ্ছে রিকশার মধ্যেই ঘুমিয়ে পড়ব, তবু বললাম, ঈ ঘুরব।

'তুই আর তোর বাবা রিকশা চড়ায় ওস্তাদ। ঠিক বলিনি?'

'হঁ।'

'জোর ঘুরতে ভাল লাগছে?'

'লাগছে। রিকশার ছড় ফেলে দাও।'

'না, ছড় ফেলা যাবে না। গায়ে রোদ লাগবে।'

আমি চোখের পাতা মেলে রাখতে পারছি না। হঠাৎ করে বাজ্যের ঘুম আমার চোখে নেমে এসেছে। আমি মা'র কাছে ঘেসে এলাম। তাঁর শরীরের গন্ধ এখন আরো তীব্র হয়েছে। পরিচিত কোন ফুলের গন্ধের সঙ্গে এই গন্ধের মিল আছে। কি ফুল তা মনে করতে পারছি না। মা বললেন, কি রে, তোর শরীর খারাপ লাগছে নাকি? তুই এরকম করছিস কেন?

আমি জবাব দিলাম না। চেষ্টা করলাম আরো মা'র কাছে ঘেসে আসতে। সেটা সম্ভব না। কারোরই খুব বেশি কাছাকাছি বাওয়া যায় না। কথাটা কে যেন বলেছিল? বাবা বলেছিল? মনে হয়, বাবা।

এরকম অদ্ভুত আর মজার মজার কথা বাবা ছাড়া কে বলবে? বাবার কথাটা কি সত্যি? যদি সত্যি হয় তাহলে হাজার চেষ্টা করেও বাবা মা'র খুব কাছে যেতে পারবেন না, আবার মা'ও বাবার খুব কাছে যেতে পারবেন না।

তবে আমার মনে হয়, কথাটা সত্যি না। ইচ্ছে করলেই মানুষের খুব কাছে বাওয়া

যায়। সেই ইচ্ছেটাই কেউ করে না।

আমি বেঁচে থাকলে করতাম। যার সঙ্গে আমার বিয়ে হত, আমি খুব চেষ্টা করতাম তার কাছাকাছি যেতে। সে খারাপ ধরনের মানুষ হলেও করতাম। সে বাইরে থেকে ঘরে এলে আমি ছুটে গিয়ে দরজা খুলে তার দিকে তাকিয়ে হাসতাম। মার মত চোখ-মুখ শক্ত করে থাকতাম না। সে ঘরে ঢোকামাত্র আমি তার হাত ধরে বলতাম — আজ সারাদিন কি কি করলে বল তো। সে হয়ত বিরক্ত গলায় বলত, আহা, কি গুরু করলে। হাত-মুখটা ধুতে দাও। আমি বলতাম, আগে বলতে হবে সারাদিন কি করলে, তারপর তোমাকে ছাড়ব।

আচ্ছা, আমি বোধহয় একটু খারাপ হয়ে গেছি। এখন প্রায়ই বিয়ের কথা ভাবি। এই বয়সে কোন মেয়ে নিশ্চয়ই বিয়ের কথা ভাবে না। মনে হয় দিন-রাত বিছানায় শুয়ে থাকার জন্যে এটা হয়েছে। কিছু করার নেই, শুয়ে শুয়ে থাকা। বাংলা আপা একবার বলেছিলেন, “অলস মস্তিস্ক শয়তানের জীড়াভূমি।” আমার অলস মস্তিস্ক শয়তানের খেলার মাঠ হয়ে গেছে। কয়েকদিন আগে আবার রাতে বিয়ের স্বপ্ন দেখে ফেললাম। রোগা কালো একটা ছেলের সঙ্গে আমার বিয়ে হয়েছে। ছেলেটা রোগা এবং কালো হলেও তার চোখ খুব সুন্দর। আর খুব হাসতেও পারে — সারাক্ষণ হাসছে। আমি তাকে বললাম, এই শোন, এত মেয়ে থাকতে তুমি আমাকে বিয়ে করলে কেন? তুমি কি জান না — আমি বাঁচব না? আমার ব্রেইন টিউমার হয়েছে। মেনিনজিওমা।

ছেলেটা সেই কথা শুনে আরো হাসতে লাগল। তারপর বলল, ঠাট্টা করবে না তো। অসুখ-বিসুখ নিয়ে ঠাট্টা করতে নেই। ঠাট্টা করলে সত্যি সত্যি অসুখ হবে।

আমি বললাম, ঠাট্টা করছি না। তুমি মাকে জিজ্ঞেস করে দেখ।

এতে সে মজা পেয়ে আরো হাসতে লাগল। আমি তখন রেগে গিয়ে বললাম, খবর্দার, হাসবে না।

ছেলেটা তৎক্ষণাৎ গম্ভীর হয়ে বলল, তাহলে কি আমি কাঁদব? বলেই হাউমাউ করে কাঁদতে শুরু করল। তার কান্না দেখে আমার এত খারাপ লাগল যে আমিও কাঁদতে লাগলাম।

তখন মা এসে ধাক্কা দিয়ে আমার ঘুম ভাঙিয়ে বললেন, নাতাশা, কি হয়েছে? কাঁদছিস কেন?

আমি আমার সব কথা মাকে বলি — স্বপ্নের কথাটা মাকে বলতে পারলাম না। এমন লজ্জা লাগল।

আচ্ছা, এই জন্যেই কি একজন মানুষ অন্য একজন মানুষের খুব কাছে যেতে পারে না? লজ্জা, দ্বিধা, ভয় একজন মানুষকে অন্য একজন মানুষের কাছ থেকে সরিয়ে রাখে? খুব ঘনিষ্ঠ দু'জন মানুষের মাঝখানেও বোধহয় পর্দা থাকে। কারো পর্দা খুব ভারি, কারোটা আবার হালকা স্বচ্ছ মসলিনের। সব দেখা যায় — তারপরেও অনেক কিছুই দেখা যায় না।

২

টেলিফোনের শব্দ দিলশাদ জেগে উঠল। অনেক বাত, ঘর অন্ধকার। মাথার কাছে দেয়াল-ঘড়ি টিক টিক করছে। বেশ বাতাস। বাতাসে জানালার পর্দা নড়ছে। চারপাশের পৃথিবী পরিচিত, শব্দাবলী পরিচিত। কিন্তু যে টেলিফোনের শব্দ ঘুম ভাঙাল সেই টেলিফোন এল কোথেকে? এ বাসায় টেলিফোন নেই। কখনো ছিল না। সাজ্জাদের যখন দিনকাল ভাল ছিল তখনো না। সাজ্জাদ টেলিফোনের জন্যে এপুই করেছিল, লাইন আসেনি। কে জানে এতদিনে হয়তো এসেছে। পুরানো বাড়িতে টেলিফোন মিস্ট্রীরা ঘুরাঘুরি করছে।

তাহলে ঘুমের মধ্যে টেলিফোনের পরিষ্কার আওয়াজ সে শুনলো কি ভাবে? শুধু যে ঘুমের মধ্যে শুনেছে তা না। ঘুম ভাঙার পরেও শুনেছে টেলিফোন বেজেই যাচ্ছে, বেজেই যাচ্ছে। আশ্চর্য তো! তাহলে কি কলিংবেলের আওয়াজ? এ বাসায় কলিংবেল আছে, তার শব্দও টেলিফোন রিং-এর কাছাকাছি। তবে গত দু'দিন ধরে সেই কলিংবেল নষ্ট। ফ্ল্যাট বাড়ির কেয়ার-ট্রেকার ত্রিশ টাকা নিয়ে গেছে কলিংবেল ঠিক করার জন্যে, এখনো ঠিক হয়নি।

দিলশাদ বিছানা থেকে নামল। বাতি জ্বালাল না। বেশির ভাগ মানুষ রাতে ঘুম ভাঙলে প্রথম যে কাজটি করে তা হচ্ছে বাতি জ্বালানো। হতুভূড় করে ছুটে যায় সুইচবোর্ডের দিকে। যেন এই মুহূর্তে সুইচ না টিপলে ভয়ংকর কিছু ঘটে যাবে। দিলশাদের ব্যাপারটা অন্য রকম। সে রাতে ঘুম থেকে উঠে কখনোই বাতি জ্বালায় না। পানির পিপাসা পেলে অন্ধকারেই খাবার টেবিলের দিকে যায়। খাবার টেবিলে পিঠিতে ঢাকা জগ থাকে, গ্লাস থাকে। দিলশাদের অন্ধকারে চলাচল করতে অসুবিধা হয় না। তাছাড়া রাতে এই ফ্ল্যাট কখনো পুরোপুরি অন্ধকার হয় না। ফ্ল্যাটের বারানদার চম্ভিশ পাওয়ারের একটা বাতি সারারাত জ্বলে। বড় রাস্তার পাশে ফ্ল্যাট। রাস্তার হলুদ সোডিয়াম লাইটের আলোও ঘরে ঢুকে।

সাজ্জাদের ধারণা, পুরোপুরি অন্ধকার দেখতে হলে জঙ্গলে যেতে হবে। সত্যিকার অন্ধকার শুধু জঙ্গলেই দেখা যায়। দিলশাদ ঠিক করে রেখেছে নাতাশার চিকিৎসার জন্যে বাইরে যাবার আগে দু'দিনের জন্যে হলেও সাজ্জাদের সেই বিখ্যাত জঙ্গল দেখে আসবে। তার নিজের জন্যে নয়, জঙ্গল দেখা বা সত্যিকারের অন্ধকার দেখার শখ তার নেই। নাতাশার জন্যে যেতে হবে। নাতাশা তার বাবার জঙ্গল দেখার জন্যে অপেক্ষা করে আছে। সেই অপেক্ষার ব্যাপারটা সে কিছুতেই বুঝতে দিচ্ছে না। এই মেয়ের সব কিছুই গোপন। নিজ থেকে সে কখনোই বলবে না তার মাথার মস্তুরা শুরু হয়েছে। তার শারীরিক সুবিধা-অসুবিধার কথা জানার কোন উপায় নেই। দিলশাদের ধারণা, এখন নাতাশার চোখের সমস্যা হচ্ছে। বই পড়ার সময় বই চোখের খুব কাছে নিয়ে আসছে।

বেশিক্ষণ পড়ছেও না। মনে হয় পড়তেও কষ্ট হচ্ছে। আগে মাঝে মাঝে দেখা যেত খাটের পাশের টেবিল ল্যাম্প জ্বালিয়ে সে তার খাতায় রাত জেগে লেখালেখি করছে। এখন তাও করে না।

দিলশাদ মেয়ের ঘরে ঢুকল। নাতাশা হাত-পা গুটিয়ে শুয়ে আছে। খাটের একপাশ দেয়ালের সঙ্গে লাগানো, অন্য পাশে দুটি চেয়ার দেয়া। এই ঘরে জিরো পাওয়ারের ব্যক্তি জ্বলছে। জিরো পাওয়ারের আলো চাঁদের আলোর কাছাকাছি। শুধু চাঁদের আলোয় রহস্য আছে, এই আলোয় রহস্য নেই।

নাতাশা ঘুমুচ্ছে। তার গায়ে পাতলা একটা চাদর। কোলবালিশের উপর তার রোগা একটা হাত। কোলবালিশ নাতাশার পছন্দ না, তবু রোজ রাতে দিলশাদ কোলবালিশটা এনে বিছানায় দিয়ে যায়। খাটের পাশে চেয়ার দিয়ে দেয়াল তোলাও নাতাশার অপছন্দ। সে আহত গলায় বলে, তুমি চেয়ার দাও কেন মা? তোমার কি ধারণা আমি গড়িয়ে পড়ে যাব? চেয়ার সরিয়ে নাও তো, আমার বন্দি বন্দি লাগে। নাতাশার খুব অপছন্দের এই কাজটিও দিলশাদ করে। অনেক অপ্রিয় কাজ মাদের করতে হয়।

নাতাশার ঘরে পা দিয়েই দিলশাদের মনে হল নাতাশা ঘুমুচ্ছে না, জেগে আছে। এ রকম মনে হবার যদিও কোন কারণ নেই। ঐ তো দেখা যাচ্ছে নাতাশার চোখ বন্ধ। ঘুমন্ত মানুষের মত বীর লয়ে তার নিঃশ্বাস পড়ছে।

দিলশাদ নরম গলায় ডাকল, নাতাশা! এই বুড়ি!

নাতাশা জবাব দিল না। অথচ দিলশাদ মোটামুটি নিশ্চিত ছিল নাতাশা চোখ মেলে বলবে, কি?

দিলশাদ খাবার ঘরের দিকে গেল। তার পানির পিপাসা হচ্ছে। খাবার টেবিলে পানির জগ-গ্লাস নেই। ফুলির মা আজকাল কাজকর্ম ঠিকমত করছে না। রুটিন কাজে প্রায়ই ভুল করছে। তিনজন মানুষের সংসারে এরকম হবে কেন? দিলশাদ ব্যতি জ্বালাল। ফ্রীজের ভেতর থেকে পানির বোতল বের করল। পানি ঠাণ্ডা হয়নি। ফ্রীজে কিছু একটা গণ্ডগোল হয়েছে। গ্যাস ফুরিয়ে গেছে বা অন্য কিছু হয়েছে। পানি ঠাণ্ডা হয় না। ফ্রীজ ঠিক করার সামর্থ এখন দিলশাদের নেই। প্রতিটি পয়সা এখন তার কাছে সোনার টুকরোর মত। তবে ফ্রীজটা ঠিক করতে হবে। নাতাশা ঠাণ্ডা পানি খেতে ভালবাসে। তৃষ্ণা পেলেই বলবে, মা, ঠাণ্ডা পানি দাও তো।

খাবার ঘরের চেয়ারে দিলশাদ কিছুক্ষণ বসে রইল। বসে থাকতে ভাল লাগছে তবে বেশিক্ষণ থাকা যাবে না। খুব মশা। এক্ষুণি মশা তাকে হেঁকে ধরবে। দিলশাদ আবার নাতাশার ঘরে ঢুকল। আশ্চর্য, মেয়ে চুপচাপ খাটে বসে আছে। দিলশাদ বলল, ব্যাপার কি রে? নাতাশা লজ্জিত গলায় বলল, কিছু না।

'আমি যখন তোকে ডাকলাম তখন তুই কি জেগে ছিলি?'

'হুঁ।'

'জবাব দিসনি কেন?'

'এম্মি।'

'পানি খাবি?'

'না।'

দিলশাদ খাটের পাশে রাখা চেয়ারে বসল। নাতাশার গায়ে কি জ্বর আছে? কিছুদিন হল রাত করে জ্বর আসছে। বেশ ভাল জ্বর। দিলশাদ বলল, গা গরম না কি রে মা?

'উহু।'

মেয়ের কথা দিলশাদের বিশ্বাস হল না। সে মশারির ভেতর হাত ঢুকিয়ে মেয়ের গায়ের তাপ দেখল। জ্বর নেই, গা ঠাণ্ডা। একটু কি বেশি ঠাণ্ডা? শরীর কেমন হিম হয়ে আছে।

'মাথার যন্ত্রণা নেই তো মা?'

'উহু।'

'মশারির ভেতর মশা ঢুকেনি তো?'

'উহু।'

দু'জন দু'জনের দিকে তাকিয়ে চুপচাপ বসে আছে। দিলশাদের উঠে যেতে ইচ্ছা করছে না। কিন্তু নাতাশার বোধহয় বিশ্রাম দরকার।

'নাতাশা!'

'উ।'

'আছ, তুই কি টেলিফোনের শব্দ শুনেছিস?'

'না তো।'

'আমি শুন্লাম টেলিফোন বাজছে।'

'ঘুমের মধ্যে শুনেছ।'

'তাই হবে, কিন্তু এত স্পষ্ট শুন্লাম।'

'মাঝে মাঝে স্বপ্ন খুব স্পষ্ট হয়। আমি আজকাল প্রায়ই একটা খুব স্পষ্ট স্বপ্ন দেখি।'

দিলশাদ আগ্রহের সঙ্গে বলল, কি দেখিস?

নাতাশা শব্দ করে হাসল। দিলশাদ হাসি শুনেই বুঝল এই মেয়ে আর কিছু বলবে না। এই প্রশ্ন আবার করলে সে আবারও হাসবে। দিলশাদ মশারির ভেতর ঢুকে গেল। নিজে ঘরে এখন আর তার ঘিরে যেতে ইচ্ছা করছে না। নাতাশার পাশে শুয়ে পড়লেই হবে। বালিশ নেই। বালিশ আনতে নিজের ঘরে যেতে ইচ্ছা করছে না।

'নাতাশা!'

'উ।'

'তোমার সঙ্গে ঘুমুলে তুমি কি রাগ করবি?'
নাতাশা হাসল। মিষ্টি হাসি। হাসতে হাসতে বলল, না, তোমার ঘুম আসছে না,
তাই না?

'ঠিক ধরেছিস।'

'এক তুমি একটু ভয় পেয়েছ।'

'ভয় পাব কেন?'

'টেলিফোনের শব্দ শুনে ভয় পেয়েছ।'

'আমি এত সহজে ভয় পাই না।'

'আজ একটু পেয়েছ।'

'আচ্ছা মা, একটু পেয়েছি।'

দিলশাদ পা ছড়িয়ে শুয়ে পড়ল। নাতাশা যে বলেছে মশা নেই তা ঠিক না। এই
তো একটা মশা রক্ত খেয়ে ফুলে ঢোল হয়ে আছে। ঝুঁজলে নিশ্চয়ই আরো পাওয়া
যাবে। নাতাশা বলল, তোমার বালিশ লাগবে না?

'না।'

নাতাশার মাথা ধরেছে। চাপা যন্ত্রণা হচ্ছে। এই যন্ত্রণা শুরু হলে দুটা সম্ভাবনা দেখা
দেয়। হয় কিছুক্ষণের মধ্যে প্রচণ্ড ঘুম পায়, নয়তো ব্যথা দেখতে দেখতে অসহনীয় হয়ে
ওঠে। তখন ইচ্ছা করে প্রচণ্ড শব্দে দেয়ালে মাথা ঠুকো মাথাটা ফাটিয়ে ফেলতে। যেন
মাথাটা ফাটলেই ব্যথাটা বের হয়ে যাবে। আজ মাথার চাপা ব্যথাটা কোন দিকে যাবে
নাতাশা বুঝতে পারছে না। আতঙ্কে তার শরীরের ভেতরটা কাঁপছে। এই কাঁপন
বাইরের কারো বোকার উপায় নেই।

'নাতাশা!'

'কি মা?'

'তুমি কি তোমার বাবাকে তোমার অসুখের কথা কিছু লিখেছিস?'

'না।'

'না লেখাই ভাল শুধু শুধু দুশ্চিন্তা করবে। বিদেশে যাবার সব ঠিকঠাক হলে
আমিই জানাব।'

'আচ্ছা।'

'গল্প শুনবি?'

'শুনব।'

নাতাশা মার কাছ থেকে একটু দূরত্ব বেখে শুয়েছে। দিলশাদ মেয়ের গা ঘেঁসে
এলো। একটা হাত রাখল মেয়ের গায়ের উপর। হালকা করে রাখল যেন চাপ না পড়ে।

'ভূতের গল্প শুনবি?'

'হ্যাঁ।'

'ভূতের গল্প শুনে আবার ভয় পাবি না তো?'

'ভয় পাবার জন্যেই তো ভূতের গল্প শোনা। হাসার জন্যে তো কেউ ভূতের গল্প
শুনে না।'

'তাও তো কথা। শোন তাহলে সত্যিকার ভূতের গল্প। এক বর্ষ শিখা না। আমার
মার নামের বাড়ি হচ্ছে সন্দিকোনা বলে একটা জায়গায়। ঠাণ্ডা এককালে বিরাট
জমিদার ছিলেন। খুব রমরমা ছিল। তাঁদের বনভবাড়ির নাম ছিল শতদুয়ারী। বাড়িটার
দরজা ছিল একশটি। এই জন্যে শতদুয়ারী নাম। প্রকাণ্ড সব দরজা। যেমন মজবুত
তেমন ভারি। দরজার কল্‌জায় প্রতি সোমবারে ঘি দেওয়া হত যেন ক্যাচ ক্যাচ শব্দ না
হয়। সপ্তাহে ঘিয়ের বরাদ্দ ছিল একসের এক ছটাক . . .'

'তুমি দেখেছ সেই বাড়ি?'

'হ্যাঁ। সেই গল্পই তো বলছি।'

'এখনও ঘি দেয়?'

'এখন ঘি দেবে কোথেকে? খাওয়ারই পরস্য জুটে না আর ঘি। গল্পটা শোন।
শতদুয়ারী বাড়ির একটা দুয়ার সবসময় বন্ধ থাকত। খোলা নিষেধ ছিল। আমার
নানাজানের বাবা নিষেধ করে গিয়েছিলেন। শুধু যে মুখে নিষেধ করে গিয়েছিলেন তাই
না — দরজার গায়ে খোদাই করে লিখে গিয়েছিলেন। সংস্কৃত মেশানো অঙ্কিত বাংলা
— অদ্য ছাত্রিংশ শ্রাবণঃ ত্রৈশ্য নির্দেশঃ ক্ষুধিতঃ . . .'

'তোমার মুখস্থ না?'

'হ্যাঁ। ছোটবেলায় একবার গিয়েছিলাম। আমি আর বড় আপা। তখন মুখস্থ
করেছি।'

'তোমার বয়স তখন কত?'

'ঠিক খোয়াল নেই। তবে কত আর হবে? সাত-আট হবে।'

'কোন ক্লাসে পড়তে?'

'তোমার সঙ্গে গল্প করা ভারি মুশকিল। এত প্রশ্নের জবাব দিয়ে কি আর গল্প করা
যায়?'

'কোন ক্লাসে পড়তে মনে নেই?'

'না।'

'আচ্ছা, আর প্রশ্ন করব না। তুমি বল।'

দিলশাদ খুব আগ্রহ নিয়ে গল্প শুরু করল।

নাতাশা ছোট্ট করে নিঃশ্বাস ফেলল। তার শরীর কিম কিম করছে। বড় ধরনের
কোন আনন্দময় ঘটনার আগে আগে শরীর যেমন কিম কিম করে সে বকম। নাতাশার
এই আনন্দের কারণ তার মার গল্প নয়। আনন্দের কারণ হচ্ছে তার মাথা ব্যথাটা
ঘুমের দিকে যাচ্ছে। একটুনি সে ঘুমিয়ে পড়বে। মার গল্প এখন খুব অস্পষ্টভাবে তার

কানে যাচ্ছে। মা যেন ধীরে ধীরে দূরে সরে যাচ্ছেন। তাঁর গলার স্বর অনেক দূর থেকে ভেসে আসছে। নাতাশার ঘুম আসছে — গাঢ় ঘুম, শান্তিময় ঘুম।

'সেদিন কি হল নাতাশা শোন। ঠিক করা হল বন্ধ দরজাটা খোলা হবে। তালার চাবি তো অনেক আগে থেকেই নেই। মিস্ত্রী আনা হয়েছে তালার খোলার জন্যে। সে সন্ধ্যা থেকেই তালার খোলার চেষ্টা করে যাচ্ছে। তালার খুলছে না . . . নাতাশা ঘুমিয়ে পড়েছিল নাকি? . . .

নাতাশা জবাব দিল না। দিলশাদ মেয়ের ভারি নিঃশ্বাসের শব্দ শুনল। ঘুমিয়ে পড়েছে। দিলশাদ মেয়ের কপালে হাত রাখল। কপাল ভেজা। সে ঘামছে। এমন ঘামা ঘেমেছে, মনে হচ্ছে গোসল সেরে উঠল।

গল্পটা শেষ করতে না পেরে দিলশাদের খারাপ লাগছে। আজ আর ঘুম আসবে না। তার বিশ্রী স্বভাব হয়েছে, রাতে ঘুম ভাঙলে আর ঘুম আসে না। সররারাত জেগে থাকতে হয়। তখন বড় নিঃসঙ্গ লাগে। দিলশাদ সাবধানে মেয়ের পাশ থেকে উঠে এল। অঙ্ককারে হেঁটে হেঁটে পূর্বদিকের বারান্দার দরজা খুলল। খুব সাবধানে খুলল। মেয়ের ঘুম যেন না ভাঙে। বিছানা থেকে নেমে আসার পর মনে হল — আরে, মশাগুলি তো মারা হল না। আবার ফিরে যেতে ইচ্ছা করছে না। দিলশাদ বারান্দার দিকে পা বাড়াল।

রেলিং দেখা ছোট্ট বারান্দা। নামেই বারান্দা। আলো-বাতাস নেই। আকাশ দেখা যায় না। বারান্দার সামনে নতুন এপার্টমেন্ট বিল্ডিং উঠছে — বারতলা দালান। দৈত্যের মত এই দালান দিলশাদের ছোট্ট বারান্দা ঢেকে ফেলেছে। রাতের বেলা বারান্দায় এলে সামনের এপার্টমেন্ট হাউসটাকে জেলের পাঁচিলের মত লাগে।

বারান্দায় একটা গদি বসানো বেতের চেয়ার আছে। মেঝের পুরোটা ওয়াল টু ওয়াল কার্পেটের মত করে শীতল পাটিতে ঢাকা। ছাদের কানিশ থেকে ঝুলন্ত টবে অর্কিড। দিলশাদের খুব শখের গাছ। নীল রঙের ফুল যখন ফুটে দিলশাদের আঙুল লাগে।

দিলশাদ বারান্দায় বেতের চেয়ারে বসল না। মেঝের শীতল পাটিতে বাচ্চাদের মত পা ছড়িয়ে বসল। কাল বৃহস্পতিবার হাফ অফিস। কাল সারা দিনে কি করবে ভেবে নেয়া যাক। অফিসের পর সে বাসায় না এসে সরাসরি চলে যাবে — বড় দুলাভাই ওয়াদুদুর রহমান সাহেবের অফিসে। ওয়াদুদুর রহমান সাহেবের নিজের অফিস বলেই তিনি ছুটির দিনেও অফিসে থাকেন। তারপরেও টেলিফোন করে যাবে। নাতাশাকে বাইরে পাঠানোর টাকা এক্ষুণি জোগাড় করতে হবে। হাতে সময় নেই। বড় দুলাভাইয়ের কাছে সরাসরি চাওয়াই ভাল। আপার কাছে চেয়ে কিছু হবে না। দুলাভাইয়ের সংসারে আপার অবস্থা জাপানী পুতুলের মত। তাকে সাজিয়ে-গুছিয়ে রেখে দেয়া হয়েছে। এর বেশি কিছু না।

ওয়াদুদুর রহমান সাহেবকে দিলশাদ সহ্যই করতে পারে না। তাঁর আচার-আচরণ

দিলশাদের কাছে অতীতে অরুচিকর মনে হয়েছে, এখনো হয়। বড় আপার বিয়ের পর তিনি এক রাতে তাঁর দুই শালী এবং স্ত্রীকে নিয়ে রাশিয়ান কালচারাল স্টেটারে সিনেমা দেখাতে নিয়ে গেলেন। যাবার আগে ঘোষণা দিলেন — আমার দুই শালী থাকবে আমার দুই পাশে এবং আমি আমার দু'হাত শালীদের কোলে ফেলে রাখব। এইটুকু সুযোগ না পেলে সুন্দরী শালী থাকার মানে কি? হা হা হা।

তিনি যে সিনেমা হলে ঢুকে সত্যি সত্যি শালীদের কোলে হাত রাখবেন দিলশাদ তা কম্পনাও করেনি। সে হতভম্ব হয়ে গেল এবং চাপা গলায় বলল, দুলাভাই, হাত সরিয়ে নিন। ওয়াদুদুর রহমান বললেন, পাগল হয়েছে? দিলশাদ বলল, দুলাভাই, আমি কিন্তু উঠে চলে যাব। ওয়াদুদুর রহমান হাত সরিয়ে নিলেন।

বাসায় ফিরে দিলশাদের বড় আপা দিলশাদের সঙ্গে খুব রাগারাগি করল। ধমকামে গলায় বলল, তুই এরকম করলি কেন? তোর কি মাথাটা খারাপ হয়ে গেছে? দুলাভাইরা শালীদের সাথে ঠাট্টা-মশকরা করে না? তুই বিশ্রী ব্যবহার করলি! বেচারার মনে কষ্ট পেয়েছে। কেমন গম্ভীর হয়ে আছে।

দিলশাদ বলল, গম্ভীর হয়ে থাকলেও কিছু করার নেই আপা। এই জাতীয় ঠাট্টা আমার পছন্দ না।

'কোলে হাত রাখলে কি হয়?'

'কিছুই হয় না, কিন্তু আমার ভাল লাগে না।'

'আসলে তুই বেশি পেকে গেছিস। এত পাকা ভাল না।'

'পেকে যখন গেছি তখন তো আর করার কিছু নেই। পেকে যাওয়া ফল কাটা করার কোন পদ্ধতি নেই।'

'এখন চা নিয়ে তোর দুলাভাইয়ের কাছে যা, তার রাগ ভাঙা। বেচারার যা মন খারাপ করেছে আমারই কান্না পাচ্ছে।'

দিলশাদ চা নিয়ে গেল। দেখল, দুলাভাই মোটেই মন খারাপ করে নেই। দিলশাদের মেজোআপা দিলরুবার সঙ্গে মোটা দাগের রসিকতা করে যাচ্ছেন। নিজের রসিকতায় নিজেই হাসছেন। দিলশাদের বড় আপা এসে তাদের সঙ্গে যোগ দিল এবং হাসিমুখে বলল, এই শোন, দিলুদের ঐ গল্পটা বল তো, মোটা শাশুড়ি আর চিকন বোয়ের গল্প। একটু অবসিন কিন্তু দারুণ ফানি। গুৱা শুনলে মজা পাবে। প্লীজ। একটু রেখে-ঢেকে বসো।

ওয়াদুদুর রহমান তৎক্ষণাৎ মোটা শাশুড়ি আর চিকন বোয়ের গল্প শুরু করলেন। রেখে-ঢেকে বলার পরেও গল্পের শেষটা শুনে দিলশাদের হাত-পা ঠাণ্ডা হয়ে যাবার উপক্রম হল। তার বড় আপা হাসতে হাসতে বিষম খেয়ে হেঁচকি উঠিয়ে ফেলল। দিলশাদ ভেবে পেল না তার আপা কি করে এমন আপত্তিকর একটা গল্প তাদের বলতে বলল। বোকা বলেই বোধহয় বলল। স্বামীকে খুশি করার জন্যে বোকা স্ত্রীরা

হাস্যকর সব জিনিস করে।

ওয়াদুদুর রহমান কি দিলশাদকে লাখ দুই টাকা দেবেন না? সম্ভবত দেবেন। তাঁর হাতে টাকা আছে। তবে ভদ্রলোক যেহেতু ব্যবসায়ী সেহেতু টাকা ফেরত আসবে কিনা এই চিন্তাটা তাঁর মাথায় থাকবে। দিলশাদের প্রথম কাজ হচ্ছে ভদ্রলোকের মাথা থেকে এই দুঃশ্চিন্তা নূর করা। কিভাবে দিলশাদ তা করবে তা ঠিক করা আছে। সে অনেক ভেবে-টেবে ঠিক করেছে।

দিলশাদের বাবার হাতেও কিছু টাকা আছে। তার বাবা রিটার্ডার্ড ভাইস প্রিন্সিপ্যাল হাদিউজ্জামান সাহেব তাঁর গ্র্যাডুইটি, সার্কেন্ডার করে দেয়া পেনসনের টাকা ব্যাংকে জমা করে রেখেছেন। টাকার পরিমাণ ঠিক কত তা দিলশাদ জানে না। তবে তার অনুমান তিন-চার লাখ টাকা হবে। তাঁর কলাবাগানের দুতলা বাড়ির একতলায় তিনি থাকেন। দুতলাটা ভাড়া দেন। ভাড়ার টাকায় খুব হিসেব করে সংসার চালান।

হাদিউজ্জামান সাহেব প্রায়ই বলেন, আমার তো আর ছেলে নেই যে, বুড়ো বয়সে ছেলের সংসারে থাকব। যেয়েদের সংসার হলো পরের সংসার, সেখানে আমাদের জায়গা হবে না। আমাদের ব্যবস্থা আমাদেরই দেখতে হবে। আমি কাউকে কিছু দেব না। অন্যদেরও আমাকে কিছু দিতে হবে না।

গত রোজার ঈদে দিলশাদ তার বাবার জন্যে মটকার একটা পাঞ্জাবি এবং মার জন্যে টাঙ্গাইলের সুতির শাড়ি নিয়ে গেল। হাদিউজ্জামান সাহেব গভীর খেলায় বললেন, মা, পাঞ্জাবি এনেছ অত্যন্ত খুশি হয়েছি। কিন্তু আমি তো মা তোমার এই পাঞ্জাবি রাখতে পারব না। ইসলাম ধর্মে পুরুষদের রেশমী পোশাক পরা নিষেধ।

দিলশাদ বলল, এটা বদলে সুতির পাঞ্জাবি নিয়ে আসি?

‘না। আমার জন্যে এবং তোমার মার জন্যে কিছুই আনবে না। উপহার পেলেই উপহার দিতে হয়। আমার কিছু দেবার সামর্থ যখন নেই তখন দেবার উপায়ও নেই। তোমরা কষ্ট পাও বা রাগ কর আমার কিছুই করার নেই।’

দিলশাদের ধারণা তার বাবার মাথা ব্যাপন হয়ে গেছে। মাথা স্বাভাবিক বীজ আগেই ছিল। যেদিন রিটার্ডার করলেন সেদিনই বীজ থেকে চারা বের হল। যত দিন যাচ্ছে ততই চারা ডালপালা প্রসারিত করে বাড়ছে। সারা জীবন ঘোর নাস্তিক হাদিউজ্জামান সাহেব এখন এক পীর সাহেবের কাছে যাতায়াত শুরু করেছেন। যুবক বয়েসী পীর। চুল-দাড়ি সবই কালো। তাকেই তিনি পরম শ্রদ্ধা ভরে বাবা ডাকছেন। দেখা হলেই কদমবুসি করছেন। কঠিন কদমবুসি। পা থেকে ধুলা নিয়ে সত্যি সত্যি কপালে ঘসেন। পীর সাহেব তাঁকে দশলক্ষ একবার সূরা কাফ পরতে বলেছেন। পড়া শেষ হলেই তিনি তাঁকে নিয়ে চিল্লায় যাবেন। সেখানে তাঁর জন্যে খাস দিলে দেয়া করা হবে। যার পরপরই বাতেনী জগৎ হাদিউজ্জামান সাহেবের কাছে ধরা দেবে।

বাতেনী জগৎ ধরার জন্যে হাদিউজ্জামান সাহেব এখন সূরা কাফ পড়ে যাচ্ছেন।

চার লক্ষ বাবের মত পড়া শেষ হয়েছে। সূরা পাঠের জন্য একটা ঘর আলাদা করা হয়েছে। সেই ঘরে কোন আসবাব নেই। তিনি নিজের হাতে মেঝে ঘোয়ামোছা করেন। অন্য কারো সেই ঘরে প্রবেশ সম্পূর্ণ নিষেধ। মাগরেবের নামাজের পর তিনি তাঁর এই ঘরে মোমবাতি জ্বলে দেন। মোমবাতির আলোয় সূরা পাঠ চলতে থাকে। এশার নামাজের ওয়াক্ত না হওয়া পর্যন্ত সূরা পাঠ থামে না। রাতে যখন ঘর থেকে বের হন তখন ঘামে তাঁর সারা শরীর ভেজা থাকে। চোখ হয় টকটকে লাল। তিনি নাকি সূরা পাঠের সময় বিচিত্র সব শব্দ শুনতে পান। কারা নাকি তাঁর কানে পোছন দিক থেকে ফুঁ দেয়।

এ দেশের স্ত্রীরা বতই স্বামীনচেতা হোক, তারা স্বামীর অনুকরণ ও অনুসরণ করা থেকে নিজেদের বিরত রাখতে পারেন না। দিলশাদের মা মনোয়ারা বেগমও তার ব্যতিক্রম নন। তিনিও এখন নিয়মিত স্বামীর সঙ্গে পীর সাহেবের কাছে যান। পীর সাহেবকে ভক্তি ভরে কদমবুসি করেন। তিনিও মাগরেবের পর তসবি হাতে বসেন — এশার নামাজের আগে সেই তসবি তাঁর হাত থেকে নামে না। ইদানীং তিনিও বলছেন তসবি পাঠের সময় কারা যেন তাঁর চারপাশে ফিসফাস করে। তিনি অপূর্ব সুগন্ধ পান। কাঠালী চাপা ফুলের গন্ধের মত গন্ধ। সেই গন্ধে তাঁর মাথা ঝিমঝিম করে। দিলশাদের ধারণা তার মার এই কথাগুলো বানানো। তিনি স্বামীকে খুশি করার জন্যেই মিথ্যা গল্প বানিয়েছেন।

মনোয়ারা বেগম তার মেয়েকে বলে দিয়েছেন এক লাখ টাকার ব্যবস্থা তিনি যেভাবেই হোক করে দেবেন। এই ব্যাপারে দিলশাদ যেন নিশ্চিন্ত থাকে। দিলশাদ নিশ্চিন্ত নেই। কারণ টাকাপয়সা মনোয়ারার নিয়ন্ত্রণে নেই। হাদিউজ্জামান সাহেব বর্তমানে বাতেনী জগতের সন্ধানে ব্যস্ত থাকলেও ইহলৌকিক ব্যাপারগুলিও কঠিন নিয়ন্ত্রণে রেখেছেন। এক পোয়া মুড়ি আনার জন্যে দশটা টাকাও মনোয়ারা বেগমকে স্বামীর কাছ থেকে নিতে হয়।

দিলশাদ ঠিক করেছে সে তার বাবার সঙ্গে সরাসরি কথা বলবে। এই কথোপকথনে সে মাকেও সঙ্গে রাখবে না। স্ত্রীর সমর্থনসূচক যে কোন কথাই হাদিউজ্জামান সাহেব বিরক্ত হন। এই মুহূর্তে বাবার বিরক্তি তার কাম্য নয়।

টাকার জন্যে সাজ্জাদের দিক থেকে যে সব আত্মীয়স্বজন আছে তাদের কাছে কি সে যাবে? বাবার কোন মানে হয় না। সাজ্জাদের বড়ভাই থাকেন জয়দেবপুরে। রাইস রিসার্চ ইন্সটিটিউটের সিনিয়র সাইন্টিফিক অফিসার। তাঁকে তাঁর নিজের সংসার দেখতে হয় এবং বিধবা ছোটবোনদের সংসার দেখতে হয়। ভদ্রলোকের স্ত্রী আর্থাইটিসে প্রায় পঙ্গু। ভয়াবহ টানটানিতে সংসার চলে। তারপরেও ব্যবসার জন্যে তিনি সাজ্জাদকে এক সময় দশহাজার টাকা দিয়েছিলেন। প্রতিডেন্ট ফান্ডে তাঁর কিছু ছিল না। টাকাটা দিয়েছিলেন ধার করে। সেই টাকা ফেরত দেয়া হয়নি।

নাতাশার খবর জানলে তিনি নিশ্চয়ই খুব ব্যস্ত হয়ে পড়বেন তবে কোন সাহায্য করতে পারবেন না। খুব লজ্জার মধ্যে পড়বেন। কি দরকার তাঁকে লজ্জা দিয়ে।

সাজ্জাদের এক মামা থাকেন পুরানো ঢাকায়। ভ্রলোকের প্রচুর টাকা। কাপড়ের ব্যবসা করেন। দিলশাদের বিয়েতে একশ' টাকার প্রাইজ বন্ড দিয়েছিলেন। তাঁর কাছে কিছুই পাওয়া যাবে না। তবু দিলশাদ একবার যাবে। ভয়ংকর কৃপণ মানুষও মাঝে মাঝে খুব দয়ালু হয়ে যায়। চেষ্টা করে দেখতে ক্ষতি কিছু নেই।

দিলশাদের নিজেই সঞ্চয় সামান্যই। বিয়ের সময়ে পাওয়া বেশ কিছু গয়না ছিল। তার বাবা দিয়েছিলেন। মা নিজের গয়না তিন ভাগ করে তিন মেয়েকে দিয়েছিলেন। তার পরিমাণও কম ছিল না। সেইসব গয়নার কিছুই নেই। একদিন কি কারণে স্ট্রলের আলমারীর লকার খুলে দেখে লকারে রাখা বিসকিটের টিন খালি। বিসকিটের টিনে সব গয়না ছিল। দিলশাদ শুধু উপন্যাসেই পড়েছে — স্বামীর নেশার পরাসার জন্যে স্ত্রীর গয়না বিক্রি করে দেয়। স্ত্রী গয়নার শোকে কাঁদতে কাঁদতে বিছানা নেয়। উপন্যাসের মতই তার জীবনে গয়না বিক্রির ব্যাপার ঘটেছে, শুধু সে কাঁদতে কাঁদতে বিছানা নেয়নি। শান্ত গলায় বলেছে — কাজটা করলে কিভাবে? একদিনে নিশ্চয়ই সব গয়না বিক্রি করনি — আস্তে আস্তে করেছে, তাই না? না-কি একদিনেই বিক্রি করেছে?

সাজ্জাদ অস্বস্তির সঙ্গে বলেছে, বিক্রি করিনি। বন্ধক রেখে টাকা নিয়েছি। তোমাকে রশিদ দেখাতে পারব।

'দেখাও, রশিদ দেখাও।'

সাজ্জাদ রশিদ খোঁজা শুরু করল। এই সুটকেস খুঁজে, ঐ সুটকেস খুঁজে। বইয়ের পাতার ফাঁকে দেখে। রশিদ খোঁজার আশ্চর্য অভিনয়।

'দিলু, তুমি বিশ্বাস করছ না। রশিদ সত্যি আছে। তোমার চোখে যেন না পড়ে সেক্ষেত্রে গোপনে কোন জায়গায় রেখে নিজেই ভুল গেছি। তিন মাসের মধ্যে তোমার সব গয়না আমি এনে দিব। আজ থেকে ঠিক তিন মাস।

অনেক তিন মাস পার হয়েছে, গয়না আসেনি। আর কোনদিন এই প্রসঙ্গ নিয়ে দিলশাদ কথা বলেনি। তার রুচি হয়নি।

নাতাশা তার বাবার এই দিকগুলি জানে না। দিলশাদ জানতে দেয়নি। মেয়েটা তার বাবাকে প্রচণ্ড ভালবাসে। বাবার এইসব দুর্বলতা জানার পরেও সে নিশ্চয়ই তার বাবাকে ভালবাসবে কিন্তু মেয়েটার ভালবাসার অপমান হবে। মা হয়ে দিলশাদ তা করতে দিতে পারে না।

দিলশাদ খুব ভাল করে জানে, নাতাশা তার বাবা-মার ভেতরের প্রচণ্ড দূরত্বের জন্যে তাকেই দায়ী করে। কারণ তাকেই সাজ্জাদের সঙ্গে রুঢ় কঠিন আচরণগুলি করতে হয়। নাতাশা শুধু তিজক্ততাই দেখে — তিজক্ততার উৎস সম্পর্কে জানে না। যেমন নাতাশা কোনদিনই জানবে না তার মেজোখালা এক সন্ধ্যাবেলা এসে ফিসফিস

করে দিলশাদকে কি বলে গেল।

সে শুধু দেখেছে, তার মা পাথরের মত হয়ে গেছে। রাতে কিছু খায়নি। এবং সারা রাত এক ফোঁটা ঘুমায়নি। ভোরবেলা নাতাশা বলেছিল, তোমার কি হয়েছে মা? তোমাকে এমন ভয়ংকর দেখাচ্ছে কেন?

দিলশাদ বলেছে — মারে, আমার শরীরটা খারাপ।

নাতাশা বলেছে — তোমার শরীর খারাপ না মা। তোমার মন খারাপ। শরীর খারাপ হলে চেহারা একভাবে খারাপ হয়। মন খারাপ হলে অন্য ভাবে খারাপ হয়। বল তো কি হয়েছে?

দিলশাদ চুপ করে থেকেছে। সেদিন সে অফিসেও যায়নি, তার বারান্দায় চুপচাপ বসেছিল। নটার দিকে সাজ্জাদ ব্রাশ দিয়ে দাঁত ঘসতে ঘসতে বারান্দায় এসে বলল, কি ব্যাপার, অফিস যাওনি?

দিলশাদ বলেছে — না।

'শরীর খারাপ করেছে? ছ্বর-জারি? দেখি টেম্পারেচারটা দেখি।'

দিলশাদ কঠিন গলায় বলেছে, গায়ে হাত দেবে না।

এর জবাবে সাজ্জাদ কি একটা রসিকতা যেন করেছিল। কি রসিকতা করেছিল দিলশাদের মনে নেই। তার শুধু মনে আছে সে ভেতরে ভেতরে ধরধর করে কাঁপছিল। তার মুখে প্রায় এসে গিয়েছিল — তুমি মেজোআপার বাসায় গত বৃহস্পতিবার গিয়ে কি করেছ?

সে নিজেকে সামলেছে। কথাগুলি বলা কষ্টের, না বলা আরো কষ্টের।

দিলশাদের মেজোআপা দিলকুবা অবশ্যি খুব সহজভাবেই কথাগুলি বলেছে। সন্ধ্যাবেলা এসেছে। চা খেয়েছে। গল্পটিম্প করে উঠে চলে যাবার সময় হঠাৎ মনে পড়ার ভঙ্গিতে বলেছে — দিলু, তোকে একটা কথা বলি। রাগ করিস না।

দিলশাদ বলল, এমন কি কথা বলবে যে রাগ করব।

'হাসব্যান্ডের ব্যাপারে মেয়েরা খুব সেনসেটিভ হয় — এই জন্যেই বলছি।'

দিলশাদ শংকিত চোখে তাকাল। দিলকুবা বলল, সাজ্জাদ তাঁর মেজো দুলাভাইয়ের কাছে বেশ কয়েকবার এসেছে। তার কিছু টাকা দরকার এই জন্যে। এটা তুই বোধহয় জানিস।

'না, আমি জানি না।'

'যাই হোক, ও বিশ হাজার টাকা চাচ্ছে। তাঁর দুলাভাই দিতে পারছে না। তার ব্যবসার অবস্থা ভাল না। সে স্পষ্ট না করে দিয়েছে। তারপরেও বার বার এসে, এমন চাপাচাপি — খুব অস্বস্তিকর অবস্থা।

'আমাকে বলনি কেন?'

'আমি ভাবতাম তুই জানিস।'

'না, আমি জানতাম না।'

'যাই হোক, সমস্যায় পড়লে আত্মীয়স্বজনের কাছে টাকা ধার চাওয়া কোন অন্যায় না।'

'এরচে' অন্যায় কিছু কি সে করেছে?'

দিলরুবা হাসিমুখে বলল, তুই চোখ-মুখ যেভাবে শক্ত করে ফেলেছিস, তোকে বলতেই তো ভয় লাগছে। যাই হোক, শোন — সাজ্জাদ গত বৃহস্পতিবার গিয়েছে আমাদের বাসায়। আমরা কেউ বাসায় ছিলাম না। ও রাত নটা পর্যন্ত অপেক্ষা করেছে। আমার কাজের বুয়া তাকে চা দিয়েছে। ফ্রীজে গাজরের হালুয়া ছিল। হালুয়া দিয়েছে। ও খেয়েদেয়ে চলে এসেছে। তারপর থেকে বসার ঘরে সাইড টেবিলে রাখা কুস্টালের ঘড়িটা নেই। এখানেইটির উপর কুস্টালের যে ঘড়ি। মস্য কন্যার মূর্তির মত।

'তুমি বলতে চাচ্ছ ঘড়িটা সে চুরি করেছে?'

'আমার কাজের মেয়েটা বলছিল সে হালুয়া নিয়ে ঘরে ঢুক দেখে সাজ্জাদের হাতে ঘড়ি। সে খুব মন দিয়ে ঘড়ি দেখছে।'

দিলশাদ আবার বলল, তুমি বলতে চাচ্ছ সে তোমার ঘড়ি চুরি করেছে?'

'এই তো তুই বেগে যাচ্ছিস। হয়ত ঠাটা করে নিয়েছে। হয়ত মনের ভুলে পকেটে রেখে দিয়েছে। এই রকম ভুল তো মানুষ সব সময় করে। করে না? তবে ঘড়িটা তোরা দুলাভাইয়ের খুব শখের। সেবার আমেরিকায় গিয়ে 'মেসিস' স্টোর থেকে কিনেছে। ট্যাক্স নিয়ে দাম পড়েছে দশ চল্লিশ ডলার। দামটা কোন ব্যাপার না — শখের জিনিস তো। টাকা দিয়ে তো আর শখের জিনিসের দাম হয় না।'

হড়বড় করে দিলরুবা আরো অনেক কথা বলেছে — কিছুই দিলশাদের কানে যায়নি। সে পলকহীন চেখে তাকিয়েছিল, একবার শুধু চিৎকার করে বলতে ইচ্ছা হয়েছিল — আপা, চুপ কর। প্লীজ চুপ কর। তাও বলেনি।

সাজ্জাদ যেদিন বলল সে বাসরবন যাবে সেদিন আন্তরিকভাবেই দিলশাদ খুশি হয়েছিল। চলে যাক। চোখের আড়ালে চলে যাক। চলে যাবার দিন সে সাজ্জাদের সঙ্গে খুব খারাপ ব্যবহার করেছে। খারাপ ব্যবহারটা নাতাশার চোখে পড়েছে। খারাপ ব্যবহারের পেছনের কারণটা সে জানে না। কোনদিন জানবে না। সবকিছু সবাইকে জানতে নেই।

ফজরের আজান পড়ছে। ঢাকা শহরে শত শত মসজিদ। আগামী দশ মিনিট ধরে আজান হতে থাকবে। কাছ থেকে, দূর থেকে ঘুম ভাঙানোর জন্যে মোয়াজ্জিন অতি মধুর গলায় আহ্বান জানাবেন —

'আসসালাতু খাইরুম মিনাননাউম।'

'ঘুমের চেয়ে নামাজ উত্তম।'

দিলশাদের নানীজান তাকে বলেছিলেন, ঘুম ভাঙানোর জন্যে আজান দেয়া হলেও, যারা দুট লোক, আজানের শব্দে তাদের ঘুম গাঢ় হয়। ফজরের আজান হচ্ছে তাদের কাছে ঘুমপাড়ানি গানের মত। দিলশাদের মনে হচ্ছে সে একজন দুট মহিলা। আজানের শব্দে ঘুমে তার চোখ বন্ধ হয়ে আসছে। সে পাটিতে কুণ্ডলি পার্কিয়ে শুয়ে পড়ল। মনে হচ্ছে শরীরের প্রতিটি জীবকোষ ঘুমিয়ে পড়ছে। গভীর অবসাদের ঘুম। যেন এই ঘুম কোন দিন ভাঙবে না।

www.shopnil.com

মতিবিলের বারতলা দালানের নতলায় ওয়াদুদুর রহমান সাহেবের অফিস — রহমান ট্রেডিং কোম্পানী। দু' কামরার অফিস। দু' কামরার একটায় কর্মচারীরা বসে, অন্যটা দু'ভাগ করা হয়েছে। সেই দু'ভাগের একভাগে ওয়াদুদুর সাহেবের অফিস ঘর, অন্যটা তাঁর খাস কামরা। খাস কামরা সুন্দর করে সাজানো। বিরাট একটা জানালা। জানালার দিকে পেছন ফিরে ওয়াদুদুর সাহেব বসেন। কারণ জানালা দিয়ে তাকালে তাঁর মাথা ঘুরে। তাঁর উচ্চতা-ভীতি আছে। তিনি বসেন নিচু রিভলভিং চেয়ারে। মানুষটা বেঁটে বলে চেয়ারে বসলে তাঁকে প্রায় দেখাই যায় না। তাঁর সামনে প্রকাণ্ড টেবিল। টেবিলটাই ঘরের অনেক জায়গা নিয়ে নিয়েছে।

ওয়াদুদুর রহমান সাহেব তাঁর খাস কামরায় খালি গায়ে বসেছিলেন। মানুষটা অতিরিক্ত রকমের ফরসা। বয়সের কারণে শরীরে খলখলে ভাব চলে এসেছে। তাঁর কাঁধে ভেজা একটা টাঙয়েল। টেবিলের সামনে এক কাপ কফি। মুখ বিকৃত করে তিনি কফিতে চুমুক দিচ্ছেন। তাঁকে দেখে মনে হচ্ছে কফিটা তিনি অমুখের মত খাচ্ছেন। দিলশাদকে ঘরে ঢুকতে দেখে তিনি হাসিমুখে তাকালেন। দিলশাদ বলল, ব্যাপার কি?

ওয়াদুদুর রহমান বললেন, কোন ব্যাপারটা জানতে চাচ্ছে? নেংটে হয়ে বসে আছি কেন? ঘরের এটি নষ্ট। ঠিক করার জন্যে মিস্ট্রী এনেছিলাম। গাথাটা কিছুই জানে না। কি সব খুঁটাটি করেছে। এখন পুরো নতলায় কারেট অফ। গরমে সিঁদ্ধ হচ্ছি। চলে যেতাম। তুমি আসবে বলেছি কাজেই বসে আছি। প্রতীক্ষা করছি। সুন্দরী শ্যান্ডিকা গোপনে দেখা করতে চাচ্ছে — এই সুযোগ হারাবার মত বোকা আমি না। এখন বল তোমার কি খবর?

'ভাল।'

'জগতের কুৎসিততম কফি খেতে চাইলে খাওয়াতে পারি। খাবে?'

দিলশাদ বসতে বসতে বলল, জি না। ওয়াদুদুর রহমান বললেন, এত দূরে বসো না তো দিলু। আমার পানে এসে বসো। যেন ইচ্ছা করলেই আমি তোমার হাত ধরতে পারি। সুন্দরী শালীদের হাত ধরায় পাপ হয় না। হা হা হা। আচ্ছা, তোমার অনুমান শক্তি কেমন তার একটা পরীক্ষা হয়ে যাক। বল তো অফিসের বড় সাহেবদের খাস কামরার টেবিলটা কাটের মত প্রকাণ্ড হয় কেন? দেখি তোমার অনুমান।'

দিলশাদ বিব্রত গলায় বলল, দুলাভাই, আমার অনুমান ভাল না।

'তোমাকে একটু হিন্টস দিচ্ছি। সেই সব বড় সাহেবদের অফিসেই প্রকাণ্ড টেবিল থাকে যাদের সুন্দরী স্টেনো থাকে। এখন পারবে, না আরো হিন্টস লাগবে? হা হা হা।'

দিলশাদ অস্বস্তি বোধ করছে। সে অস্বস্তি কাটাবার জন্যে ছোট্ট করে নিঃশ্বাস ফেলল। ওয়াদুদুর রহমান হঠাৎ হাসি ধামিয়ে গম্ভীর গলায় বললেন, দু'—এক দিনের

ভেতর তোমার বাসায় যাব বলে ঠিক করে রেখেছি। এমন সব বামেলায় জড়িয়েছি, যেতে পারছি না। আসল খবরই জিজ্ঞেস করা হয়নি। নাতাশা কেমন আছে? ওর খবর কি?'

'আগের মতই।'

'স্টেবল কি না সেটা বল।'

'বুঝতে পারছি না।'

'তোমার তো বুঝতে পারার কথাও না। ডাক্তার কি বলেছে?'

'ডাক্তার সাহেব বলছেন — স্টেবল। উনি আমেরিকার এক হাসপাতালের সঙ্গে কথা বলে সব ঠিকঠাক করেছেন। একে নিয়ে গেলেই অপারেশন হবে।'

'নিচ্ছ কবে?'

'সামনের মাসের দু'তারিখে যাব। তখনে এখনো এক মাসের মত আছে।'

'টাকাপয়সার ব্যবস্থা কি করেছ?'

দিলশাদ সহজ গলায় বলল, জোগাড় করার জন্যে এখন পথে নেমেছি। প্রথমেই আপনার কাছে এসেছি।

'আমার কাছে আসার দরকার ছিল না। আমি নিজেই তোমার কাছে যেতাম। তোমাকে তিন লাখ টাকা যাতে দিতে পারি সে ব্যবস্থা করে রেখেছি। ব্যবসা যারা করে তাদের কাছে ক্যাশ টাকা থাকে না। সাধারণ মানুষ এটা বুঝতে পারে না। খুব বড় বড় ব্যবসায়ীও দেখবে বিপদের সময় বিশ-ত্রিশ হাজার টাকা বের করতে পারবে না। যাই হোক, তোমার টাকা কি পরিমাণ লাগবে?'

'অপারেশন আর হাসপাতাল খরচ লাগবে কুড়ি থেকে পঁচিশ হাজার ডলারের মতো।'

'তার মানে প্রায় দশ লাখ টাকা লাগবে। তোমাকে আরো আটের জোগাড়ের ব্যবস্থা করতে হবে।'

'হ্যাঁ।'

'পারবে?'

'পারব।'

'ভেরী গুড। তুমি আটের ব্যবস্থা কর। আমারটা আমি ডলার করে তুমি প্রেনে উঠার আগে আগে তোমার হাতে দিয়ে দিব। কিংবা এমন ব্যবস্থা করব যেন আমেরিকায় তুমি ডলার পেয়ে যাও।'

'ধ্যাক য় দুলাভাই।'

'ধ্যাকেস দেয়ার কিছু নেই। নাতাশা শুধু তোমার মেয়ে এটা ভাবার কোন কারণ নেই। সে আমাদেরও মেয়ে। ওর খবর শোনার পর সারা রাত আমি ঘুমুতে পারিনি। তোমার আপা চিৎকার করে কেঁদেছে।'

দিলশাদ বলল, দুলাভাই, আপনার টাকাটা আমি ফেরৎ দেব। দেরি হবে কিন্তু ফেরৎ দেব। আমি আপনার কাছ থেকে ভিক্ষা হিসাবে নিচ্ছি না। ধার হিসেবে নিচ্ছি।

‘ধার না ভিক্ষা এইসব পরে বিবেচনা করা যাবে। আপাতত আমরা আলোচনাটা অন্য ঝাঙে নিয়ে যাই। তার আগে বল কিছু খাবে? মনে হচ্ছে সরাসরি অফিস থেকে এসেছ। খিদে লেগেছে নিশ্চয়ই। সিঙারা খাবে?’

‘খাব।’

‘রিলাক্সড হয়ে বসো তো। বিপদ-আপদ থাকবেই। বিপদ-আপদ মাথায় নিয়েই আমাদের বাস করতে হবে। অবশ্যি গরম যা পড়েছে এতে রিলাক্সড হওয়াও কঠিন। বুকলে দিলু, দেশটা মরুভূমি হতে বেশি বাকি নেই। কিছুদিনের মধ্যেই দেখবে কোরবানীর হাটে উট পাওয়া যাবে।’

দিলশাদ স্বস্তি বোধ করছে। নিজের মুখে টাকা চাওয়ার বিড়ম্বনায় যেতে হয়নি। পৃথিবীর সবচেয়ে অপ্রিয় এবং সবচেয়ে গ্লানিকর কাজ হচ্ছে টাকা ধার চাওয়া। যে চায় সেও গ্লানির ভিতরে পড়ে, যার কাছে চাওয়া হয় সেও পড়ে। এই গ্লানি কোনভাবেই দূর হয় না।

‘দিলু!’

‘ছি।’

‘পার্সোনাল একটা প্রশ্ন তোমাকে জিজ্ঞেস করতে চাচ্ছি। কিছু মনে করো না। জবাব দিতে না চাইলে জবাব দেবার দরকারও নেই। মাঝে মাঝেই জিজ্ঞেস করব বলে ভাবি। শেষে আর জিজ্ঞেস করা হয় না।’

দিলশাদ শুকনো গলায় বলল, কি জানতে চাচ্ছেন বলুন।

‘সাজ্জাদের ব্যাপারটা কি বল তো?’

দিলশাদ হালকা গলায় বলল, বলার মতো কোন ব্যাপার নেই।

‘তোমার এই দুঃসময় আর সে জঙ্গলে পড়ে আছে। ব্যাপারটা আমার কাছে খুব ফানি লাগছে।’

দিলশাদ কিছু বলল না। অফিসের পিণ্ডন সিঙাড়া নিয়ে এসেছে। পিবিচে টাকা চা। দিলশাদ সিঙাড়া হাতে নিল। ওয়াদুদুর রহমান একটু ঝুঁকে এসে বললেন, তোমার আপার কাছ থেকে সুনলাম তোমার এবং সাজ্জাদের মধ্যে লিগ্যাল সেপারেশন হয়ে গেছে। আমি অবশ্য তার কথায় কোন গুরুত্ব দেইনি। তোমার আপার স্বভাবই হল অকারণে কথা বলা। যেখানে সমস্যা নেই সেখানে সমস্যা দেখা। ইদানীং তার ধারণা, আই এম ইন লাভ উইথ এনাদার উওয়ান। সেই উওয়ানের সঙ্গে আমি বিছানা শেয়ার করছি। তোমার আপা এ ভেরি স্ট্রেঞ্জ ক্যারেক্টার।

দিলশাদ রড় করে নিঃশ্বাস ফেলে বলল, আপা আমার ব্যাপারে ঠিকই বলেছে।

‘ঠিক বলেছে? বল কি?’

দিলশাদ লক্ষ্য করল ওয়াদুদুর রহমানের চোখ চক চক করছে। আনন্দের কোন ঘটনা শোনার সময় মানুষের চোখ চক চক করে। এটা কি আনন্দের কোন ঘটনা?

দিলশাদ চায়ের কাপে চুমুক দিতে দিতে বলল, আপা একটু বেশি বেশি বলেছে। সেপারেশন তো বটেই। ও থাকে এক জায়গায়, আমি থাকি আরেক জায়গায়। তার মানে কিছু ডিভোর্স না। তবে অনেক দিন থেকেই আমাদের সমস্যা হচ্ছে। আমরা মানিয়ে নিতে পারছি না। ঘণা পুষে এক সঙ্গে বাস করছি। তুচ্ছ ব্যাপার নিয়ে ঝগড়া করে বাড়ি মাথায় তুলছি। লিগ্যাল সেপারেশন হলে দু’জনের জন্যেই ভাল। সব ভালো তো আর সবসময় হয় না। এখন যা হয়েছে তা হচ্ছে মন্দের ভাল। দুলাভাই, এখন উঠি।

‘তোমার আপার কথা শুনে রাগ করনি তো।’

‘রাগ করব কেন? রাগ করার মত কিছু তো বলেননি।’

‘আরো কিছুক্ষণ বস। শালী-দুলাভাই গল্প তো কিছুই হল না। নির্জন অফিস ঘর। শালী-দুলাভাই। এর মজাই অন্য রকম। হা হা হা। শোন দিলু, এক ঘণ্টার মধ্যেই আমার গাড়ি চলে আসবে। গাড়ি এলে আমি তোমাকে পৌঁছে দিয়ে আসব। এই এক ঘণ্টা ইন্টারেস্টিং সব জোকস বলব।’

‘দুলাভাই, আরেক দিন এসে আপনার জোকস শুনব। বসিকতা শোনার মত মানসিক অবস্থা আমার না। তারপরেও শুনব। আজ আমাকে ছুটি দিন।’

‘এখন কি বাসায় যাবে?’

‘না। কলাবাগানে বাথার কাছে যাব। আপনার সাহায্যে যেমন চাইলাম, বাবার কাছেও সাহায্য চাইব।’

‘উনাকে তো তুমি আজ পাবে না। আজ বুধবার না? বুধবারে উনি তাঁর পীর সাহেবের কাছে যান। সারারাত মারফতি সব ব্যাপার হয়। বৃহস্পতিবারে তিনি ফিরে এসে বিম ধরে থাকেন। হা হা হা। স্যরি, শুণুরকে নিয়ে হাসাহাসি করছি! ঠিক হচ্ছে না। তাছাড়া ঐ পীর ব্যাটার কিছু ক্ষমতা আছে বলেও মনে হয়। এট লিস্ট থট রিডিং-ফিডিং জানে। ঐ দিন কি হয়েছে শোন। আমি আখার কাছ থেকে ঠিকানা নিয়ে গোলাম তাঁর কাছে। কাছে গিয়ে বসতেই উনি আমাকে বললেন, বাবা, আপনার চামড়ার ব্যবসা কেমন হচ্ছে? আমি বলতে গেলে হতভম্ব।’

‘আপনার কি চামড়ার ব্যবসা আছে?’

‘আগে ছিল না, এখন শুরু করেছে। সেমি ফিনিশড লেদার এক্সপোর্ট করছি। পীর সাহেবের তো পেটা জানার কথা না, তাই না?’

‘বাবার মত আপনিও তাহলে উনার ভক্ত হয়েছেন?’

‘কিছুটা তো হয়েছি। আমি আবার অল্পতেই ভক্ত হয়ে যাই। তোমার প্রতি আমার ভক্তি যে কি পরিমাণে তা জানলে সর্বনাশ হয়ে যেত। এমন কোন সপ্তাহ যায়

না যে সপ্তাহে আমি তোমাকে স্বপ্ন না দেখি। কিছু কিছু স্বপ্ন আবার এক্সপেটেড। হা হা হা।

'দুলাভাই, আমি যাই।'

'যাচ্ছ যাও। শুধু একটা কথা বলে দিয়ে যাও। এই বয়সেও বডি এরকম ফিট কি করে রাখ? তোমাকে দেখলে মনেই হয় না তোমার বয়স আঠারো-উনিশের বেশি। তোমার আপাকে আমি প্রায়ই তোমার উদাহরণ দেই। লাভ হয় না কিছুই। কপকপ করে সারাদিন খায় আর খলখলা মোটা হয়। মোটা মেয়েমানুষ নিয়ে বিছানার শোয়া যায়? বিদেশ হলে এতদিনে ডিভোর্স হয়ে যেত।'

দিলশাদ কিছু বলল না। উঠে দাঁড়াল। দুলাভাইয়ের সব কথা সে ঠিক মত শুনেও নি। আজকাল কি বেন হয়েছে, মন দিয়ে সে বেশিক্ষণ অন্যের কথা শুনতে পারে না।

ওয়াদুদুর রহমান খালি গায়েই শালীকে লিফট পর্যন্ত এগিয়ে দিলেন।

দিলশাদ তার দুলাভাইয়ের অফিসে যখন গিয়েছিল তখন খলমলে বোধ ছিল। অফিস থেকে সে বের হয়েই দেখল আকাশ মেঘলা। বৈশাখ মাসের মেঘলা আকাশ ভাল না। হঠাৎ বাতাস দিতে শুরু করবে। দেখতে দেখতে তুমুল বড়-বৃষ্টি শুরু হবে। নাভাশা ঝড় ভয় পায় না, বজ্রপাত ভয় পায়। বজ্রপাতের শব্দে আতঙ্কে অস্থির হয়ে পড়ে। ছোটবেলায় আকাশ অন্ধকার হলেই দু'হাতে কান চাপা দিয়ে বসে থাকত। মেয়েকে একা রেখে এককন দিনে কোথাও যাওয়া ঠিক না। দুলাভাইয়ের কথা অনুযায়ী বাবাকে বাসায় পাওয়াও যাবে না। বাবার বাড়িতে যাবার পরিকল্পনা বাতিল করে দিলশাদ নিজের বাসায় ফিরে যাওয়া ঠিক করে রিকশা নিল। রিকশায় চলতে শুরু করা মাত্র বড় বড় ফেঁটার বৃষ্টি পড়তে লাগল। বৃষ্টির সঙ্গে দমকা বাতাস। দিলশাদ মত কদল্যলো, বাবার বাড়িতে যাওয়া ঠিক করল। সে নিশ্চিত বাবাকে পাওয়া যাবে না। তার পরেও সে রিকশাওয়ালাকে বলল কলাবাগানের দিকে যেতে। তার হঠাৎ করেই মাথ সঙ্গ কথা বলতে ইচ্ছা করছে। সে মনে মনে ঠিক করল, যদি বাবা বাসায় না থাকেন, শুধু মা একা বাসায় থাকেন, তাহলে সে মা'কে জড়িয়ে ধরে অনেকক্ষণ কাঁদবে।

হাদিউজ্জামান সাহেব বাসায় ছিলেন। বারান্দায় বেতের ইজিচেয়ারে বসে বৃষ্টি দেখছিলেন। তাঁর মসার মধ্যে কেমন জবুথবু ভাব। সম্প্রতি দাড়ি রাখা ধরেছেন। গালভর্তি ধরমবে শাদা দাড়ি। শাদা দাড়ি মানুষের চেহারা কোমল করে, তাকে করেনি। তাঁর মধ্যে আলগা কাঠিন্য চলে এসেছে।

দিলশাদ রিকশা থেকে নেমেই বাবাকে দেখল। তিনিও মেয়েকে দেখলেন। মনে হল তিনি ঠিক চিনতে পারছেন না। তিনি ভুরু কঁচকে মেয়ের দিকে তাকিয়ে রইলেন। দিলশাদ বলল, কেমন আছ বাবা?

তিনি মাথা নাড়লেন। সেই মাথা নাড়া থেকে ভাল-মন্দ কিছু বোকা গেল না। দিলশাদ বলল, ভেবেছিলাম তোমাকে পাব না। শরীর ভাল আছে?

'হুঁ।'

'বাইরে বসে আছ কেন? বৃষ্টি দেখছ?'

হাদিউজ্জামান সাহেব জবাব দিলেন না। মেয়ের মুখ থেকে দুটি ফিরিয়ে বাইরে তাকিয়ে রইলেন। দিলশাদ বলল, দুলাভাইয়ের কাছে গিয়েছিলাম, উনি বললেন, আজ বুধবার, আজ নাকি তোমাকে পাওয়া যাবে না। বুধবারে পীর সাহেবের সঙ্গে তোমার এপয়েন্টমেন্ট থাকে।

'আজ যাইনি, শরীরটা খারাপ।'

'শরীর খারাপ? কি হয়েছে?'

'সব মিলিয়ে খারাপ, আলাদা করে বলার কিছু না।'

'মা বাসায় আছে বাবা?'

'না। কার বিয়েতে বেন গেছে। দুপুর দুটার মধ্যে চলে আসার কথা। এখন সাড়ে চারটার মত বাজে। এখনও আসছে না। বেকুব মেয়েছেলে। আসতে দেরি হবে বলে গেলেই হত। দুটার মধ্যে চলে আসব বলার দরকার কি? কাজের মেয়েটাকে সঙ্গে নিয়ে গেছে। এক কাপ চা যে খাব সে উপায় নেই।'

'আমি চা বানিয়ে দিচ্ছি। তুমি দুপুরের খাওয়া খেয়েছ?'

হাদিউজ্জামান সাহেব জবাব দিলেন না। দুপুরের খাবার তিনি খাননি, স্ত্রীর উপর ঝগা করেই খাননি। মেয়েকে তা বলতে ইচ্ছা করছে না।

দিলশাদ বলল, মা'র জন্যেই কি তুমি বারান্দায় বসে আছ?

হাদিউজ্জামান সাহেব এই প্রশ্নেরও জবাব দিলেন না। কথা এম্মিতেই তিনি কম বলেন। ইসানীং কথা বলা প্রায় ছেড়েই দিয়েছেন। নিজে তো কথা বলেনই না, অন্য কেউ কথা বললেও বিরক্ত হন।

দিলশাদ চা বানানোর জন্যে রান্নাঘরে চলে গেল। তার মা'র রান্নাঘর খুব গুছানো। একজন অঙ্কও যদি রান্নাঘরে ঢুকে সে বলে দিতে পারবে কোথায় কি আছে। দিলশাদের খারশা, তার মা'র রান্নাঘরের মত পরিষ্কার ছিমছাম রান্নাঘর ঢাকা শহরে আর কারো নেই।

চা বানিয়ে দিলশাদ বারান্দায় চলে এল। হাদিউজ্জামান সাহেব আগের মতোই বিরক্ত ভঙ্গিতে বসে আছেন। তিনি মেয়ের হাত থেকে অনাগ্রহের সঙ্গে চায়ের কাপ নিতে নিতে বললেন, নাভাশা কেমন আছে?

'আগের মতোই আছে।'

'তোমার মা'র কাছে শুনলাম ওকে বাইরে নিয়ে যাবার সবকিছু ফাইনাল হয়েছে।'

'হ্যাঁ।'

'ভিসা হয়েছে?'

'না।'

'মেয়ে আমেরিকায় নিয়ে যাওয়াতো বিরাট খরচাস্ত ব্যাপার।'

'হ্যাঁ।'

'টাকাপয়সার ব্যবস্থা কি হয়েছে?'

'এর-তার কাছে চেফে-টেয়ে জোগাড় করছি।'

'ভিক্ষা?'

দিলশাদ কঠিন গলায় বলল, 'ভিক্ষা না, ধার।'

'ধার শোধ করবি কি ভাবে?'

'একটা ব্যবস্থা হবেই।'

হাদিউজ্জামান সাহেব বিরক্তমুখে বললেন, ব্যবস্থা হবে বললেই তো আর ব্যবস্থা হয় না। তার জন্যে পরিকল্পনা থাকতে হয়। তোর পরিকল্পনাটা কি?'

'কোন পরিকল্পনা নেই বাবা। আবার মতো সময় পাচ্ছি না। আমি যে কি পরিমাণে অশান্তিতে আছি তোমাকে বুঝাতে পারব না। রাতে ঘুমুতে পারি না। শেষ রাতে ঘুমাই। ঘুমের মধ্যে কুৎসিত কুৎসিত সব স্বপ্ন দেখি। এত কুৎসিত যে ঘুমের মধ্যেই গা খিন খিন করে।'

'দুশ্চিন্তা করার কিছু নেই। আমি পীর সাহেবের কাছে তোর মেয়ের কথা বিস্তারিতভাবে বলেছি — উনি বলেছেন, ভয়ের কিছু নেই। দুকুদে শেফা বলে একটা দুকুদ আছে। তিনি তোকে ঐ দুকুদ এগারো লক্ষ বার পড়ে মেয়ের দুই চোখে ফুঁ দিতে বললেন। ফুঁ দেওয়ামাত্রই রোগ আরাম হতে শুরু করবে ইনশাআল্লাহ। এই দুকুদ তোকেই পড়তে হবে, অন্য কেউ পড়লে হবে না। বুঝতে পারছিস?'

'হুঁ, এগারো লক্ষ বার একটা দুকুদ পড়া তো সহজ ব্যাপার না।'

'রোগটাও তো সহজ না। কাশি না যে কফ দিরাপ খাইয়ে দিবি। ছাটিল ব্যাধি।'

'এগারো লক্ষ বার পড়তে অনেক দিন লাগবে।'

'লাগলে লাগবে। তুই শুধু নিগেটিভ দিক নিয়ে ভাবছিস কেন? রাত-দিন খেটে দুকুদটা পড়ে ফেল। তারপর কোন ইনস্ফ্রমেন্ট না হলে মেয়েকে বাইরে নিয়ে যা।'

'আমি বাবা ওকে লুত আমেরিকা নিয়ে যাব।'

'দুকুদ পাঠ শেষ হোক, তারপর নিয়ে যা।'

'আমার হাতে এত সময় নেই বাবা।'

হাদিউজ্জামান সাহেব দীর্ঘশ্বাস ফেলে বললেন, তোদের সবচে বড় সমস্যা হল বিশ্বাসের সমস্যা। তোকে দোখ দিচ্ছি না। আমরা বাস করছি অবিশ্বাসের যুগে। আইয়েমে জাহেলিয়াতের সময় মে অবিশ্বাস ছিল এখন আবার আমরা সেই অবিশ্বাসের দিকেই যাচ্ছি। বড়ই আফসোসের কথা।

দিলশাদ নরম গলায় বলল, বাবা, আমি দোয়াটা পড়ব। অবশ্যই পড়ব। কিন্তু আমি দেয়া শেষ করা পর্যন্ত অপেক্ষা করব না।

হাদিউজ্জামান বিরক্ত চোখে মেয়ের দিকে তাকিয়ে রইলেন। দিলশাদ নরম গলায় বলল, তুমি আমাকে এখন কিছু সাহায্য কর বাবা। আমি জানি তোমার কাছে টাকা আছে। বেশি না হলেও আছে। যা আছে তুমি আমাকে দাও। আমি তোমার প্রতিটি টাকা গুনে গুনে ফেরত দেব।

'কোথেকে দিবি?'

'দরকার হলে পথে দাঁড়িয়ে ভিক্ষা করব।'

'নাটক নভেলের মত কথা বলছিস কেন? বাস্তব কথা বল। ফট করে বলে ফেললি পথে দাঁড়িয়ে ভিক্ষা করবি? ভিক্ষা করা এতই সহজ?'

'খুব কঠিনও না। এখন তো ভিক্ষাই করছি। বাবা, তুমি বল তোমার কাছে কত টাকা আছে। যা আছে সব তুমি আমাকে দিয়ে দাও। কত আছে তোমার সেভিংস একাউন্টে?'

হাদিউজ্জামান সাহেব মেয়ের দিকে কঠিন চোখে তাকিয়ে রইলেন। মেয়ের উপর তাঁর কোন মমতা হচ্ছে না। রাগ লাগছে। বিপদ-আপদ মানুষের আসে। সেই বিপদ সামলাবার চেষ্টা করতে হয়। সাহসের সঙ্গে করতে হয়। মাথা নিচু করে বিপদ মোকাবেলা করা যায় না, মাথা উচু করে করতে হয়। তাঁর উপর মেয়ের অবিশ্বাসও তাঁকে কষ্ট দিচ্ছে। বারবার জানতে চাচ্ছে ব্যাংকে কত আছে। আশ্চর্য।

সেভিংস একাউন্টে তাঁর আছে দুই লক্ষ তিন হাজার সাত শ' তের টাকা। এটা গত মাসের হিসাব। ইন্টারেস্ট এক মাসে কিছু বেড়েছে। তিনি দিলশাদের নামে দুই লক্ষ টাকার একটা চেক কেটে রেখেছেন। স্ত্রীর সঙ্গে কথা ছিল দু'জনে মিলে চেকটা মেয়ের হাতে দিয়ে আসবেন। এতে মেয়ে অনেকটা সাহস পাবে। দুঃখজনক হলেও সত্যি, বিপদে অর্ধ যে সাহস দেয় অন্য কিছু সেই সাহস দিতে পারে না।

হাদিউজ্জামান উঠলেন। আসরের নামাজের সময় হয়ে আসছে। অজু করা দরকার। তিনি দিলশাদকে বললেন, একটু বোস, আমি নামাজটা পড়ে আসি। বেশিক্ষণ লাগবে না।

দিলশাদ শুকনো মুখে বারান্দায় বসে রইল। ভাল বৃষ্টি হচ্ছে। বিদূৎ চমকচ্ছে। বাজ পড়ছে। নাতাশার জন্যে তার খারাপ লাগছে। সে ভয় পাবে কিন্তু ফুলির মাকে ডাকবে না। একা একা কষ্ট পাবে। দিলশাদ ঘড়ি দেখল। দুটা বাজে। ঘড়ি বন্ধ হয়ে আছে। বুকের মধ্যে ধবক করে উঠল। কোন অলক্ষণ কি? ঘড়ি কেন বন্ধ হবে? সেদিন মাত্র নতুন ব্যাটারি কেনা হল।

হাদিউজ্জামান সাহেব নামাজ শেষ করতে অনেক সময় নিলেন। তিনি বারান্দায় এলেন চেক হাতে নিয়ে। স্ত্রীকে সঙ্গে নিয়ে মেয়েটাকে এই টাকাগুলো দেয়ার তাঁর

দুপুরে ঘুমুচ্ছিলাম। ঘুমের মধ্যেই মনে হল দারুণ একটা কিছু ঘটতে যাচ্ছে। খুব আনন্দময় কিছু। আমার এরকম প্রায়ই হয়। আমরা একবার নানীজানদের বাড়িতে বেড়াতে গেছি। মা নানীজান দু'জনে মিলে এমন গল্প শুরু করলেন, সাড়ে এগারোটা বেজে গেলো। নানীজান বললেন, এত রাতে বাসায় ফিরে কি করবি? থেকে যা। আমরা থেকে গেলাম। নানীজানদের বাড়িতে বিছানার খুব অভাব। আমি, নানীজান আর মা আমরা তিনজন এক বিছানায় শুয়েছি। বালিশে মাথা ঝোঁকবার সঙ্গে সঙ্গে আমার ঘুম চলে এল। ঘুমের মধ্যে মনে হল, আমাদের খুব খারাপ কিছু ঘটতে যাচ্ছে। ভয়ংকর কোন সংবাদ নিয়ে কেউ একজন আসছে। আমার ঘুম ভেঙে গেল। জেগে দেখি, মা আর নানীজান তখনো মজা করে গল্প করছেন। খুব হাসাহাসি হচ্ছে। নানীজান বাচ্চা মেয়েদের মত মাথা দু'লিখে দু'লিখে হাসছেন। আমাকে জেগে উঠতে দেখে নানীজান হাসিমুখে বললেন, কি রে নাহু, ছোট ঘর যাবি? নানীজান আমাকে নাহু ডাকেন। নাতাশা নামটা নাকি তাঁর কাছে অনেক লম্বা লাগে। ডাকতে গিয়ে দম ফুরিয়ে যায়।

আমি বললাম, ছোট ঘরে যাব না, পানি খাব নানীজান।

নানীজান পানি আনার জন্যে উঠতে যাচ্ছেন, মা বললেন, তুমি বসো তো মা, আমি পানি এনে দিচ্ছি। আর ঠিক তখন কলিংকেল বোজে উঠল। আমি নিশ্চিত বুঝলাম খারাপ খবরটা এসে গেছে। আমার হাত-পা কাঁপতে লাগল। এত রাতে মা দরজা খুলতে গেলেন না। নানাভাই জেগে ছিলেন, তিনি উঠে দরজা খুললেন। মা গেলেন নানাভাইয়ের পিছু পিছু। মার সঙ্গে আমিও গেলাম।

বুড়ো মত ভিখিরী ধরনের এক ভদ্রলোক দরজা ধরে দাঁড়িয়ে আছেন। তিনি বিড় বিড় করে কি যেন বললেন। এত নিচু গলায় বললেন যে, কেউ কিছু বুঝতে পারল না। নানাভাই বিরক্ত গলায় বললেন, কি বলছেন জোরে বলুন। কিছু বুঝতে পারছি না। আপনার গলায় জোর নাই?

বুড়ো ভদ্রলোক তখন আমার ছোট আমার মৃত্যু সংবাদ দিলেন।

কতদিন আগের কথা, এখনো আমার স্পষ্ট মনে আছে। কথা বলার সময় বুড়ো ভদ্রলোকের মুখ থেকে ধুখু ছিটকে আসছিল। সেই ধুখুর খানিকটা এসে তাঁর দাঁড়িতে লাগল। দাঁড়ির মাথায় শিশিরের মত ধুখুর বিন্দু চিক চিক করতে লাগল। সেই ধুখু আমি এখনো চোখ বন্ধ করলেই দেখতে পাই। যতদিন বেঁচে থাকব ততদিন দেখতে পাব।

বেশি দিন অবশ্যি আমি বেঁচে থাকব না। আর খুব অস্পন্দিনই বাচব। এটা মা জানে না। আমি জানি। এবং খুব সম্ভব আমার ডাক্তার সাহেব জানেন। মা পুরোপুরি নিশ্চিত চিকিৎসা-টিকিৎসা করে আমাকে সুস্থ করে ফেলবে। তখন আমি আবার আগের মত হয়ে ছোটোছোটো শুরু করব। আমার অপারেশনের ব্যবস্থা সব হয়ে গেছে।

ইচ্ছা ছিল। দেয়া হল না। মনোয়ারা তার মেয়ের আনন্দিত মুখ দেখতে পেল না। এটা একদিকে ভালই হয়েছে। মনোয়ারার জন্যে উর্চিৎ শান্তি। কেন সে দুপুরে ফেরার কথা বলে এখনো ফিরছে না? তিনি না খেয়ে বসে আছেন। একা একা তিনি খেতে পারেন না। তাঁর খাওয়ার সময় মনোয়ারাকে সামনে থাকতে হয়।

'দিলু!'

'ছি বাবা!'

'সে মা। এই চেকটা রাখ। দুই লাখ টাকার চেক। এখন ভাঙাবি না। ভাঙালে খরচ হয়ে যাবে। সেভিংস একাউন্টের চেক জমা দেবার আগে আমাকে বলবি। আমি ব্যাংক ম্যানেজারকে চিঠি দেব। আমার চিঠি ছাড়া এতগুলি টাকা তারা রিলিজ করবে না।'

দিলশাদ চেক হাতে দাঁড়িয়ে রইল। তার চোখ ভিজে আসছে। বাবা না হয়ে মা যদি চেকটা তাকে দিত তাহলে সে হয়তো চিৎকার করে কেঁদে একটা কাণ্ড করে বসত।

হাদিউজ্জামান সাহেব বললেন, সেভিংস একাউন্টে কত টাকা আছে জানতে চাচ্ছিলি — দুই লক্ষ তিন হাজার সাতশ' তের টাকা আছে। তিন লক্ষ টাকা ছিল, গ্রামের স্কুলে এক লক্ষ টাকা সাহায্য করেছি। ওয়া একটা লাইব্রেরী বানিয়েছে। তখন তো আর জানতাম না তোর এতবড় বিপদ হবে।

দিলশাদের চোখ বেয়ে পানির ফোটা পড়তে শুরু করেছে। হাদিউজ্জামান সাহেব বললেন, বিপদে অস্থির হবি না। অস্থির হলে বিপদ কমে না। বিপদ বাড়ে। আরেকটা কথা তোকে বলি — টাকাপয়সা যদি জোগাড় না হয় অস্থির হবি না। ভাববি এটাও আল্লাহর ইশারা। আল্লাহর ইশারা ছাড়া জগতে কিছু হয় না। তোর মেয়েকে আমার রোজ দেখতে যেতে ইচ্ছা করে। তোরা বাসা নিয়েছিস তিনতলায়। ডাক্তার আমাকে তিন ধাপ সিঁড়ি ভাঙতেও নিষেধ করেছে। ইচ্ছা করলেও যেতে পারি না। তোর মাকেও আমি তোর বাসায় যেতে নিষেধ করেছি। তার বিস্তী কাঁদুনি স্বভাব আছে। সে নাতাশাকে দেখলেই এমন কান্নাকাটি শুরু করবে যে তোর মেয়ে ভয় পেয়ে যাবে। তার মনোবল যাবে ভেঙে। এই অবস্থায় মনোবল ভাঙা খুব খারাপ।

'বাবা আমি যাই?'

'আচ্ছা না, যাও!'

যাই বলেও দিলশাদ দাঁড়িয়ে তাকে। তার ইচ্ছা করছে বাবাকে একটু ছুঁয়ে দেখতে। মনে হচ্ছে বাবাকে ছোঁয়ামাত্র বাবার ভেতর থেকে অনেকখানি সাহস তার ভেতর চলে আসবে। কিন্তু বাবার সঙ্গে তার দূরত্ব অনেক বেশি। হাজার ইচ্ছা করলেও বাবাকে সে ছুঁতে পারবে না, কিংবা তাঁকে জড়িয়ে ধরে কাঁদতে পারবে না। হাদিউজ্জামান সাহেব দিলশাদের দিকে তাকিয়ে বললেন — যাই বলেও মূর্তির মত দাঁড়িয়ে আছিস কেন? তোরা সব সময় ইন্ডিসিসনে ভুগিস — এটা আমার অসহ্য লাগে।

এখন শুধু টিকিট কেটে পুনে ওঠা। ও না, ভিন্স এখনো হয়নি। ভিন্স নিয়ে মা খুব চিন্তা করছে। আমেরিকান এয়েসী নাকি কড়েকে ভিন্সা দিচ্ছে না। ভিন্সার চিন্তার সঙ্গে যুক্ত হয়েছে টাকার চিন্তা। টাকা জোগাড় করার জন্যে মা প্রায় পাণলের মত হয়ে গেছেন। তাঁর মাথা এলোমেলো। সেদিন সন্ধ্যাবেলা শূনি গুন গুন করে আপন মনে গান গাইছেন — খোল খোল দ্বার রাখিও না আর বাহিরে আমার দাঁড়ায়।

আমি অবাক হয়ে মাকে দেখছি। কারণ তাঁকে আমি এভাবে কখনো গান গাইতে শুনিনি। মা আমার দিকে তাকিয়ে হঠাৎ খুব লজ্জা পেয়ে গেলেন। আমি বললাম, মা, তুমি সুন্দর গান গাও তো। মা আরো লজ্জা পেলেন। বিড় বিড় করে কি যেন বললেন। এতটা লজ্জা পাওয়ার মাত্র কিছু ছিল না। ভয়ংকর দৃষ্টবশত আমরা সবাই অস্বাভাবিক আচরণ করি। ছোট মামার মৃত্যু সংবাদ নিয়ে বুড়ো ভ্রূপ্রলোক যখন এলেন তখন আমার নানাভাইও খুব অস্বাভাবিক আচরণ করেছিলেন। বুড়ো ভ্রূপ্রলোককে বললেন, শুধু-মুখে যাবেন না। পান খেয়ে যান।

বাড়িতে তখন ভয়ংকর কান্নাকাটি চলছে। নানাভাই এর মধ্যে ব্যস্ত হয়ে পান খোঁজাখুঁজি করছেন। আমি অবাক হয়ে নানাভাইয়ের কাণ্ড দেখছি। আমার ধারণা, সেদিন থেকেই নানাভাইয়ের মাথা কিছু কিছু খারাপ হতে শুরু করেছে। কেউ বুঝতে পারেনি। আমি কিন্তু বুঝেছি।

আমি অনেক কিছুই বুঝতে পারি। এই যে ঘুমের মধ্যে মনে হল — আজ খুব ভাল কিছু ঘটতে যাচ্ছে। আমি নিশ্চিত, আসলেই তা ঘটবে। কেউ বাজি ধরতে চাইলে আমি বাজি ধরতাম, এবং নিখাঁৎ বাজিতে জিততাম।

আমি বিছানায় উঠে বসলাম। তার প্রায় সঙ্গে সঙ্গে দরজার কলিংবেল বাজতে লাগল। সেই ভাল কিছুটা কি একটুটা ঘটবে? বাবা কি এসেছেন? কিংবা বাবার কোনো চিঠি? আমার শরীর যেন কেমন কেমন করছে। মনে হচ্ছে মাথা ঘুরে আমি পড়ে যাব। বুঝা দরজা খুলতে এত দেরি করছে কেন?

আমাদের বুঝা সব কাজ ঝটপট করে, শুধু কলিংবেল বাজলে দরজা খুলতে দেরি করে। মনে হয় কলিংবেলের শব্দ অনেক পরে তার কানে যায়। শব্দের গতিবেগ যেন কত? স্কুলে পড়েছিলাম। এখন আর মনে পড়ছে না। আলোর গতিবেগ মনে আছে — সেকেন্ডে এক লক্ষ ত্রিশ হাজার মাইল। ও ইয়া মনে পড়েছে — শব্দের গতিবেগ হল প্রতি সেকেন্ডে তিনশ বত্রিশ মিটার। এক ফুট সমান ৩০.৪৮ সেন্টিমিটার।

আবার কলিংবেল বাজছে। বুঝা এখন যাচ্ছে। এত আস্তে আস্তে পা ফেলছে, মনে হচ্ছে পায়ের তলায় কোন ফোড়া-টোড়া হয়েছে। পা ফেলতে খুব কষ্ট।

দরজা খুলল। কার সঙ্গে যেন কথা হচ্ছে। কিছু বোঝা যাচ্ছে না। আবার দরজা বন্ধ হল। আমি বললাম, কে এসেছিল? বুঝা বলল, কেউ না।

এটা কোন জবাব হল? কেউ না আবার কি? কেউ একজন তো নিশ্চয়ই এসেছে।

'তুমি কার সঙ্গে কথা বললে?'

'উকিল সাবের বাড়ির ঠিকানা ঝুঁকে। আমি বলছি জানি না।'

'জানি না বললে কেন? উকিল সাহেবের বাড়ির ঠিকানা তো তুমি জান। আমাদের ফ্ল্যাটের সামনের বকুল গাছওয়ালার বাড়িটা উকিল সাহেবের বাড়ি।'

'যার দরকার হে খুঁজা বাইগ করক।'

'খোঁজ করে তো সে পাচ্ছে না। তুমিও তাকে বলছ না।'

'আমার অত ঠেকা নাই। কিছু খাইবেন আমায়? শীতল পানি?'

আমাদের বুঝা মাঝে মাঝে কঠিন শব্দ ব্যবহার করে। ঠাণ্ডা পানি বলে না, বলে শীতল পানি। দৈ বলে না, বলে দবি। রুই মাছকে বলে ক্রুহিত মাছ।

'আফা শীতল পানি আননু?'

আমি ইয়া-সূচক মাথা নাড়লাম। আমার আসলেই পানির পিপাসা হচ্ছে। বুঝা উৎসাহের সঙ্গে শীতল পানি আনতে চলে গেল। এখন আর তার পায়ের তলায় ফোড়া নেই। সে প্রায় দৌড়ে যাচ্ছে।

মা আমার পানি খাওয়ার জন্যে একটা ফ্রীজ কিনেছেন। সেই ফ্রীজ জন্মদিন উপলক্ষে আমাকে দেয়া হয়েছে। ছোট্ট লাল টুকটুকে একটা ফ্রীজ। মাত্র টাকাপয়সার এত টানটানি, এর মধ্যে ফ্রীজ কিনল কেন? আমাকে অনেকখানি খুশি করে দেয়ার জন্যে? মাই হোক, আমাকে সেই ফ্রীজের পানি খাওয়ানোর ব্যাপারে বুঝার খুব উৎসাহ।

বালিশের নিচ থেকে আমি আমার এ্যালার্ম ঘড়ি বের করলাম। সময় দেখলাম। তিনটা পঁচিশ। ঘড়িটাও আমি জন্মদিনে পেয়েছি। বড়খালা দিয়েছেন। ঢাকনা দেয়া একটা ঘড়ি। ঘড়িটার ঢাকনার রঙও লাল টুকটুকে। আশ্চর্যের ব্যাপার, এবারের জন্মদিনে আমি সব লাল বস্তুর জিনিশ পেয়েছি। নানীজান আমাকে কামিজ কিনে দিয়েছেন। কেটার রঙও লাল। আমার স্কুলের মেয়েরা আমাকে একটিন চকলেট আর বড় রঙ পেনসিলের ব্যাগ দিয়েছে। পেনসিল ব্যাগে দুটা লাল বস্তুর মোড়া আঁকা।

আমার ড্রম ওরা বৈশাখ। আমার জন্মের পর পর দাদাজানের কাঁঠাল গাছ থেকে ঝাঁকে ঝাঁকে টিয়া পাখি উড়ে গিয়েছিল। এই দৃশ্য আমি দেখিনি, কিন্তু আমার কল্পনা করতে খুব ভাল লাগে। প্রতি জন্মদিনের ভোরবেলায় আমার মনে হয় — আজ কোন একটা গাছ থেকে এক ঝাঁক টিয়া পাখি আকাশে উড়বে।

এ বছর আমার জন্মদিন করার কথা ছিল না। মা বললেন, অনুখ-বিসুখের মধ্যে জন্মদিন ভাল লাগবে না। রোগ সাকক, তারপর আমরা দারুণ হৈ-ঠৈ করে জন্মদিন করব। বিরট একটা পার্টি দেব। ঠিক আছে মা? আমি বললাম, আচ্ছা।

মানুষ যে রকম ভাবে সে রকম হয় না। জন্মদিনের দিন সকাল থেকে এত মানুষ আসা শুরু করল। উপহারে ঘর ভর্তি হয়ে গেল। মাত্র মুখ খমখমে হয়ে গেল। মা চাপা

গলায় নানীজ্ঞানকে বললেন, তোমরা কি ভেবেছ এটা আমার মেয়ের শেষ জন্মদিন? তোমাদের কাউকে আমি আসতে বলিনি। কেন তোমরা এত কিছু নিয়ে এসেছ? তোমরা যা ভাবছ তা হবে না। আমি আমার মেয়ের একশ বছরের জন্মদিন করব। নানীজ্ঞান হাসিমুখে বললেন, একশ বছরের জন্মদিন তুই করতে পারবি না। তুই এতদিন বাঁচবি না। অন্যরা করবে।

মা কাঁদতে শুরু করলেন। নানীজ্ঞান মার পিঠে হাত বুলাতে বুলাতে বললেন, না তুকে নিয়ে তুই অনেক দিনের জন্যে বিদেশে চলে যাবি, কতদিন তাকে দেখব না। কাজেই একটা উপলক্ষ্য ধরে আমরা এসেছি। তুই এত রাগ করছিস কেন? না তুর মাথার টিউমারের চেয়ে বড় টিউমার তো তোর মাথায় হয়েছে রে। আমেরিকা থেকে তুইও একটা অপারেশন করিয়ে আসিস। নানীজ্ঞান মাথা দুলিয়ে খুব হাসতে লাগলেন। মা হেসে ফেললেন। পরিস্থিতি স্বাভাবিক হয়ে গেল।

আমার নানীজ্ঞান অসাধারণ একজন মহিলা। যখনই তাকে দেখি তখনই তিনি হাসছেন এবং এত মিষ্টি করে হাসছেন। মার অন্তর মত সুন্দর সে নাকি তত সুন্দর করে হাসে। যদি তাই হয় তাহলে নানীজ্ঞানের মত সুন্দর অন্তর আর কারো নেই।

তিনি এসেই বললেন, এই না তু, শুয়ে থাকবি না তো। উঠে বোস। রোগী শুয়ে থাকলে রোগ বসে থাকে। আর রোগী উঠে বসলে রোগ শুষে পড়ে।

আমি উঠে বসলাম। নানীজ্ঞান আমার পেছনে বালিশ দিয়ে দিলেন। তারপর শুরু করলেন হাসির এক গল্প — গল্প বলবেন কি, নিজেই হাসতে হাসতে বাঁচেন না। এক লাইন বলেন, বলেই হাসেন। আরো এক লাইন বলেন, আবারো হাসি। এমন হাসাহাসি শুরু হল যে, কে বলবে এ বাড়িতে কোন অসুখ-বিসুখ আছে? আমি অনেক দিন পর মাকে প্রাণ খুলে হাসতে দেখলাম। আর একটা জিনিস লক্ষ্য করলাম, একটু পর পর মা এসে নানীজ্ঞানকে ছুঁয়ে যাচ্ছেন। কখনো হাত ধরে বসে থাকেন, কখনো গায়ের সঙ্গে গা লাগিয়ে বসেন। এক সময় নানীজ্ঞান ধমকের মত করে বললেন — তুই তো বহুত মন্ত্রণা করছিস! শুধু গায়ের সঙ্গে গা ঘসাজ্জিস। এমনতেই পরম মরে যাচ্ছি।

সামান্য কথা। এতেও আবার সবাই হাসতে শুরু করল। নানীজ্ঞান একটা হাসির বড় ঝাড় বাঁচি ছেলে চলে গেলেন। তিনি আরো কিছুক্ষণ থাকতেন, কিন্তু তাঁকে যেতেই হবে, কারণ নানাভাই বাসায়। তিনি না গেলে নানাভাই ভাত খাবেন না। রাগ করে বসে থাকবেন। নানাভাই আবার নানীজ্ঞান পাশে না থাকলে ভাত খেতে পারেন না।

বিকলে আমাকে অবাধ করে দিয়ে আমার ক্লাসের মেয়েরা এল। তাদের নিয়ে এলেন আমাদের অংক-মিস — শাহেদা আপা। স্কুলে আমাদের এই অংক-মিসের নাম হল শুকনা-বাঘিনী। আমাদের স্কুলে দু'জন বাঘিনী আছেন। একজন হলেন ধলধলা বাঘিনী, অন্যজন শুকনা বাঘিনী। আমরা সবচে বেশি ভয় পাই শুকনা

বাঘিনীকে। স্কুলের বারান্দা দিয়ে তাঁকে হেঁটে যেতে দেখলে আমাদের পানির পিপাসা পেয়ে যায়। তিনি যে আমার জন্মদিনে চলে আসবেন আমি চিন্তাও করিনি। তাঁকে দেখে আগের অভ্যাস মত ভয়ে আমার পানির পিপাসা পেয়ে গেল। তিনি আমার মাথার কাছে এসে দাঁড়িয়ে অবাধ গলায় বললেন, মা রে, তোর এই অবস্থা কেন হল? বলেই কাঁদতে শুরু করলেন। বাচ্চা ছেলেমেয়েরা ঘেরকম শব্দ করে কাঁদে দেবকম শব্দ করে কাঁদা। তারপর তিনি ছুটে বারান্দায় চলে গেলেন। বারান্দা থেকে তাঁর কাঁদার শব্দ শোনা যেতে লাগল।

বাইবে থেকে দেখে একটা মানুষ কেমন তা বোঝা আসলে খুব কঠিন। আমাদের শুকনা বাঘিনী আপা আসলেই বাঘিনী। দয়া-মায়ার ছিটে-ফোঁটাও তাঁর মধ্যে নেই। আদর করে কাউকে তিনি কোন কথা বলেছেন বলে কেউ শুনেনি। পরীক্ষার হলে নকল করে কোন মেয়ে ধরা পড়লে অবশ্যই তিনি তাকে এজ্জপেল করে দেবেন। কেঁদে চোখ গালিয়ে ফেললেও কোন লাভ হবে না। তবে কারো অসুখ-বিসুখ হলে অন্য কথা। আমি যখন ক্লাস সিন্ধে পড়ি তখন মনিকা একদিন ক্লাসে এল জ্বর নিয়ে। বাঘিনী আপা অংক পড়াতে এসে টের পেলেন। কঠিন গলায় বললেন, কি রে, হোর চোখ লাল কেন? জ্বর-জ্বর নাকি?

মনিকা ভয়ে নীল হয়ে বলল, জ্বি না আপা।

'দেখি কাছে আয়।'

মনিকা কাঁপতে কাঁপতে এগিয়ে গেল। আপা কপালে হাত দিয়ে জ্বকার দিয়ে উঠলেন, গায়ে তো ভাল জ্বর। জ্বর নিয়ে এসেছিস কেন? বিদ্যা ধুয়ে খাবি? যা, টিচার্স কমনরুমে বেঞ্চ আছে, ওখানে গিয়ে শুয়ে থাক। আমি ক্লাস শেষ করে আসছি।

টিফিন পিরিয়ডে আমরা অবাধ হয়ে দেখলাম মনিকা বেঞ্চে শুয়ে আছে আর বাঘিনী আপা তার মাথা টিপ দিচ্ছেন। কত বিচিত্র ধরনের মানুষ যে পৃথিবীতে আছে। আশ্চর্য! একজন মানুষ অন্য একজন মানুষের চেয়ে এত আলাদা। পৃথিবীর সব মানুষ এক রকম হলে কেমন হত কে জানে। যখন কারো জ্বর হবে, সবার এক সঙ্গে হবে। কারো আন্দোল-কিছু ঘটলে সবারই ঘটবে। এইসব বিচিত্র কথা আজকাল আমার প্রায়ই মনে হয়। আমি বাবাকে দেখাবার জন্যে যেটা একটা খাতায় লিখে রাখি। আমি জানি বাবা সেই খাতা দেখে খুব হাসাহাসি করবে। তবে হাসাহাসি করলেও বাবার কাছে খুব ভাল লাগবে। তবে মা ভুরু কঁচকে বলবে — পাগলের মত এই সব কি লিখেছিস? খাতটা আমি কাউকে দেখাব কি না তা এখনো ঠিক করিনি। মনে হয় শেষ পর্যন্ত দেখাব না। খাতটিতে এমন অনেক কিছু লেখা আছে যা পড়লে মা মন খারাপ করবে। আমি বেঁচে থাকলে অবশ্যই মন খারাপ করবে না। আমি বেঁচে থাকব না এই জন্মেই মন খারাপ করবে। যেমন আনা ফ্রাঙ্কের ডায়েরী। সে যদি বেঁচে থাকত তাহলে কি তার ডায়েরীর এত নাম-ধাম হত? আমার মনে হয় না। বেচারী নাজীদের হাতে শেষ পর্যন্ত

মারা গেছে বলেই তার ডায়েরী পড়ার সময় আমাদের এত খারাপ লাগে।

ক্লাস ফাইভের বৃত্তি পরীক্ষার রেজাল্ট বের হবার পর উপহার হিসেবে আনা ফ্রাঙ্কের ডায়েরীটা আমি পেয়েছিলাম। মেজোখালা দিয়েছিলেন। আমার বৃত্তি পাওয়া উপলক্ষে আমাদের বাসার ছোটখাট একটা পার্টির মত হল। সবাই আমার জন্যে নানান উপহার-দুপহার নিয়ে এলেন। ছোটখালা আনলেন আনা ফ্রাঙ্কের ডায়েরী। ব্যাপিং পেপারে খুব সুন্দর করে মুড়ে, মোড়কের উপর কাগজের ফুল লাগিয়ে উপহারটা আমার হাতে দিয়ে বললেন, আমি আর তোর মেজোখালু তোর উপহার কেনার জন্যে নিউমার্কেট চলে ফেলেছি। কিছুই পছন্দ হয় না। শেষে এই বইটা পেলাম। মনে হচ্ছে তোর ভাল লাগবে। অসাধারণ একটা মেয়ের অসাধারণ কাহিনী।

আমার মেজোখালা একে খালু দু'জনই খুব কৃপণ ধরনের মানুষ। নিজেদের জন্যে তাঁরা প্রচুর খরচ করবেন। ঐ তো কিছুদিন আগে আরেকটা গাড়ি কিনলেন। কিন্তু অন্যের জন্যে একটা পয়সাও তাঁরা খরচ করবেন না। সেই মেজোখালা উপহার এনেছেন? আমার খুব ভাল লাগল।

মোড়ক খুলে বই বের করে আমি খুব খুশি। হঠাৎ দেখি বইয়ের ভেতরের পাতার এক কোনায় লেখা — পাপিয়া রহমান, ক্লাস নাইন, সেকশান বি। পাপিয়া মেজোখালুর মেয়ে। এখন শান্তিনিকেতনে পড়াশোনা করছে। আমি তখন বোকার মত একটা কাজ করে ফেললাম। আমি বললাম, খালা, এটা তো পাপিয়া আপার বই। তাঁর নাম লেখা। তখন একটা বিশী অবস্থা হল। মেজোখালা চোখ-মুখ লাল করে বলতে লাগলেন, বইটা তিনি আমার জন্যেই কিনেছেন। পাপিয়া এক কাঁকে নিছের নাম লিখে ফেলেছে।

আমার বড়খালু মানুষকে লজ্জা দিয়ে খুব আনন্দ পান। তিনি আমার হাত থেকে বইটা নিয়ে পাতা উল্টাতে উল্টাতে বললেন, পাপিয়া আন্দুর তো খুব বুদ্ধি। শুধু যে নিছের নামই লিখেছে তা না, আবার ব্যাক ডেট দিয়েছে। তিন মাস আগের তারিখ লেখা। হা হা হা।

মেজোখালা বললেন, দুলাভাই, আপনার কি ধারণা নাতাশার জন্যে নতুন একটা বই কেনার সামর্থ্যও আমার নেই?

বড়খালু বললেন, আমি কি বলেছি বই কেনার সামর্থ্য তোমার নেই? অবশ্যই আছে। আমি শুধু ব্যাক ডেটের কথা বললাম। তোমার মেয়ের বুদ্ধির তারিফ করলাম। আমার ধারণা, পাপিয়া বড় হলে তোমার চেয়েও ইন্টেলিজেন্ট হবে। অবশ্যই সে তোমাকে ছাড়িয়ে যাবে।

মেজোখালা কাঁদতে শুরু করলেন। কিছু না খেয়েই আমাদের বাসা থেকে চলে গেলেন। আমার কি যে খারাপ লাগল। আমি নিজেও বাকরুমে ঢুকে অমেক্ষণ কাঁদলাম। আমি কেন বোকার মত এই কাজটা করলাম? কেন খালাকে এমন লজ্জা

দিলাম? আমাদের বাংলা মিস — মিস বোকেয়া একদিন ক্লাসে বলেছিলেন, গুরু নানকের একটা কথা আছে — তোমরা সবাই কথাটা খাতায় লিখে ফেল। কথাটা হচ্ছে — “দু গুণা দস্তার চৌগুণা মুজার।” কথাটার মানে হচ্ছে দু গুণ দিলে চার গুণ ফেরত পাওয়া যায়। তুমি যদি কাউকে দু গুণ আনন্দ দাও তাহলে চার গুণ আনন্দ ফেরত পাবে। আবার কাউকে দু গুণ কষ্ট দিলে চার গুণ কষ্ট ফেরত পাবে। আমি পরীক্ষা করে দেখেছি কথাটা সত্যি। তোমরাও পরীক্ষা করে দেখ।

আমাদের ক্লাসের মলিনা গোমেজ খুব বোকা। আমার ধারণা, কুটানয়া বুদ্ধিমান হয়। মলিনা কুটান হলেও মারুণ বোকা। সব ক্লাসেই সে বোকার মত একটা প্রশ্ন করবে। মলিনা বোকেয়া আপাকে বলল, মিস, আপনি যদি আমাকে মারেন তাহলে কেউ কি আপনাকে ডাবল করে মারবে?

বোকেয়া আপা কখনো কারো কথায় রাগ করেন না। মলিনার কথা শুনে তাঁর ভুরু কুঁচকে গেল, তবে তিনি রাগ করলেন না। শুধু বললেন, ই্যা।

মলিনা বলল, এই জন্যেই কি আপনি আমাদের মারেন না?

ক্লাসের সবই হাসতে লাগল। মিস বোকেয়া ছোট্ট একটা নিঃশ্বাস ফেললেন। আমি স্পষ্ট বুঝলাম আপার মন খারাপ হয়েছে। গুরু নানকের চমৎকার একটা কথা তিনি বলেছেন। অথচ কথাটার গুরুত্ব কেউ বুঝতে পারছে না। সবাই হাসাহাসি করছে।

সেই দিনই গুরু নানকের কথাগুলি আমি আমার ডায়েরীতে লিখে ফেললাম এবং ঠিক করলাম কথাগুলি সত্যি কি না আমি পরীক্ষা করে দেখব। কারো মনে কষ্ট দিলে সঙ্গে সঙ্গে ডায়েরীতে দিন-তারিখ লিখে লিখে ফেলব। তারপর মিলিয়ে দেখব আমি ডাবল কষ্ট পাই কি না।

মেজোখালাকে লজ্জা দেয়ার ব্যাপারটা আমি খুব গুছিয়ে ভিখলাম। কতদিন পরে আমি ডাবল লজ্জা পাই সেটা দেখার জন্যে। লেখার ছ'দিনের দিন আমি লজ্জা পেলাম। সে যে কি ভয়ংকর লজ্জা! কাউকে সে লজ্জার কথা কোনদিন বলা যাবে না। ডায়েরীতেও লিখে রাখা যাবে না। গুরু নানকের কথা এত সত্যি। আমি এখন থেকে ঠিক করেছি কাউকে কখনো কষ্ট দেব না, লজ্জা দেব না। এমন কিছু করব যাতে মানুষ খুশি হয়। তারা খুশি হলে কোন না কোন ভাবে আমি ডাবল খুশি হব।

আমার জন্যে মানুষকে খুশি করা বেশ কঠিন। কারো সঙ্গে আমার দেখাই হয় না। আমার বন্ধুবান্ধব নেই। স্কুল থেকে ফিরে সারাদিন আমি ঘরেই বসে থাকি। বই পড়ি কিংবা ডায়েরী লিখি। গল্পগুজব যা করার ফুলির মার সঙ্গে করি। সে কিছুতেই খুশি হয় না। তাকে খুশি করার একমাত্র উপায় হচ্ছে তার গল্প শোনা। ফুলির মা সাধারণ কোন গল্প জানে না। তার সব গল্পই ভয়ংকর। শুনলে হাত-পা কাঁপে। অথচ সে এমন নির্বিচার ভঙ্গিতে বলে যেন ঠাকুরার খুলি থেকে লালকমল নীলকমলের গল্প বলছে।

“বুঝছেন আফা, আমি তখন নয়া বাসার কামে ঢুকছি। আমার গেরাম সম্পর্কে চাচা আমারে নারায়ণগঞ্জের এক ফেলেটে কামে ভর্তি করছে। বাসার সাব ব্যাকের অবিচার। পাঁচটা ডাংগর পুলাপান। পরথম দিন কাম করতে করতে জেবন শেষ। তিন বালতি কাপড় খুইছি। ঘর মুছছি, দুনিয়ার বেবাক পাতিল মাজছি। রাইত একটার সময় চুলা বন কইরা ঘুমাতে গেছি। ঘুমানির জইন্যে একটা পাতলা চাদর দিছে, আর দিছে একটা বালিশ। কি যে গরম ছিল আফা! গরমে শইল সিন্ধ হইত। গরমের সাথে সামিল হইছে মশা। হায় রে আফা কি কনু, ভোমরার লাহান বড় বড় মশা। আমার চউক্ষে নাই নিশ্রা। এই গড়ান দেই, হেই গড়ান দেই — মশা খেদাই। শেষ রাইতে চউখ একটু বন হইছে হঠাৎ মনে হইল শাড়ি ধইরা কে জানি টানে। ইয়া মাবুদ! ধড়ফর কইরা উইঠা দেখি বাড়ির সাব। চিকুর দিতে গেছি, ধরছে মুখ চাইপ্যা। এর মইখ্যে শাড়ি খুইল্যা লেংটা বানাইয়া ফেলাছে . . . ”

‘চূপ কর ফুলির মা। আমি আর শুনব না।’

‘না শুনই ভাল। তুমি পুলাপান মানুষ। এই ঙ্গলান পুলাপানের গফ না।’

পুলাপানের গল্প না হলেও ফুলির মা’র সব গল্পই আমাকে শুনতে হয়েছে। হয়তো গল্পের বই পড়ছি — মা অফিসে, বাবা গেছেন কাজে। ফুলির মা তার কাজ শেষ করে এসে বসবে আমার কাছে। তার হাতের মুঠোয় লুকানো জ্বলন্ত সিগারেট। ফুলির মা আমার সামনে সিগারেট খেলেও খুব সমীহ করে খায়। অন্যদিকে মুখ ফিরিয়ে টান দেয়।

‘কি করেন গো আফা?’

‘কিছু করি না।’

‘মজার একটা ইতিহাস স্মরণে পাইছি। বড়ই ইন্টারেস্টের ইতিহাস। ভাত রানতে রানতে স্মরণ হইছে। একলা একলা হাসছি। ভাবলাম আফারে বলি। হইছে কি আফা — এক বড়লোকের বাড়িত কাম পাইছি। বাড়ির বেগম সাব পরীর লাহান সুন্দর। বেগম সাবের কাছে গাইয়ের দুধ আনলে দুধেরে কালা লাগে। এমন শইলের বঙ। আর আমারে দেখেন আফা গাছের পেড়ি। তয় শইলটা ভাল। তা আফা খাটাখটনির শইল ভাল তো হইবই। আমরার সম্পল হইল শইল . . . ’

‘এই গল্প শুনব না।’

‘আচ্ছা খাউক, শুননের দরকার নাই। এইটা পুলাপানের গফ না।’

তারপরেও ফুলির মা বুয়ার অনেক গল্প আমি শুনেছি। তার কয়েকটা আমি ডায়েরীতে লিখে রেখেছি। মা পড়লে ফুলির মা’র উপর রাগ করবে। খুব রাগ করবে। তবে আমি নিজে থেকে পড়তে না দিলে মা আমার ডায়েরী পড়বে না। এইসব ব্যাপারে মা খুব সাবধান। অবশ্যি আমার মৃত্যুর পর মা সব পড়বে। পড়বে আর কাঁদবে। সবচে বেশি কাঁদবেন বাবা। কারণ মেয়েরা অনেক শক্ত ধরনের হয়। ছেলেরা তা হয় না।

বাইরে থেকে তাদের শক্ত মনে হলেও আসলে তারা তা না। ছোট মান্নার মৃত্যুর শোক ননীজ্ঞান সামলে উঠেছেন। নানাভাই সামলাতে পারেননি। বাবার বেলাতেও তাই হবে। কাজেই আমাকে এমন একটা ব্যবস্থা করতে হবে যেন আমার মৃত্যুর পর কেউ আমার ডায়েরী পড়তে না পারে। ঘরে যেন আমার কোন ছবিও না থাকে। ছবি থাকলেই আমার কথা সবার মনে পড়বে। ছবি দেখে দেখে কাঁদবে। হয়তো আমার আরেকটা ভাই হবে। কিংবা বোন হবে। ঈদের দিন ওয়া কত আনন্দ করতে চাইবে। তখন মা’র মনে পড়ে যাবে আমার কথা। মা সব ফেলে দিয়ে দরজা বন্ধ করে কাঁদতে বসবে। আমার বেচারী ভাইবোনরা মন খারাপ করে ঘুরবে।

বোনটা হয়তো দুট ধরনের হবে। পড়াশোনা করতে চাইবে না, শুধু খেলতে চাইবে। তখন মা বলবেন, তুমি এত দুট হয়েছ কেন? তোমার যে আপা ছিল নাভাশা, সে তো দুট ছিল না। সে তো দিন-রাত পড়াশোনা করত। অসম্ভব লক্ষ্মী ছিল সে। আমার বোনটা তখন কত মন খারাপ করবে! হয়তো মনে মনে রাগ করবে আমার উপর। আমি চাই না সে আমার উপর রাগ করুক। আমি চাই না কেউ আমার উপর রাগ করুক। কেউ আমার কথা মনে করে কাঁদুক।

আমি চাই আমার মৃত্যুর পর বাবা-মা এক সঙ্গে থাকবে। তারা কোনদিন কোন ঝগড়া-টগড়া করবে না। বাবা রাত-বিরেতে নেশা করে বাসার ফিরবে না। বাবা আবার আগের মত লাল টুকটুক একটা গাড়ি কিনবে। মাকে পাশে বসিয়ে শাঁ শাঁ করে সেই গাড়ি নিয়ে চলে যাবে চিটাগাং, মাদ্রাসাটি, কল্লরাজ্যার। পেছনের সীটে আমার ছোট দুই ভাইবোন বসবে, তারা খুব হৈ-চৈ করবে। চিৎকার করবে। গান করবে। তারা যতই হৈ-চৈ করবে বাবা ততই হাসবেন। মা বিরক্ত হয়ে বলবেন, আহ চূপ কর তো। তখন বাবা মাকে ব্যাপারের জন্যে তার বিখ্যাত চাইনীজ গান ধরবেন।

টিং টিং টিটিং টিং

বেবা বেবা লিং লিং ॥

আমার এই সব গল্পের ইচ্ছার কথাও আমি আমার ডায়েরীতে লিখি। আগে খুব হেলাফেলা করে ডায়েরী লিখতাম। আসলে জানতাম না তো কি করে ডায়েরী লিখতে হয়। একদিন লিখলাম, —

আজ লকনের বাটতে একটা মরা তেলাপেকো পাওয়া গেল। মা ফুলির মাকে খুব বকা দিলেন। ফুলির মা বলল, আমি কি তেলাচুরারে কইতলাম লকনের বাটত গিয়া মরতে? আমারে বকেন ক্যান? ফুলির মা’র কথা শুনে মা খুব রেগে গেল। মা বললেন, তোমাকে দিয়ে আমার পুয়াবে না। তুমি অন্য কোথাও কাজ দেখ। ফুলির মা বলল, জে আইছা। যে কাম জানে তার কামের অভাব হয় না। ফুলির মাকে চলে যেতে বললে সে সব সময় বলবে — জে আচ্ছা। কিন্তু কখনো যাবে না।

আরেকদিন লিখলাম —

আজ পটল দিয়ে মাছ রান্না করা হয়েছে। বোয়াল মাছ আর পটল।
বাধা বললেন, বোয়াল নিম্নশ্রেণীর মাছ। পটল উচ্চ শ্রেণীর তরকারি। পটল
দিয়ে বোয়াল মাছ রান্না ঠিক হয়নি। ভুল হয়েছে। এতে তরকারি হিসেবে
পটলকে অপমান করা হয়েছে। এই নিয়ে মা এবং বাধার মধ্যে ছোটখাট
কলহটা বেধে গেল।

এইসব আজবাজে কথা লিখে শুধু শুধু পাতা ভরানো। কোন মানে হয় না।
আসলে আমাদের জীবনটা এরকম যে লেখার মত কিছু ঘটে না। স্কুলে যাওয়া, স্কুল
থেকে এসে ভাত খাওয়া, রাতে পড়াশোনা করে ঘুমুতে যাওয়া — ব্যস, এইটুকুতেই
সব।

আনা ফ্রান্সের ডায়েরী পড়ে মেয়েটার উপর আমার খুব ঈর্ষা হল। কত ভাগ্যবতী
মেয়ে। তার ছোট্ট জীবনে কত কিছু ঘটেছে। আর কি সুন্দর করে গুছিয়েই না সে সব
কিছু লিখে গেছে। আমার যদি এরকম ঘটনার জীবন হত আমিও সুন্দর করে সব লিখে
রাখতাম। আনা ফ্রান্সের মত চিঠির আকারে ডায়েরী। সে তার কল্পনার বাস্তবীকে
উদ্দেশ্য করে চিঠির মত লিখেছে। আমি লিখতাম বাবাকে উদ্দেশ্য করে। মাকে উদ্দেশ্য
করেও লেখা যায়। তবে মাকে লিখতে ইচ্ছা করে না। মাকে সব সময় আমার নিজেরই
একটা অংশ বলে মনে হয়। তাঁর কাছে চিঠি লিখতে ইচ্ছে করে না।

আনার মত ডায়েরী আমি লেখার চেষ্টা করছি অসুখের পর থেকে। প্রথম দিনই
বেশ বড় করে লিখলাম। এখন খুব ছোট ছোট করে লিখছি। কারণ হচ্ছে আমি চোখে
ঝাপসা দেখছি। মাকে চোখের এই ব্যাপারটা বলা হয়নি। এম্মিতেই তিনি চিন্তায়
চিন্তায় অস্থির। সেই চিন্তা বাড়িয়ে কি হবে! আমি যদি এখন বলি — মা, আমি চোখে
ঝাপসা দেখতে শুরু করেছি, তাহলে না কি করবে? তার কিছুই করার নেই। শুধু শুধু
অস্থির হবে আর ভয়ংকর কষ্ট পাবে। এম্মিতেই বেচারী কষ্টে মরে যাচ্ছে। সেই কষ্ট
বাড়িয়ে লাভ কি?

বাবাকে উদ্দেশ্য করে লেখা প্রথম ডায়েরীর লেখাটা এরকম — (খুব চেষ্টা করেছি
আনা ফ্রান্সের মত হাসি-খুশিভাবে লিখতে। হয়নি।)

বাবা,

আজ আমার একটা অসুখ ধরা পড়েছে। অসুখটার নাম মেনিনজিটিস। এরকম
অদ্ভুত নাম তুমি নিশ্চয়ই এর আগে শুননি। কেউই বোধহয় শুনেনি। যাকেই এই নাম
বলা হবে সে-ই ভুরু কঁচকে বলবে, অসুখটা কি?

অসুখটা ভয়াবহ। কতটা যে ভয়াবহ তা আমি মাকে দেখে বুঝতে পারছি। আমার
অসুখ ধরা পড়ার পর থেকে মাকে দেখাচ্ছে অবিকল মরা মানুষের মত। তোমার মনে
আছে, দাদীজানের মৃত্যুর খবর পেয়ে তাঁকে আমরা দেখতে গেলাম। গিরে দেখি

পুরানো কালো খাটটার তাঁকে শুষিয়ে রাখা হয়েছে। তাঁর মুখ হলুদ রঙের একটা চাদরে
ঢাকা। সাধারণত মৃতদেহ শাদা চাদরে ঢাকা থাকে। দাদীজানকে হলুদ চাদরে কেন
ঢাকলে কে জানে! বোধহয় ঘরে কোন শাদা চাদর ছিল না। আমরা দাদীজানের খাটের
পাশে দাঁড়ালাম। কে একজন তাঁর মুখ থেকে চাদর সরিয়ে দিল। আমি আঁতকে
উঠলাম। প্রাণহীন মানুষের মুখ এত ভয়ংকর!

মায়ের মুখও প্রাণহীন মানুষের মুখের মত ভয়ংকর হয়ে গেছে। তিনি অবশ্যি খুব
স্বাভাবিক থাকার চেষ্টা করছেন। যেন আমি কিছু বুঝতে না পারি। যেদিন আমার
অসুখটা মা প্রথম জানলেন সেদিন বাসায় ফিরেই ফুলির মাকে বললেন, বুঝা চা কর।
নাভাশাকেও এক কাপ দিও।

ফুলির মা হতভম্ব গলায় বলল, আফনের হইছে কি?

‘কিছু হয়নি। হবে আবার কি? টায়ার্ড।’

সন্ধ্যার পর অতিরিক্ত আগ্রহের সঙ্গে বললেন, অনেকদিন টিভি দেখা হয় না।
আজ টিভি দেখব। ইন্টারেস্টিং কিছু কি আজ টিভিতে আছে?

সে রাতে অতি কুৎসিত একটা নাটক হল। একটা ছেলে একটা মেয়েকে
ভালবাসে। তাকে না পেলে সে পাগল হয়ে যাবে। কিন্তু তাকে সে বিয়ে করবে না,
কারণ বিয়ে করলে তার ভালবাসা নষ্ট হয়ে যাবে। কি যে জগাচ্ছিড়ি! বড় বড় সব
কথা। একটু পর পর কবিতা আবৃত্তি। নামক এক একবার কাঁপা কাঁপা গলায় কবিতা
শুরু করে আর আমার ইচ্ছা করে দেই কবে একটা চড়।

মা সেই নাটকও চোখ বড় বড় করে দেখল এবং নাটক শেষ হলে বলল, মন্দ না
তো। রাতে মা আমার সঙ্গে ঘুমুতে এল। সে রাতে খুব গরম পড়েছিল। তার উপর ছিল
না ইলেকট্রিসিটি। কিছুতেই আমার ঘুম আসছে না। মা বোধহয় মানসিকভাবে খুব ক্লান্ত
ছিল। শোয়ামাত্র ঘুমিয়ে পড়ল। আমি জেগে আছি। এপাশ-ওপাশ করছি। তখন হঠাৎ
মনে হল — মানুষের যেমন ‘অসুখ’ হয় সেরকম ‘সুখ’ হবার নিয়ম থাকলে খুব ভাল
হত। পৃথিবীতে নানান ধরনের অসুখের মত নানান ধরনের সুখ থাকত। ছোট সুখ, বড়
সুখ। একেক সুখের একেক নাম। কোন মায় মেয়ের বড় ধরনের সুখ হলে সেই মা
আনন্দে অস্থির হয়ে চারদিকে টেলিফোন করে খবর দিত — আমার মেয়ের না এই সুখ
হয়েছে।

‘সত্যি?’

‘হ্যাঁ সত্যি। পরীক্ষায় ধরা পড়েছে। কি যে আনন্দ হচ্ছে ভাই!’

‘আনন্দ হবারই কথা। আমি সব সময় দেখেছি আপনি ভাগ্যবতী!’

‘মেয়েটার জন্যে দোয়া করবেন আপা!’

ডায়েরী এইখানেই শেষ।

আজ্ঞা, আমার কি মাথা খারাপ হয়ে যাচ্ছে? কি দিয়ে শুরু করেছিলাম আর কি

বলছি। শুরু করেছিলাম কি দিয়ে? ঐ যে দুপুরে ঘুম ভাঙার পর মনে হল আজ খুব আনন্দের কিছু ঘটবে। সারা দিন কিছু ঘটল না।

খুব আশা ছিল — বাবার কাছ থেকে একটা চিঠি নিশ্চয়ই আসবে। অনেক দিন বাবা চিঠি লিখেন না। কে জানে হয়ত তাঁর অসুখ-বিসুখ হয়েছে। অসুখ হলে দেখানো তাঁকে দেখার কেউ নেই। তিনি থাকেন একা, নিজেই রোগে খান। শেষ চিঠিতে বাবা তাঁর রামা করার কথা লিখেছেন। কি সুন্দর করেই না লিখলেন —

ও আমার টিয়া পাখি,

আজ দুপুরে রামা করার সময় তোর কথা মনে পড়ল। কেন বল তো? কারণ আজ একটা দারুণ জিনিস রামা করেছি। পাহাড়ি একটা মাছ — ওরা বলে 'ছই মাছ' কিংবা 'চই মাছ'। দেখতে এত সুন্দর — যেন রূপার একটা পাত। অনেকটা চাঁদা মাছের মত — চ্যাপ্টা। মুখটা লাল টুকটুক। প্রথমে ভাবলাম ভেজে ফেলি। লেবি, ঘরে মাছ ভাজার মত তেল নেই। কাজেই তরকারি করা হল। তরকারি চড়িয়ে দিয়ে মনে হল — টিয়া পাখি থাকলে এই মাছ আমাকে রামা করতে দিত না। সে বলত, এত সুন্দর মাছ তুমি কেটেকুটে খেয়ে ফেলবে? পানিতে ছেড়ে দিয়ে আস বাবা।

মাই হোক, মাছটা দেখতে যত সুন্দর বেতে ততই অসুন্দর। বিশ্রি গন্ধ। পচা নাজিভুক্তি থেকে যে রকম গন্ধ আসে সে রকম গন্ধ। প্রচণ্ড সর্দিতে নাক বন্ধ থাকলেই শুধু এই মাছ খাওয়া চলে — নয়তো না।

আমি অল্প একটু খেয়ে বমি করে সব ফেলে দিয়েছি। সারাদিনই শরীরটা কেমন কেমন করেছে। মনে হয় 'ছই' কোন বিষাক্ত মাছ। এই কারণে বোধহয় বাজারে বিক্রি হয় না। আমি নিজে জাল ফেলে ধরেছি। ভাল কথা — আমার একটা জাল আছে। সেই জাল ফেলে আমি নিজেই শংখ নদীতে মাছ ধরি। একবার একটা সাপ ধরেছিলাম। বিশাল সাপ। মুরং এক ছেলে খুব আগ্রহ করে সাপটা আমার কাছ থেকে নিয়ে গেল। মুরংর সাপ খায়। মুরং ছেলের নাম 'উল্যপ্র'। সে মাঝে মাঝে এসে আমার কাজকর্ম করে দেয়। একবার তাকে কিছু কাপড় ধুতে দিলাম। সে সঙ্গে সঙ্গে নিজের লুঙ্গি খুলে নেংটো হয়ে কাপড় ধুতে শুরু করল। নিজের লুঙ্গিটা খুলে নিল কারণ কাপড় ধোয়ার সময় লুঙ্গি ভিজে যাবে। এদের লজ্জা-শরম একটু কম। আজ এই পর্যন্তই মা।

পরে তোমাকে লম্বা চিঠি দেব।

ইতি

তোমার বাবা

পুনশ্চ : উল্যপ্র বলেছে সাপটা নাকি খেতে দারুণ ছিল। পেট ভর্তি ছিল ডিম।

মা অফিস থেকে ফিরলেন অনেক দেরি করে। ফিরেই আবার বের হয়ে পড়লেন। আমার ডাক্তারের সঙ্গে এপয়েন্টমেন্ট। বুঝা রামাঘরে রামা করছে। আমি একটা বই হাতে শুয়ে আছি। ঘরে আলো আছে কিন্তু পড়তে পারছি না। লেখাগুলি সব ঝাপসা। কেউ যদি পাড়ে পড়ে শোনাতো ভাল লাগতো।

দরজার কলিংবেল বাজছে।

কে এসেছে?

বাবা?

মনে মনে মা আশা করা হয় তা ঘটে না। উল্টোটা হয়। কাজেই আমি ভাবতে লাগলাম — বাবা আসেননি। বড় খালু এসেছেন। বড় খালুকে আমার অসহ্য লাগে। কাজেই বড় খালুর কথা ভাবলে হয়তো দেখা যাবে বাবা এসেছেন। ফুলির মা দরজা খুলেছে। তার কোন কথা শুনা যাচ্ছে না। তাহলে বাবা আসেননি। বাবা এলে ফুলির মা 'চাচাজান' বলে বিকট একটা চিৎকার দিত।

'আমার টিয়া পাখি কই রে?'

আমি কি ভুল শুনছি? কে টিয়া পাখির খোঁজ করছে? আরে এই তো। এই তো বাবা।

বাবা ঘরের মাঝখানে শুকু হয়ে দাঁড়িয়ে আছেন। এক দৃষ্টিতে তাকিয়ে আছেন আমার দিকে।

আকাশ-পাতাল বিস্ময় নিয়ে তিনি প্রশ্ন করলেন, মা, তোর কি হয়েছে?

আমি হাসার চেষ্টা করলাম। হাসতে পারলাম না।

বাবা আমাকে দেখে কষ্ট পাচ্ছেন। খুব কষ্ট পাচ্ছেন। বাবাকে আমি খুব কষ্ট দিলাম এই দুঃখে আমার চোখ দিয়ে টপ টপ করে পানি পড়তে লাগলো।

৫

সাজ্জাদ বারান্দায় বসে আছে। বারান্দা অন্ধকার। দিলশাদ এখনো ফেরেনি। ফুলির মা চা রেখে গেছে। চা ঠাণ্ডা হচ্ছে। সাজ্জাদ চায়ের প্রতি কোন আকর্ষণ বোধ করছে না। অল্প সময়ের মধ্যে সে বেশ কয়েকটা সিগারেট খেয়ে ফেলল। সিগারেটের ধোঁয়ায় এখন তার মাথা ঘুরছে। এতদিন পর এসেছে। তার উচিত মেয়ের পাশে বসে থাকা। তার সেই ইচ্ছাও করছে না। দিলশাদের সঙ্গে আগে একটা মোঝাপড়া হওয়া দরকার। এমন ভয়াবহ অসুস্থ একটা মেয়ে। চিকিৎসার জন্যে বাইরে চলে যাচ্ছে। আর সে খবরটাও জানবে না? এ কেমন কথা?

ফুলির মা বলল, চাচাজান, সিনান করবেন না?

সাজ্জাদ বিরক্ত গলায় বলল, না। দিলশাদ আসবে কখন?

'জানি না। বলছেন ডাক্তারের ধারে যাবেন। আপনের শইল কি ভাল চাচাজান?'

'আমার শরীর নিয়ে তোমাকে ভাবতে হবে না।'

'ধরফ দিয়া ঠাণ্ডা এক গ্লাস পানি দিহু? আশ্বা ফিরিজ কিনছে। নয়া ফিরিজ — লাল কালার। পুরানটা বেইচ্যা দিছে।'

'আচ্ছা ঠিক আছে। দাও, পানি দাও।'

'দাম মিলে নাই। তেরশ' টাকা মিলছে।'

'তুমি যাও। আমাকে ঠাণ্ডা পানি এনে দাও।'

'নয়া ফিরিজটার নাম পড়ছে চাইর হাজার সাতশ। ঠেলাওয়াল নিছে সস্তর টেকা।'

'তুমি সামনে থেকে যাও তো ফুলির মা। এত বকবক করছ কেন? এমন বকবকানি স্বভাব তো তোমার আগে ছিল না।'

ফুলির মা চলে গেল। তার আরো অনেক গল্প করার ইচ্ছা ছিল, সাহসে কুলালো না। চাচাজানের মেজাজ ভাল নেই। ঘরের ভেতর থেকে নাতাশা ডাকল, বাবা, শুনে যাও তো।

সাজ্জাদ মেয়ের ধরে ঢুকল। মেয়ের দিকে তাকাল না। তাকাতে ইচ্ছা করছে না। নাতাশা বলল, তুমি এত বেগে আছ কেন বাবা?

'রাগি নাই।'

'ধমকাধমকি করছো।'

'আবে বক বক করে মাথা ধরিয়ে দিয়েছে।'

'এতদিন পরে এসেছ, বেচারার তোমার সঙ্গে গল্প করতে ইচ্ছা করছে।'

সাজ্জাদ তিস্ত গলায় বলল, তোর এত বড় অসুখ আমি জানলাম না কেন? আমার জানতে অসুবিধাটা কোথায় ছিল?

'এই নিয়ে তুমি মায়' সঙ্গে ঝগড়া করবে?'

'ঝগড়া করব না। আমি শুধু জানতে চাইব। জানার অধিকার আমার নিশ্চয়ই আছে।'

'তুমি তো দেখি আমার সঙ্গেই ঝগড়া শুরু করে দিলে। বাবা, আমার কথা শোন — বাথরুমে গিয়ে ভাল করে গোসল কর। তারপর গরম এক কাপ চা খাও। এখনযে মা এনে পড়বে। ঝগড়া যে এশুচি করতে হবে তা তো না। কয়েকদিন পরেও করতে পারবে। মা খুব কষ্টের মধ্যে আছে বাবা। সারাদিন ছোটোছুটি কবে। টাকার জোগাড় হচ্ছে না। এদিকে যাবার সব ঠিকঠাক। ভ্রাস্ত পরিশ্রান্ত হয়ে মা আসবে, আর আসামাত্র তুমি একটা ঝগড়া শুরু করবে, সেটা কি ভাল হবে।'

'আমার ভাল-মন্দ তোকে দেখতে হবে না।'

'যে ক'দিন আমি বেঁচে থাকব সেই ক'দিন আমিই দেখব। তুমি না চাইলেও দেখব। বাবা, গোসল করতে যাও। আমি বুয়াকে বলছি চা বানানোর জন্যে। তুমি বাথরুমে থেকে বেরবার সঙ্গে সঙ্গে চা দেবে। গোসলের পর চারে চুমুক দেবার পর দেখবে তোমার রাগ অনেকটা কমে গেছে।'

সাজ্জাদ বাথরুমে ঢুকল। গোসল সেরে চা খেয়ে মেয়ের পাশে বসল। নাতাশা খুব আগ্রহ নিয়ে গল্প করে যাচ্ছে। সাজ্জাদ শুনছে। আবার ঠিক শুনছেও না। সে আছে এক ধরনের ঘোরের মধ্যে, যে ঘোর কখনো কাটবে না। রাত দশটার ওপর বাজে। দিলশাদ এখনো ফিরছে না। সাজ্জাদ বলল, তোর মা কি রোজই এমন দেরি করে?

'এখন প্রায়ই করে। তোমার খিদে লেগেছে, তুমি কি খেয়ে নেবে?'

'তুই কখন খাবি?'

'একটু পরেই খাব। বাবা, তোমার বাগটা কি কিছু কমেছে?'

'সামান্য কমেছে।'

'আরো একটু কমাও।'

'আচ্ছা বা, কমাব। তোর মায়' এত দেরি করে ফেরার কারণ তো বুঝতে পারছি না। টাকার ব্যস্তঘটিও তো সুবিধার না।'

'তুমি চিন্তা করো না বাবা, মা এসে পড়বে। তুমি বরং ভাত খেয়ে নাও। তোমাকে দেখে মনে হচ্ছে তোমার খুব খিদে পেয়েছে।'

'রাত দশটার পর ত্রো কোথাও কোন ডাক্তার থাকার কথাও না।'

'আজ মায়' মেজোখালার বাসায় যাবার কথা। ডাক্তারের কাছ থেকে হয়তো দেখানে গেছেন। মেজোখালু সাহেবের আজ মাকে কিছু টাকা দেয়ার কথা।'

নাতাশা ছোট করে নিঃশ্বাস ফেলে বলল, মা টাকা চেয়ে চেয়ে খুবছে। কি খরাপ যে তাঁর লাগছে কে জানে।

দিলশাদ তার মেজো বোন দিলরুবার বাসায় রাত আটটা থেকে বসে আছে। স্বামী-

স্ত্রী দু'জনের কেউই ফ্ল্যাটে নেই। উত্তরায় তাদের বাড়ি হচ্ছে, সেই বাড়ি দেখতে গেছে। কাজের মেয়ে বলল, আইস্যা পড়ব। এক্ষণ আসব।

কাজের দু'টি মানুষ ছাড়া বাসায় আর কেউ নেই। দিলরুবার একটিই মেয়ে, সে শান্তিনিকেতনে পড়াশোনা করে। ছুটি-ছটায় আসে। এখন গরমের ছুটি চলছে — সে আপেনি। শান্তিনিকেতন থেকে একটা দল যাচ্ছে মালয়েশিয়ায়। সে তাদের সঙ্গে যাবে।

দিলরুবারের ফ্ল্যাট ছবির মত সুন্দর। হালকা গোলাপী কস্পিনেশন। কাপেট গোলাপী, সোফার কাপড় গোলাপী, জানালার পর্দাও গোলাপী। দেয়ালে কিছু পেইন্টিং আছে। মনে হয় অর্ডার দিয়ে আঁকানো, কারণ পেইন্টিং-এও গোলাপী রঙের আধিক্য। গোলাপী রঙটা দিলশাদের অপছন্দ, কিন্তু এই ঘরে রঙটা এত মানিয়েছে। সবচেয়ে সুন্দর লাগছে গাঢ় গোলাপী ভেলভেটের সোফাসেট। সমস্যা একটাই — গা এলিয়ে আরাম করে বসতে অস্বস্তি লাগে। মনে হয় ভেলভেট ব্যথা পাবে। দিলশাদ অবশ্যি গা ছেড়েই শুয়ে আছে। এত ক্লান্ত লাগছে, মনে হয় সে সোফাতেই ঘুমিয়ে পড়বে। কাজের মেয়েটি বলল, চা দিব আফা?

দিলশাদ বলল, চা না, যদি পার লেবুর সরবত বানিয়ে দাও। ঘরে লেবু আছে?

'আছে। আমা স্যান্ডেল খুইল্যা বসেন। নতুন কাপেট কিনছে। কেউ স্যান্ডেল লইয়া উঠলে আশ্চর্য মনে মনে বেজার হয়।'

দিলশাদ স্যান্ডেল খুলতে খুলতে বলল, এত সুন্দর জিনিশ নষ্ট হলে মন খারাপ তো হবেই।

'এক টুকরা মোজা কাপড়। দাম হইল ত্রিশ হাজার টেকা। গুনলেই বুক কাঁপে।'

'তাহলে তো শুধু স্যান্ডেল খুলে সোফায় উঠলে হবে না, অঙ্কু করে উঠতে হবে।'

কাজের মেয়েটা সফ্রু চোখে দিলশাদকে দেখছে। এই মেয়েটি কি সাজ্জাদের ঘড়ি চুরির খবর দিয়েছিল? যদি সে হয় তাহলে দিলশাদের দিকেও সে লক্ষ রাখবে। চলে যাবার সময় দিলশাদ কি বলবে — বুয়া, দেখে নাও তোমাদের জিনিস সব ঠিকঠাক আছে কি-না।

দিলরুবা বাড়িতে ঢুকল রাত দশটায়। ছোটবোনকে দেখে চেঁচিয়ে উঠল, ওমা, তুই! কখন এসেছিস?

'নটা থেকে বসে আছি। তুমি একা যে, দুলাভাই কোথায়?'

'আজ ছাদ ঢালই হচ্ছে। ও থাকবে। রাত একটা-দেড়টার আগে ফিরবে না। আমাকেও থাকতে বলেছিল। ভাগ্যিস থাকিনি। থেকে গেলে তোর সঙ্গে দেখা হত না। তুই আসবি জানলে ওকেও নিয়ে আসতাম।'

'আজ যে আসব সেটা তো দুলাভাইকে টেলিফোন করে বলেছিলাম।'

'ওর আজকাল কিছু মনে থাকে নাকি? ও যে নিজের নাম মনে রাখে সে-ই

যথেষ্ট।'

'কেন?'

'বুঝি দিলু, গ্রেইন ডিফেক্টের মত হয়ে গেছে। ব্যবসার অবস্থা ভয়াবহ। বড় এমডিটের একটা এলসি খুলেছিল। ব্যাংক থেকে কি মেন প্রবলেম করছে। আমি জানিও না, কিছু বুঝিও না। গতকাল আমাকে বলে, ক'বা, আমাকে এক লাখ টাকা ধার দাও না। তিনশ বস্ত্র সিমেন্ট কিনব। অবস্থা চিন্তা কর। আমি টাকা পাব কোথায়? শেষে বলে, তোমার গয়না বিক্রি কর। ভাবটা এরকম যেন আমার লাখ লাখ টাকার গয়না আছে। ওর বন্ধুবান্ধব এখন ওকে দেখলে পালিয়ে বেড়ায়। সধাই ভাবে, বোঝহয় একুশি টাকা ধার চাইবে...'

দিলশাদ তাকিয়ে আছে। সে ক্লান্ত গলায় বলল, তোমার এই অবস্থা।

'হ্যাঁ রে দিলু, এই অবস্থা। বাইরে থেকে দেখে কেউ কিছু বুঝবে না। ঠাট্টাট্ট সবই আছে। তিন দিন আগে ত্রিশ হাজার টাকা দিয়ে কাপেট কিনলাম। এখনো টাকা দেয়া হয়নি। রোজ টেলিফোন করছে। একবার ভাবলাম 'বলি, আপনারা আপনারদের কাপেট নিয়ে যান। শেষে ভাবলাম, ঠিক আছে, যাক কয়েকটা দিন। দরকার হলে গয়না বেচব। কি করা। গয়না তো আজকাল কেউ পরে না। লকারেই পড়ে থাকে। বিক্রি করলেই কি, আর না করলেই কি। তুই কি কিছু খেয়েছিস দিলু? না শুধু-মুখে বসে আছিস?'

'লেবুর সরবত খেয়েছি।'

'ভাত খাবি? ভাত খা। ওর এক বন্ধু রুপচন্দা শুটকি পাঠিয়েছে চিটাগাং থেকে। ঝাল ঝাল করে বেঁধেছি। খেয়ে যা।'

'না, কিছু খাব না।। আজ উঠব।'

'তুই কি টাকার জন্যে এসেছিলি?'

'হ্যাঁ। দুলাভাই আজ আসতে বলেছিলেন।'

'কাল আয়। কাল এসে ওর সঙ্গে কথা বল। আমি ওকে বাসায় থাকতে বলে দেব। তবে তোকে সত্যি কথা বলি — ওর পক্ষে সম্ভব না। ওর ভয়াবহ অবস্থা। তোর টাকা জোগাড় হয়েছে কেমন?'

'সামান্যই হয়েছে।'

'বড় দুলাভাই যে টাকাটা দেবেন বলেছেন, দিয়েছেন?'

'এখনো দেননি।'

'টাকাটা নিয়ে নে। আপনার সঙ্গে দুলাভাইয়ের সম্পর্ক ভাল যাচ্ছে না। বড় দুলাভাই আলাদা ফ্ল্যাট ভাড়া করেছেন। এখন গুনছি বেশির ভাগ সময় সেখানেই থাকেন। হোটেল থেকে ভাত আনিয়ে খান। সম্পর্ক আরো খারাপ হবার আগেই টাকাটা নিয়ে নেয়া দরকার।'

'আপা, আমি আজ উঠি।'

'তুই বোধহয় আমার কথা বিশ্বাস করিননি। তুই ভেবেছিস আমি বানিয়ে বানিয়ে অভাব-টভাবের কথা বললাম।'

'তা ভাবব কেন!'

'বিশ্বাস কর, আমি এক বর্ণ মিথ্যা বলিনি। পাপিয়া একটা মিউজিক্যাল ট্যুরে মালয়েশিয়া যাবে। ওর বাবাকে লিখল পাঁচশ' ডলার পাঠাতে। ঘুরবে-তুরবে, কেনাকাটা করবে। ওর বাবা বলল, মালয়েশিয়ার কোন দরকার নেই। মেয়েকে ঢাকায় চলে আসতে বল। ওর পড়ার খরচ দিতে পারব কিনা তার নেই ঠিক। শেষ পর্যন্ত অবশ্য টাকা পাঠিয়েছে। কি করে পাঠিয়েছে সে-ই জানে। আমি ভয়ে কিছু জিজ্ঞেস করিনি।'

'আপা, আজ উঠি?'

'উঠবি? দাঁড়া, তোকে কয়েকটা রূপচন্দা মাছের শুটকি দিয়ে দি।'

'শুটকি দিতে হবে না। তুমি তোমার ডাইভারকে বল আমাকে একটু নামিয়ে দিতে। এত রাতে একা যেতে ভরসা হচ্ছে না।'

'ভরসা হলেও তোকে আমি একা ছাড়ব নাকি? দিলু, বড় দুলাল্লাইয়ের ব্যাপারে যেটা বললাম মনে রাখিস। ভুজুং-ভাজুং দিয়ে টাকাটা ম্যানেজ করে নে। কালই যাবি।'

'দেখি।'

'এখানে দেখাদেখির কিছুই নেই। প্রয়োজনটা আমাদের। ও, আসল কথা বলতে ভুলে গেছি। পাপিয়ার বাবার এক ব্রোজ ফ্রেন্ড আছে, টিভির কর্তা ব্যক্তি। তার সঙ্গে পাপিয়ার বাবার কথা হয়েছে। ওদের একটা ম্যাগাজিন অনুষ্ঠানে নাতাশাকে প্রজেন্ট করবে। নাতাশার সঙ্গে কথা-টকা বলবে। প্রাইমারি বৃষ্টি পরীক্ষায় ফাস্ট হয়েছিল এটা বলে তার জন্যে সাহায্য চাওয়া হবে। লোকজন এমনিতে কিছু দিতে চায় না। কিন্তু টিভিতে কিছু প্রচার করলে হু হু করে টাকা আসতে থাকে। আমাদের কিছু করতে হবে না। শুধু ব্যাংকের একটা একাউন্ট নাম্বার দেয়া থাকবে। টাকা সরাসরি ব্যাংক একাউন্টে জমা হয়ে যাবে। নাতাশাকে টিভি স্টেশনে যেতেও হবে না। টিভি জুঁবা বাসায় এসে রেকর্ড করবে।'

দিলশাদ উঠে দাঁড়াতে দাঁড়াতে বলল, এসবের কোন দরকার নেই আপা।

'দরকার নেই কেন? আমি তো কোন অসুবিধা দেখছি না। আমাদের কারোছার দিয়ে হচ্ছে কথা।'

'নাতাশা মনে কষ্ট পাবে। এম্মিতেই সে ভয়াবহ কষ্টের মধ্যে আছে। আমি সেই কষ্ট আর বাড়তে চাই না।'

'ফট করে না বলিস না। ভেবে দেখ।'

'এর মধ্যে ভাবভাবির কিছু নেই। আপা, আমি আজ যাচ্ছি।'

'আয়, আমিও তোর সঙ্গে যাই। তোর বাসায় সামনে নামিয়ে দিয়ে আসি।'

'তোমাকে যেতে হবে না। তুমি উত্তরা থেকে ক্লান্ত হয়ে এসেছ। তুমি বিশ্রাম কর।' দিলশাদ দুটা রূপচন্দার শুটকি পলিথিনের ব্যাগে করে নিয়ে এল। সঙ্গে একটা গম্পের বই। শরদিন্দুর ঝিনের বন্দি।

'নাতাশার জন্যে পাপিয়া পাঠিয়েছে। বইটা ওকে দিয়ে দিস। কাল-পরশু একবার গিয়ে ওকে দেখে আসব।'

দিলশাদ ক্লান্ত গলায় বলল, আচ্ছা এসো।

'তোকে একটা ইন্টারেস্টিং কথা বলা হয়নি। আমাদের সামনের বাসায় যে ভাড়াটে থাকে — আরব বাংলাদেশ ব্যাংকের বড় অফিসার। সে সেদিন হঠাৎ এসে আমাকে একটা দাওয়াতের কার্ড দিয়ে গেল। ওদের কি যেন অফিসিয়েল ফাংশান বেতেই হবে...'

'আপা তোমার এই গম্প আরেকদিন এসে শুনব। আজ যাই।'

সাজ্জাদ মেয়ের সঙ্গে গম্প করছে। গম্প করে আগের মত আনন্দ পাচ্ছে না। নাতাশা তার দিকে তাকিয়ে আছে ঘুম ঘুম চোখে।

সাজ্জাদ একবার বলল, মা, ঘুম পাচ্ছে?

নাতাশা বলল, ঘুম পাচ্ছে না তো। অনুখের জন্যে আমার চোখ ছোট ছোট হয়ে গেছে। তুমি সাইনবোর্ডের গম্পটা আরেকবার বল।

'শোনা গম্প আবার শুনবি?'

'হঁ।'

'নতুন অনেক গম্প আছে। সেগুলি শোন। জঙ্গলের গম্প।'

'না। তুমি গম্প বলার সময় আমার দিকে তাকিও না। আমার দিকে তাকালে তোমার মনে হবে আমি ঘুমিয়ে পড়েছি। তুমি আগের মত মজা করে গম্প করতে পারবে না। বাবা, শুরু কর।'

সাজ্জাদ চিন্তিত গলায় বলল, তোর মা এখনো আসছে না। এগারোটার উপরে বাজে।

'তোমার গম্প শেষ হবার সঙ্গে সঙ্গে মা চলে আসবে। দেরি না করে তুমি শুরু করো তো বাবা।'

'তখন ইন্টারমিডিয়েট পরীক্ষা দিয়েছি। রেজাল্ট বেরুতে দু-তিন মাস দেরি। আমাদের কিছু করার নেই। সময় আর কটিছে না। কয়েক বন্ধু মিলে প্ল্যান করলাম টেকনিক থেকে তেঁতুলিয়া ট্যুর দেব। সাইকেল ট্যুর। আমরা ছয় বন্ধু, সাইকেল জোগাড় হল তিনটা। ট্যুর প্রোগ্রাম বাতিল হয়ে গেল। কি করা যায় কিছুই বুঝতে পারছি না। একেবদিন একেবজনের মাথা থেকে একেব ধরনের আইডিয়া আসে। আইডিয়া নিয়ে চিন্তা-ভাবনা করতে করতে সময় কেটে যায়। কাজের কাজ কিছুই হয়

না। আমাদের এক বন্ধু ছিল — করিম। এফ. করিম।

'বাবা, উনি এখন কোথায়?'

'জানানি চলে গিয়েছিল। সেখানেই নিখোঁজ হয়ে গেছে। কেউ কোন খবর জানে না।'

'তোমার সেই বন্ধুর যা বুদ্ধি, আমার ধারণা, উনি বড় কিছু করেছেন।'

'করতে পারে। তবে ওর বুদ্ধির সবটাই ফাজলামি ধরনের। ফাজলামি ধরনের বুদ্ধি দিয়ে খুব বেশি কিছু করা যায় না মা।'

'তারপর কি হল বাবা বল।'

'এক রাতে করিম বলল, চল আমরা এক কাজ করি। শহরের মানুষগুলির পিলে চমকানোর ব্যবস্থা করি। আন্ডেল গুড্রুম করে দি। আমি বললাম কিভাবে করবি? করিম বলল, এমন কিছু করব যে শহরের লোকগুলির চোখ শুধু কপালে না, মাথার তালুতে উঠে যাবে। যেমন ধর, এক দোকানের সাইনবোর্ড অন্য দোকানে লাগিয়ে দেব। এক রাতের মধ্যে সব সাইনবোর্ড বদলে দেব। মিষ্টির দোকানে বুলবে ফামেসীর সাইনবোর্ড। কাঠের দোকানে ইউনানী দাওয়াখানার সাইনবোর্ড। করিমের আইডিয়া আমাদের সবার যে পছন্দ হল তা না। কিছুই করার নেই বলেই আমরা রাজি হলাম। মফস্বল শহরে পাহারাদার-টার এমন থাকে না। রাতটাও ছিল শীতের রাত। সবাই গভীর ঘুমে। আমরা হাতুড়ি, পেরেক আর খুস্তি নিয়ে বের হলাম। তারপর শুরু করলাম সাইনবোর্ড বদলানো। কিছুক্ষণের মধ্যেই খুব মজা পেয়ে গেলাম। রাত সাড়ে তিনটার মধ্যে সব সাইনবোর্ড পাল্টানো হয়ে গেল। আমরা খুশি মনে ঘুমুতে গেলাম। পরদিন সারা শহরে হৈ-ঠে পড়ে গেল। সবার মুখে মুখে সাইনবোর্ডের কথা। সামান্য একটা ব্যাপার নিয়ে কত রকম গবেষণা, কত খিওরী। মফস্বল শহরে তো আর উদ্ভেজনার মত কিছু ঘটে না। সামান্য কিছু ঘটলেই তা নিয়ে তোলাপাড় হয়ে যায়। আমরা কল্পনাও করিনি আমাদের সাইনবোর্ড পাল্টানোর ব্যাপারটা এত আলোড়ন তুলবে। আমরা চিন্তা করতে লাগলাম এর পর কি করা যায়। টিয়া পাখি, ঘুমিয়ে পড়েছিস?'

নাতাশা জবাব দিল না। সে ঘুমিয়ে পড়েছে। সাজ্জাদ ভেতরের বারান্দায় চলে গেল। অনেকক্ষণ সিগারেট খাওয়া হয় না। গম্প বলে বলে মুখ শুকিয়ে গেছে। সাজ্জাদ বেতের চেয়ারে বসার সঙ্গে সঙ্গে কলিংবেল বাজল। তার নিজেই দরজা খুলে দিতে ইচ্ছা করছে। সেটা সম্ভব হল না। ফুলির মা ছুটে গেল। হড়বড় করে সে চাচাজানের আসার সংবাদ দিচ্ছে। দিলশাদকে না দেখেই সাজ্জাদ বুঝতে পারছে ফুলির মায় উৎসাহ দিলশাদের ভেতর সংক্রমিত হল না। সে শুধু জিজ্ঞেস করল — নাতাশা খেয়েছে? সাজ্জাদের মনে হল, মানুষকে অগ্রাহ্য করার অসাধারণ ক্ষমতা নিয়ে এই মহিলা জন্মেছে। তবু নিজের স্বামীকে পুরোপুরি অগ্রাহ্য করা সম্ভব না। সে অবশ্যই বারন্দায় এসে জিজ্ঞেস করবে, কখন এসেছ? সাজ্জাদ অপেক্ষা করতে লাগল।

দিলশাদ বারন্দায় এল না। সে কাপড় নিয়ে বাথরুমে ঢুকে গেল। তার শরীর ঘামে কুটকুট করছে। সে আজ অনেক সময় নিয়ে গোসল করবে এবং বাথরুমের নির্জনতায় কিছুক্ষণ কাঁদবে। আজ তার কেন জ্ঞানি কামা পাচ্ছে।

তাদের দেখা এবং কথা হল খাবার টেবিলে। সাজ্জাদ লক্ষ্য করল দিলশাদকে খুব রোগা এবং অসুস্থ লাগছে। চোখের কোণে কালি পড়েছে। মেয়ের অসুস্থ নিয়ে সে অকূল সমুদ্রে পড়েছে তা বোঝাই যাচ্ছে। সাজ্জাদের খুব মায় লাগল। কিছু অত্যন্ত কঠিন কথা বলবে বলে ঠিক করে রেখেছিল। এখন মনে হচ্ছে কোন কিছুই বলা ঠিক হবে না।

দিলশাদ শুকনো গলায় বলল, তুমি খেয়ে নাও। আমি এখন খাব না।

'রাত তো কম হয়নি। এখন খাবে না তো কখন খাবে?'

'যখন খেতে ইচ্ছা করবে তখন খাব। আমার ব্যাপার নিয়ে তোমাকে অস্থির হতে হবে না।'

'অস্থির হচ্ছি না, শুধু জিজ্ঞেস করলাম।'

'জিজ্ঞেস করারও দরকার নেই। তোমাকে খেতে দেয়া হয়েছে তুমি খেয়ে নেবে।'

সাজ্জাদ প্রুটে ভাত নিল। দিলশাদ এমন কঠিন আচরণ কেন করছে সে ঠিক বুঝতে পারছে না। বড় বিপর্যয়ের সময় মানুষ কাছাকাছি চলে আসে, সে দূরে চলে যাচ্ছে কেন?

ফুলির মা চিন্তিত মুখে পানির জগ হাতে দাঁড়িয়ে আছে। দিলশাদ তার দিকে তাকিয়ে বলল, জগ হাতে সঙ-এর মত দাঁড়িয়ে আছ কেন? এত বড় টেবিলে জগ রাখার জায়গা পাচ্ছে না? জগ নামিয়ে রেখে বসার ঘরে তোমার চাচাজানের বিছানা করে দাও। আমার খাটের নিচে তোমক আছে, মশারি আছে। যাও সামনে থেকে। হা করে দাঁড়িয়ে থাকবে না।

সাজ্জাদ ডাল নিতে নিতে বলল, পৃথক বিছানা হচ্ছে?

'হ্যাঁ হচ্ছে। কোন অনুবিধা আছে?'

'না। অনুবিধা নেই। টিয়া পাখি ঘুমুচ্ছে, হৈ-ঠে করো না।'

'তুমি আমার এখানে থাকলে হৈ-ঠে হবে। চেঁচামেচি হবে। হৈ-ঠে ছাড়া বাস করতে চাইলে যেখান থেকে এসেছ সেখানে চলে যাও। জঙ্গলে চলে যাও।'

সাজ্জাদ হতাশ গলায় বলল, তুমি অকারণে রাগ করছ, রাগ করার মত কোন অপরাধ আমি এখনো করিনি। বরং তুমি অপরাধ করবে। নাতাশার অসুস্থের খবর আমাকে জানাওনি। আমাকে না জানানোর পেছনে তোমার লজিক কি তা আমি জানি না। নিশ্চয়ই কোন লজিক আছে। তুমি লজিক ছাড়া কোন কাজ করবে তা বিশ্বাসযোগ্য নয়। তবে আমি সম্ভবত আমার অল্প বুদ্ধির কারণে তোমার লজিক ধরতে পারছি না। এখনই বা কেন হঠাৎ করে রেগে যাচ্ছ সেটাও বুঝতে পারছি না।

দিলশাদ প্রায় অপ্রকৃতিস্থ মানুষের মত চিবিয়ে চিবিয়ে বলল, নাভাশার অসুখের খবর জানলে তুমি কি করতে? তোমার কি কিছু করার ক্ষমতা আছে? মেয়ের চিকিৎসার জন্যে এগারো লাখ টাকা আমার দরকার। তুমি পারবে এগারো লাখ টাকা জোগাড় করতে? কি হবে তোমাকে জানিয়ে? আমাকে ধন্যবাদ দাও যে তোমাকে জানাইনি। জানাইনি বলে নিশ্চিত মনে এই ক'মাস মদ-ফদ খেয়ে ফুটি করতে পেরেছ। জানালে এই ফুটিও করতে পারতেন না। I have spared you the pain.'

সাজ্জাদ টেবিল ছেড়ে উঠতে উঠতে বলল, আমার ষাওয়া হয়ে গেছে, তুমি ইচ্ছা করলে খেতে বসতে পার।'

দিলশাদ ফুলির মা'র দিকে তাকিয়ে বলল, টেবিল পরিষ্কার কর, আমি খাব না।

সাজ্জাদ বলল, আমার উপর রাগ করে ষাওয়া বন্ধ করার কোন মানে হয় না। তুমি বাচ্চা মেয়ে না। তুমি ভয়াবহ টেনশনের স্তের দিয়ে মাছ তা বুঝতে পারছি। বুঝতে পারছি বলেই রাগ করছি না।

'তুমি আমার সঙ্গে কথা বলে না, প্লীজ। তোমার সঙ্গে আমার কথা বলতেও ইচ্ছা করে না। তুমি ছিলে না, আমি শাস্তিতে ছিলাম।'

'এখন আমি কি খুব অশান্তি করছি?'

'হ্যাঁ করছ। অশান্তি যে করছ তুমি নিজেও সেটা ভাল করে জান। আজ এই যে আমার এত সমস্যা তার মূলেও কিন্তু তুমি।'

সাজ্জাদ বিস্মিত হয়ে বলল, আমি।

দিলশাদ সহজ বাস্তবিক গলায় প্রায় কাটা কাটা ভঙ্গিতে বলল, হ্যাঁ তুমি। দুটগ্রহের কথা বইপত্র লেখা থাকে না? তুমি আমার জীবনের দুটগ্রহ।

সাজ্জাদ তার পাঞ্জাবির পকেট থেকে সিগারেট বের করতে করতে বলল, নাভাশা অসুস্থ হয়ে পড়ে আছে সেটাও আমার জন্যে?

'অবশ্যই তোমার জন্যে। ওর অসুখ জেনেটিক অসুখ। তোমার জীন আমার জীন মিশ খায়নি বলেই নাভাশার জীনে এই গণ্ডগোল হয়েছে। আমার মেয়ে কষ্ট পাচ্ছে। সিগারেট ধরাবে না। খবরদার! কিছুক্ষণ আগে এসেছ, এর মধ্যেই বাসা ঠোঁড়ায় ঢেকে ফেলেছ। নিঃশ্বাস ফেলার উপায় নেই।'

সাজ্জাদ সিগারেট ধরাল না। হাতের সিগারেট প্যাকেটে রেখে দিল। এখন তাকে দেখে মনে হচ্ছে সে হকচকিয়ে গিয়েছে। দিলশাদ এই পর্যায়ে যাবে সে ঠিক ভাবতে পারেনি।

ফুলির মা ঘরে নেই। তবে সে চলেও যায়নি। দরজার আড়ালে দাঁড়িয়ে আছে। সাজ্জাদ দরজার দিকে তাকিয়ে বলল, ফুলির মা, আমি এক কাপ চা খাব।

দিলশাদ সাজ্জাদকে অবাধ করে দিয়ে বলল, চা আমি বানিয়ে এনে দিচ্ছি। But do me a favour, চা খেয়ে অন্য কোথাও চলে যাও।

'অন্য কোথাও চলে যাব?'

দিলশাদ শান্ত গলায় বলল, নিজের উপর আমার এখন আর আগের মত কনট্রোল নেই। রাগ সামলাতে পারি না। তুমি বাসায় থাকলে আমার রাতে ঘুম হবে না। আমি ক্রমাগত তোমার সঙ্গে বগড়া করব। নাভাশা শুনবে। সে কিছু বলবে না কিন্তু কষ্ট পাবে। সে এম্মিতেই অনেক কষ্ট পাচ্ছে, আমি আমার মেয়েকে আর কষ্ট দেব না।

সাজ্জাদ অবাধ হয়ে দিলশাদের দিকে তাকিয়ে রইল। দিলশাদ বলল, সকালে আমি অফিসে চলে যাই। নানান কাজে সারাদিন ঘুরি। এই সময় তুমি এসে তোমার মেয়েকে সঙ্গে দিও। তোমার মেয়ের তোমাকে দরকার। আমার তোমাকে দরকার নেই।

'সত্যি চলে যেতে বলছ?'

'হ্যাঁ, চলে যেতে বলছি। তোমাকে দেখেই আমার মাথায় রক্ত উঠে গেছে। দুপুরে আমি কিছু খাইনি। শিদের আমার শরীর ক্লিমক্লিম করছে। তুমি আলোপাশে থাকলে আমি ভাত নিয়েও বসতে পারব না।'

'আমি চলে গেলে ভাত খেতে পারবে?'

'হয়ত পারব।'

'আচ্ছা, আমি চলে যাচ্ছি। চা লাগবে না। তুমি ষাওয়া-দাওয়া কর।'

'আমি নটার দিকে অফিসে চলে যাই। তুমি নটার পর চলে এসো।'

'আচ্ছা।'

সাজ্জাদ প্রায় হতবুদ্ধি হয়ে ঘর থেকে বের হল। সে ভেবে পাচ্ছে না দুঃশ্চিন্তায় দুঃশ্চিন্তায় দিলশাদের মাথা পুরোপুরি খারাপ হয়ে গেছে কি না। তার আচার-আচরণ হিন্দিরিয়োগ্রাফ রোগীর মত। এই রোগ কখনো কমে না। সময়ের সঙ্গে সঙ্গে বাড়ে।

রাত্তর নেমেই সাজ্জাদ ঠোঁটে সিগারেট নিয়েছে কিন্তু ধরাবার কথা তার মনে নেই। সে হাঁটছে উদ্দেশ্যহীন ভাবে। কোথায় যাবে তাও ঠিক করা নেই। এত রাতে কারো বাসায় ওঠা যাবে না, উঠতে হবে হোটলে। সস্তাদরের হোটেল কোন অঞ্চলে আছে তাও মনে পড়ছে না। টাকাপয়সা সে সামান্যই সঙ্গে এনেছে। এই মুহূর্তে মেয়ের অসুখের চেয়েও দিলশাদের ব্যবহার তাকে বেশি কষ্ট দিচ্ছে। রেল স্টেশনের দিকে চলে গেলে কেমন হয়? প্ল্যাটফর্মে হাঁটাইটি করে রাত পার করে দেয়া যায়। কিংবা সারারাত রাত্তর হাঁটাও যেতে পারে। শহরের এ-মাথা থেকে ও-মাথা। শহরটা গত বিশ বছরে কত বড় হয়েছে সেটা তাহলে আন্দাজ করা যেত। তাতে অবশ্যি খোলা হুঁর হাতে হাইজ্যাকারের মুখোমুখি হবার আশংকা থাকে। থাকুক না, আজ রাতে কোন কিছুই ভয়ংকর বলে মনে হবে না। খোলা হুঁর হাতের হাইজ্যাকারদের দেখা পাওয়াও হবে, a welcome change. বরং ওদের সে বলতে পারে — বন্ধুবা, তোমাদের খুশি করার মত অর্থ আমার কাছে নেই। যা আছে তা অতি সামান্য। সেটা তোমাদের দিয়ে দিচ্ছি। প্লাস একটা হাতঘড়ি। ঘড়িটা দামী। পুরানো হলেও দামী। বিয়ের সময়

শুস্তরবাড়ি থেকে পাওয়া। তার বদলে আমাকে তোমাদের সঙ্গে নিয়ে চল — টু নাইট লেট আস রি ফ্রেন্ডস। চল আজ রাতে এক সঙ্গে নেশা-টেশা করি। সত্যায় নেশা করার জায়গা নিশ্চয়ই তোমাদের জানা আছে। বাংলা মদ এখন কি দরে বিক্রি হচ্ছে? হাঁড়ি কত? দামী বোতলে সুন্দর লেবেল পেঁটে এই জিনিশ বিদেশে এঞ্জিপোর্ট করলে বিদেশীরা বুঝত — আমরা কি জিনিশ। বোতলের গায়ে টিকটকে লাল অক্ষরে লেখা থাকবে — বাংলা। ইংরেজি লেবেলটা হবে এ রকম —

BANGLA
The fire from Bangladesh

তুমায় সাজ্জাদের শরীর এখন কাঁপছে। তার কাছে মনে হচ্ছে কোন নিরিবিলা জায়গায় গিয়ে মদ্যপান করার সুযোগের বিনিময়ে সে এখন সবকিছুই দিয়ে দিতে পারে। তার আত্মাও বন্ধক রাখা যেতে পারে। আত্মা বন্ধক রাখার লোক মেসিফস্টেটিফিলিস কাব্যে পাওয়া যায়, বাস্তবে পাওয়া যায় না। বাস্তবের মানুষ আত্মা সম্পর্কে খুব আগ্রহী, তবে আত্মার কেনা-বেচায় আগ্রহী না। আগ্রহী কোন মানুষকে পাওয়া গেলে সে তার আত্মা বিক্রি করে দিত। আত্মাবিহীন মানুষ হবারও নিশ্চয়ই অনেক মজা আছে।

দিলশাদ নিঃশব্দে রাতের খাওয়া শেষ করল। তার যে এত খিদে পেয়েছিল সে আগে বুঝতে পারেনি। ঘন ডালটা খেতে এত ভালো হয়েছে! ডাল থাকলে আরো কিছু ভাত খাওয়া যেত।

ফুলির মা বলল, চা দিমু আশ্মা?

দিলশাদ বলল, দাও। তোমার পান আছে না? সেখান থেকে আমাকে একটু পান দিও। পান খেতে ইচ্ছা করছে।

দিলশাদ বারান্দার দিকে রওনা হল। নাতাশার ঘরের ভেতর দিয়ে যাবার সময় লক্ষ্য করল নাতাশা এই গরমে চান্দর গায়ে শুয়ে আছে। তার চোখ বন্ধ, তবে দিলশাদ পুরোপুরি নিশ্চিত নাতাশা জেগে আছে। সাজ্জাদের সঙ্গে তার কথাবার্তা কি হয়েছে সবই শুনেছে। সময় বিশেষে এই মেয়েটার খাপটি মেরে থাকার অভ্যাস আছে।

দিলশাদ বলল, মা, জেগে আছিস? নাতাশা জবাব দিল না। দিলশাদ বারান্দায় চলে গেল। আজ খুব গুমট। কিছুক্ষণ আগে গোসল করা হয়েছে, এর মধ্যেই গা খেমে যাচ্ছে। শোবার আগে আবার গোসল করতে হবে। ফুলির মা চা দিয়ে গেছে। খেতে ভাল লাগছে। দিনের শেষ চা ফুলির মা ভাল বানায়। এক কাপ শেষ করার পর আরেক কাপ খেতে ইচ্ছা করে।

ফুলির মা, নাতাশা রাতে দুধ খেয়েছে?

'হুঁে খাইছে।'

'সবটা খেয়েছে?'

'তলার মধ্যে অল্প একটু ছিল। আফার বমি আসতে ছিল তখন চাচাজান বলছেন, খাউক শেষ করনের প্রয়োজন নাই।'

'তোমার চাচাজান দুনিয়ার সবকিছু বেশি বোঝেন তো তাই বলেছেন — থাক প্রয়োজন নেই। এত বড় একটা অপারেশন হবে, অপারেশন সহ্য করার শক্তি লাগবে না? দুধ-টুধ না খেলে শক্তিতে আসবে কোথেকে? আকাশ থেকে?'

'কথা তো আশ্মা ঠিকই বলছেন।'

'কাল তোমার চাচাজান আবার আসবে। ফোপারদালালী করতে চেষ্টা করবে। তখন কঠিন গলায় বলবে — আশ্মার নিষেধ আছে। মনে থাকবে?'

'হুঁে, মনে থাকবে।'

ভেতর থেকে নাতাশা ক্ষীণ গলায় ডাকল, মা! দিলশাদ তৎক্ষণাৎ উঠে গেল।

'বাথরুমে যাব মা!'

দিলশাদ হাত ধরে মেয়েকে বিছানা থেকে নামাল। ধরে ধরে বাথরুমে নিয়ে গেল। আবার ফিরিয়ে এনে বিছানায় বসিয়ে দিল। কোমল গলায় বলল, আজ মাথাব্যথা হয়েছিল মা?

নাতাশা হাসিমুখে হ্যাঁ-সূচক মাথা নাড়ল কেন মাথাব্যথা হওয়াটা মজার একটা ব্যাপার।

'ক'বার হয়েছিল?'

'তিন বার।'

'খুব বেশি?'

'হুঁ।'

'ব্যথার সময় অসুখ খেয়েছিলি?'

'হুঁ।'

'তাতে কি ব্যথা কমেছিল?'

'হুঁ।'

'রাতের দুধ নাকি পুরোটা খাসনি?'

'বমি আসছিল মা।'

'বমি এলেও খেতে হবে। না খেলে শরীরে শক্তি আসবে না।'

'তুমি পান খাচ্ছ নাকি মা?'

'হ্যাঁ।'

'চপচপ করে পান খাওয়া দেখতে আমার এত ভাল লাগে! আমাকে একটু পান দাও জে, আমি খাব। তোমার চাবানো পান একটু দাও।'

'আমার মুখের পান খেতে হবে না। দাঁড়া তাকে সুন্দর করে পান বানিয়ে দিচ্ছি।'

'না, তোমার মুখ থেকে দাও। কিছু হবে না।'

'অন্যের মুখের পান খাবি? যেমা লাগার কথা। তোর যেমা লাগে না?'

'উই।'

দিলশাদ নিতান্ত অনিচ্ছায় মেয়েকে পান দিল। নাতাশা পান চিবুতে চিবুতে সুন্দর একটা অভিনয় করল, হঠাৎ মনে পড়ার ভঙ্গিতে বলল, বাবা কোথায় মা?

দিলশাদ অস্বস্তির সঙ্গে বলল, ও তার এক বন্ধুর বাড়িতে গেছে। কি নাকি দরকার। না গেলেই না। তুই কি এতক্ষণ ঘুমুচ্ছিলি?

'ই। বাবা আমাকে কিছু না বলে চলে গেল?'

'তুই ঘুমুচ্ছিলি বলে তোকে জাগায়নি।'

'রাতে ফিরে আসবে?'

'রাতে আর আসবে না। কাল সকালে চলে আসবে।'

নাতাশা খুব ভয়ে ভয়ে ছিল হয়তো মা তার অভিনয় ধরে ফেলবে। মাস যা বুদ্ধি। ধরে ফেলারই কথা। তবে খুব বুদ্ধিমান মানুষরাই সবচেয়ে বেশি বোকাম মত কাজ করে। নাতাশার ধারণা, বাবার সঙ্গে তার মা যে বগড়াটা করেছে তা নিতান্ত বোকা মেয়েরাই করবে। এবং এই যে সে মিথ্যা অভিনয় করছে শুধুমাত্র বোকাম মেয়েদেরই সেটা ধরতে পারার কথা না। একজন সাধারণ বুদ্ধির মা হলেও ধরে ফেলত। তার মার এত বুদ্ধি অথচ সামান্য ব্যাপারটা ধরতে পারছে না। এটা খুবই আশ্চর্যের কথা।

অভিনয়টা করে নাতাশার ভাল লাগছে। বাবা-মা কেউ জানবে না তাদের কুৎসিত বগড়া সে শুনেছে। তারা স্বস্তি বোধ করবে। এটা আনন্দিত হবার মতই ঘটনা।

'তোর বাবার সঙ্গে তুই কি অনেক গল্প-টল্প করেছিস?'

'ই।'

'কি নিয়ে গল্প হল?'

'সাইনবোর্ডের গল্পটা আবার গুনলাম। পুরোটা শোনা হয়নি। অর্ধেকটা বাকি আছে।'

'সাইনবোর্ডের কোন গল্প?'

'ঐ যে বাবা আর তার বন্ধুরা মিলে তাদের শহরের সব সাইনবোর্ড এক রাতে পাল্টে দিল। ছেলে হয়ে জন্মানোর কত মজা, তাই না মা? তারা কত কিছু করতে পারে!'

দিলশাদ ভূক কুঁচকে বলল, তুই কি তোর বাবার ঐসব বানানো গল্প বিশ্বাস করে বসে আছিস?

'বানানো গল্প?'

'অবশ্যই বানানো গল্প। কয়েক জন মিলে এক রাতে সব সাইনবোর্ড খুলে অন্যখানে লাগাল। সাইনবোর্ড খোলা এত সহজ?'

মার কথায় নাতাশা একটু মন খারাপ করল। সে জানে তার বাবার এই গল্পগুলি সত্যি গল্প। কিছু কিছু অদ্ভুত মানুষ পৃথিবীতে থাকে। তার বাবা একজন অদ্ভুত মানুষ। অদ্ভুত কোন কিছু যদি তার মার মধ্যে থাকত তাহলে তার মাও হয়তো বাবাকে পছন্দ করত। মার মধ্যে অদ্ভুত কিছু নেই।

দিলশাদ বলল, ঘুম পাচ্ছে নাতাশা?

নাতাশার ঘুম পাচ্ছে না তবু সে বলল, হ্যাঁ।

'মা, শুয়ে পড়।'

'তুনি ঘুমাবে না?'

'আমি আরেকবার গোসল করব। আমার খুব পরম লাগছে।'

দিলশাদ আবার দীর্ঘ সময় নিয়ে গোসল করল। তার এত ক্লান্তি লাগছিল মনে হচ্ছিল গায়ে পানি ঢালতে ঢালতে সে ঘুমিয়ে পড়বে। শরীর বেশি ক্লান্ত থাকলে ঘুমের খুব অসুবিধা হয়। বিছানায় শোয়ামাত্র ঘুম চলে যায়।

দিলশাদ বাথরুম থেকে বের হয়ে দুটা রিলাক্সেন খেল। তার সঙ্গে একটা প্যারাসিটামল ট্যাবলেট। এই দুয়ের কম্বিনেশন ঘুমের জন্যে ভাল। রিলাক্সেন ট্যাবলেটের নিয়ম হল খাওয়ার পর আধঘণ্টা অপেক্ষা করতে হয়। কিমুনির মত শুরু হলে বিছানায় যেতে হয়।

দিলশাদ ভেতরের বারান্দার পাটিতে পা ছড়িয়ে বসে আছে। কিমুনি আসার জন্যে অপেক্ষা করছে। কাল সাবাদিনে অনেকগুলি কাজ করতে হবে। কোনটার পর কোনটা করা হবে একটু গুছিয়ে নেয়া দরকার।

১ আমেরিকান এম্বেসী থেকে ভিসা ফরম আনতে হবে।

২ স্বাস্থ্য মন্ত্রণালয় থেকে একটা চিঠি বের করতে হবে। চিঠির বিষয়বস্তু হলো— নাতাশার অপারেশন দেশে হওয়া সম্ভব না বলে তাকে বাইরে নিয়ে যাওয়া প্রয়োজন। এই চিঠির জন্যে প্রয়োজনীয় কাগজপত্র অনেক আগেই জমা দেয়া হয়েছে। এখন হঠাৎ করে তারা চাচ্ছে মেডিকেল বোর্ডের মতামত। চারজনের একটা মেডিকেল বোর্ড লাগবে। নাতাশার ডাক্তার বলেছেন মেডিকেল বোর্ডের মতামত ছাড়াই স্বাস্থ্য মন্ত্রণালয়ের চিঠি বের করার ব্যবস্থা তিনি করে দেবেন।

৩ ফরেন কারেন্সি নেয়ার অনুমতির জন্যে বাংলাদেশ ব্যাংকে যেতে হবে। তাদের কি সব ফরম-টরম পূরণ করতে হবে। তবে স্বাস্থ্য মন্ত্রণালয়ের চিঠি ছাড়া ব্যাংকে গিয়ে লাভ হবে না।

৪ বিমানের অফিসে যেতে হবে। গুরুতর অসুস্থ রোগী নিতে হলে কি সব পারমিশনের ব্যাপার আছে।

এই সব ছোটখাট সমস্যা। দিলশাদ জানে এই জাতীয় সমস্যার সমাধান হয়।

ছোট্টাছুটি করলেই হয়। বড় সমস্যা টাকার সমস্যা। দিলশাদ টাকা এখনো জোগাড় করতে পারেনি। বড় দুলাভাই এখনো টাকা দেননি। তাকে পাওয়াই যাচ্ছে না। অফিসে নাকি কিছুদিন হল কম আসছেন। কাল একবার তাঁর নতুন এপার্টমেন্টে যেতে হবে। অফিস থেকে এপার্টমেন্টের ঠিকানা নিয়ে রাত করে উপস্থিত হতে হবে।

অনেক বস্ত্রপা, অনেক ছোট্টাছুটি করে মাত্র তিন লাখ টাকা জোগাড় হয়েছে। সেই তিন লাখের এক লাখ চলে যাবে টিকিটে। দশ হাজার ইউএস ডলার আগেই হাসপাতালে জমা করতে হবে। নয়তো রোগী হাসপাতালে ভর্তি পর্যন্ত কবাবে না। প্রায় চার লাখ টাকা। কোথেকে জোগাড় হবে কে জানে! পরিচিত এমন কেউ নেই যার কাছে দিলশাদ যায়নি।

শুধু পরিচিত না, ভাসা ভাসাভাবে পরিচিতদের কাছেও সে গিয়েছে। যেমন আনুশকার কাছে গেল। কলেজে এক সঙ্গে পড়েছে, খুব হাই টাইপের মেয়ে। নিজে গাড়ি চালিয়ে আসত। তার জন্মদিনে সে ক্লাসের সব মেয়েকে রিভার জুয়ে নিয়ে গিয়েছিল। বিশাল এক জাহাজে করে টাকা থেকে চাঁদপুর যাওয়া, চাঁদপুর থেকে ফিরে আসা। গান-বাজনা, ম্যাড্রিক কত কিছুই ব্যবস্থা যে ছিল। ঝুঁজে ঝুঁজে সেই মেয়েকে সে বের করল। বারিধারায় প্রাসাদের মত বাড়িতে থাকে। গোটে মিলিটারীদের মত পোশাক পরা দারোয়ান। ভেতরে ঢোকাই মুশকিল। কোন আসা হয়েছে, কি দরকার, কি নাম সব কাগজে লিখে পাঠাতে হবে। যেম সাহেব যদি সেই কাগজ দেখে সেখানে নিজের নাম সই করে দেন তবেই বাইরের লোক ঢুকতে পারবে। প্রায় এক ঘণ্টার মত বসে থেকে দিলশাদ যখন পুরোপুরি নিশ্চিত হল তাকে টাকা হবে না, তখন ডাক পড়ল। সে খুবই আশ্চর্য হল যে আনুশকা তাকে চিনতে পারল। আনুশকা হাসিমুখে বলল, আরে তুমি? নাম দেখে চিনতে পারিনি। অনেকক্ষণ বসিয়ে রেখেছি, তাই না? লং ডিস্টেন্ট কল রিসিভ করছিলাম। এখন বল তো কি ব্যাপার। সামাজিক সাক্ষাতের জন্যে নিশ্চয়ই আসোনি।

দিলশাদ অতি ক্রম তার সমস্যার কথা বলল। তার নিজেকে ভিক্ষুকের মত লাগছিল, তারপরেও সে কথা শেষ করল। একটা ব্যাপার তার ভাল লাগল — আনুশকা দাঁতটা মন দিয়ে শুনল। অতি বড়লোকেরা কোন কিছুই মন দিয়ে শুনে না। তারা অল্পতেই অধৈর্য হয়ে পড়ে। এই মেয়ে অধৈর্য হচ্ছে না বা হলেও প্রকাশ করছে না। দিলশাদ অনেক কষ্টে হাসি হাসি মুখ করে বলল, এখন আমি পরিচিত-অপরিচিত সবার কাছে ধার চেয়ে বেড়াচ্ছি। নিজেও লজ্জিত হচ্ছি, যার কাছে চাচ্ছি তাকেও লজ্জায় ফেলছি।

আনুশকা বলল, না, লজ্জার কি আছে। তুমি কি কিছু খাবে, চা বা কফি?

'না। আমি এখন উঠব।'

'ভরদুপুরে শুধু-মুখে যাবে এটা কেমন কথা? সরবত করে দি?'

'কিছু লাগবে না।'

আনুশকা হাসিমুখে বলল, তা কি হয়? বোস একটু।

দিলশাদকে সরবত এবং পেস্ট্রি খেতে হল। আনুশকা তার হাতে সুখবন্ধ একটা খাম দিয়ে বলল, আমার পক্ষে যা সম্ভব তোমাকে দিলাম। এটা তোমাকে ফেরত দিতে হবে না।

দিলশাদ রিকশায় উঠে খামের মুখ খুলল। মাত্র একটা চকচকে পাঁচশ' টাকার নোট খামের ভেতর ভরা। আনুশকা তাকে ভিক্ষা হিসেবেই পাঁচশ' টাকা দিয়েছে। এই লজ্জা, এই অপমান কি কোন দিন দূর হবে? কোন দিন কি দিলশাদ আনুশকার সামনে মাথা উঁচু করে দাঁড়াতে পারবে?

রিকশায় যেতে যেতে দিলশাদ ঠিক করল অপারেশনের পর নাতাশা যখন সুস্থ হয়ে যাবে তখন তাকে নিয়ে ঐ বাড়িতে আবার যাবে। সঙ্গে থাকবে ফুলের তোড়া আর দামী কিছু উপহার। দিলশাদ বলবে, আনুশকা, আমার মেয়েটা ভাল হয়ে গেছে। তোমাকে মেয়েটা দেখাতে আনলাম। ওর নাম নাতাশা। তোমার টাকাটা আমার দুঃসময়ে খুব কাজ দিয়েছে। টাকাটা ফেরত দিতে এসেছি। সঙ্গে সামান্য উপহারও এনেছি। খুব শুলি হব যদি উপহারটাও নাও।

সাক্ষীদের কাপড় ব্যবসায়ী ধনী মামার কাছেও দিলশাদ গিয়েছিল। তিনিও আনুশকার মতই গভীর আগ্রহ নিয়ে সবকিছু শুনলেন। অনেকবার আহা আহা করলেন। কোন ডাক্তার দেখছে এসব জানলেন, তারপর বললেন — 'টিউমারের সবচে' ভাল চিকিৎসা কি জান যা? সবচে' ভাল চিকিৎসা হল হোমিওপ্যাথি। ঠিকমত তিনটা ডোজ পড়লে আর দেখতে হবে না। আমার কাছে একজনের ঠিকানা আছে। লালবাগে বসে — গোলাম সারোয়ার। তার কাছে যাও — আমার নাম বল। সে দেখুক।

দিলশাদ বলল, ওকে বাইরে নিয়ে যাবার আমি সব ব্যবস্থা শেষ করেছি। আমি আপনার কাছে ধার চাইতে এসেছি। লাখখানিক টাকা আপনি আমাকে দিন।

'তুমি কি পাগল হয়ে গেলে নাকি যা? এক লাখ টাকা আমি ধার দেব কিভাবে?'

'আপনি পারবেন। আপনাকে টাকাটা আমি ফেরৎ দেব। ইন্টারেস্টসহ দেব। ব্যাংক যে হারে ইন্টারেস্ট দেয় সে হারে দেব।'

ভদ্রলোক চোখ-মুখ শুকনা করে বললেন — তুমি তো মা আমাকে অপমান করার চেষ্টা করছ। আমাকে সুদের লোভ দেখাচ্ছ। আমি কি সুদের কারবার করি? এই রকম নোংরা কথা তুমি কিভাবে বলল?'

'বেশ তো, আপমি সুদ নেকেন না। আসলটাই আমি আপনাকে ফেরৎ দেব।'

'আসল আমি পাব কই? এক লাখ টাকা তো খেলা কথা না। এতগুলি টাকা কোন সাহসে তুমি ধার চাও তাও তো বুঝি না।'

দিলশাদ চলে এসেছে। আসার পথে রিকশায় সে কাঁদছিল। আশ্চর্যের ব্যাপার, সে

যে কাঁদছিল তা সে নিজে বুঝতে পারেনি। রাত্তার লোকজনদের অবাধ হয়ে তার দিকে তাকিয়ে থাকতে দেখে সে নিজে গলে হাত দিয়ে দেখে গাল ভেজা।

মানুষের অনেক বড় বড় স্বপ্ন থাকে। দিলশাদের এখন কোন বড় স্বপ্ন নেই। তার সব স্বপ্নই ছোট ছোট স্বপ্ন। এক সময়ে সে খুব স্বপ্ন দেখত। তার বারান্দাটা সে স্বপ্ন দেখার জন্যেই সাজিয়েছিল। এই বারান্দায় পা ছড়িয়ে বসে নানা কিছু ভাবতে তার ভাল লাগত। বারান্দা আগের মতই আছে। সে বদলে গেছে। এখন সে ঘুমের অধুধ খেয়ে বারান্দায় এসে বসে। অপেক্ষা করে। স্বপ্নের জন্যে অপেক্ষা করে না, ঘুমের জন্যে অপেক্ষা করে।

অপেক্ষা করতে করতে দিলশাদ এক সময় বারান্দাতেই ঘুমিয়ে পড়ল। তার সারা গায়ে মশা ভন ভন করতে লাগল। সে কিছুই টের পেল না।

www.shopnil.com

৬

আজ ভিসা হল। সবচে কঠিন অংশটাই বোধহয় সবচে সহজে হল। ভিসা অফিসার আমেরিকান। তাঁর চোখমুখ কঠিন। জুরু সব সময় কুঁচকানো। কিন্তু তিনি দিলশাদের দিকে তাকিয়ে হাসলেন। চমৎকার বাংলায় বললেন, বিকাল তিনটার পর এসে পাসপোর্ট নিয়ে যাবেন।

দিলশাদ উন্মিষ্ট গলায় বলল, ভিসা কি হয়েছে?

‘হ্যাঁ হয়েছে’।

‘স্যার, আপনাকে অনেক ধন্যবাদ। অনেক অনেক ধন্যবাদ’।

ভিসা অফিসার আবারো হাসলেন। সেই হাসি দেখে দিলশাদের চোখ ভিজে ওঠার উপক্রম হল। কিছুদিন হল এটা হয়েছে। কেউ মমতা নিয়ে কিছু বললেই চোখে পানি এসে যাচ্ছে। সেদিন অফিসে তার বস রহমান সাহেব তাঁর কামরায় ডেকে পাঠালেন। দিলশাদ ভাবল কঠিন কিছু কথাবার্তা তাকে শুনতে হবে। সে দিনের পর দিন অফিস কামাই করছে। ছুটি নিচ্ছে না। ছুটি জমা করে রাখছে। কতদিন আমেরিকা থাকতে হয় কে জানে। সে রহমান সাহেবের ঘরে ঢুকল ভয়ে ভয়ে। প্রায় ফিস ফিস করে বলল, স্যার ডেকেছেন?

রহমান সাহেব গম্ভীর গলায় বললেন, হ্যাঁ, বসুন। দিলশাদ ভয়ে ভয়ে বসল। রহমান সাহেব বললেন, আপনাকে কোন কাজে ডাকিনি। আমার সাথে কফি খাওয়ার জন্য ডেকেছি। আপনি সারাক্ষণ এত টেনশনের ভেতর দিয়ে সময় কাটাচ্ছেন দেখে মায়্যা লাগে। এত চিন্তিত হবেন না। যা হবার হবে। নিন, কফি খান আর শুনুন। আপনার খেয়েকে নিয়ে যদি কোথাও যাবার দরকার হয় আপনি অফিস থেকে গাড়ি নিয়ে যাবেন। আমি ট্রান্সপোর্ট সেকশনকে বলে দিয়েছি। অফিস টাইমের বাইরেও যদি গাড়ি লাগে, আমাকে বলবেন। আমার ড্রাইভার আছে, গাড়ি পাঠিয়ে দেব।

দিলশাদ বলল, ধ্যাক যু স্যার। বলতে বলতেই সে লক্ষ্য করল, তার চোখ ভিজে উঠতে শুরু করেছে। সে নিশ্চিত, রহমান সাহেব আর একটা কোন মমতার কথা বললে সে ফর ফর করে কেঁদে ফেলবে। ভাগ্যিস তিনি আর কোন কথা বলেননি। গম্ভীর মুখে কফিন কাপে চুমুক দিয়েছেন। সেও কফি খেয়েছে একবারও তাঁর দিকে না তাকিয়ে।

আজ আমেরিকান এম্বেসীতে সে এসেছে অফিসের গাড়ি নিয়ে। গাড়ি ছাড়া উপায় কি? নাতাশাকে আনতে হয়েছে।

নাতাশা এখন ওয়েটিংরুমে তার বাবার কাঁধে হেলান দিয়ে বসে আছে। নাতাশাকে চিন্তিত মনে হচ্ছে না। সে বরং কৌতূহলী হয়ে ভিসাপ্রার্থীদের শুকনো মুখ দেখছে। কিন্তু সাজ্জাদকে চিন্তিত মনে হচ্ছে। দিলশাদ সামনে এসে দাঁড়াতেই সাজ্জাদ বলল,

ভিসা হয়েছে?

দিলশাদ ছোট্ট নিঃশ্বাস ফেলে বলল, হুঁ।

'আমাকেও দিয়েছে?'

'হুঁ।'

'ধ্যাতক গড।'

'বিকেল তিনটার সময় এসে পাসপোর্ট নিয়ে যেতে বলল।'

দিলশাদ হাত ধরে মেয়েকে তুলল।

নাতাশা বলল, তুমি শুধু আমার হাতটা ধর না। আমি নিজে নিজে হাঁটতে পারব।

নাতাশা হাঁটতে পারছিল না। এলোমেলো পা ফেলেছে। ভিসাপ্রার্থীরা সবাই এখন

তাকিয়ে আছে তার দিকে। তাদের চোখে কফুণা। নাতাশার খুব লজ্জা লাগছে। মানুষের করুণা গ্রহণ করার মত লজ্জা আর কিছুতেই নেই।

সাজ্জাদের ভিসার জন্য এপ্রাই করার কোন রকম ইচ্ছা দিলশাদের ছিল না। দু'জনের যাবার টাকাই জোগাড় হচ্ছে না, তৃতীয় জন কি ভাবে যাবে! সাজ্জাদ করুণ গলায় বলেছে — আমি যাব না, শুধু ভিসাটা করিয়ে রাখি।

'যাবে না, তাহলে ভিসা করে রাখবে কি জন্য?'

'শেষ মুহূর্তে যদি কিছু টাকা যোগাড় হয়ে যায়।'

'কোথেকে জোগাড় হবে? আলাদিনের চেরাগের কোন সন্ধান পেয়েছ?'

'তা না। আমার স্কুল স্ট্রীটের বন্ধু কবিম জামানীতে আছে। ওর ঠিকানা জোগাড় করার চেষ্টা করছি। ও জানতে পারলে আমাকে টিকিট পাঠিয়ে দিবে।'

'টিকিট পাঠানোর দরকার নেই। উনাকে টাকা পাঠাতে বল। টাকা কিছুই জোগাড় হয়নি।'

সাজ্জাদ বিব্রত ভঙ্গিতে বলল, নাতাশার চিকিৎসার সব খরচ দেয়ার পরেও যদি কিছু থাকে তাহলেই আমি যাব।

'তোমার এত আগ্রহ কেন? ঐ দেশে মদ সস্তা, এই জন্য?'

সাজ্জাদের কিছু কঠিন কথা যুখে এসে গিয়েছিল। শেষ মুহূর্তে নিজেকে সামলেছে। কি হবে কঠিন কথা বলে? কঠিন কথা তোলা থাকুক। কোন এক সময় বলা যাবে। সাজ্জাদ নিজের পাসপোর্ট করিয়েছে এবং দিলশাদের সঙ্গে ভিসার জন্য পাঠিয়েছে। দিলশাদ মুখ কঠিন করে রেখেছে। মেয়ের কথা ভেবেই হয়ত কিছু বলেনি।

ভিসা পেয়ে দিলশাদের ভাল লাগছে। ভিসা পাওয়া যাবে না এ রকম সন্দেহ কয়েকদিন থেকেই তার হচ্ছিল। তাছাড়া যার সঙ্গে দেখা হয়েছে সে-ই বলেছে — আমেরিকান ভিসা? অসম্ভব। ওরা ভিসা দেবে না। কিছুতেই না।

দিলশাদ বলেছে, না দেওয়ার কি আছে? আমরা ঐ দেশে বাস করার জন্যে যাচ্ছি না, চিকিৎসার জন্যে যাচ্ছি।

'অন্যের চিকিৎসা নিয়ে ওদের কোন মাথাব্যথা নেই। চিকিৎসা হলেই কি আর না হলেই কি?'

'ভিসা অফিসাররাও তো মানুষ।'

'আমেরিকান ভিসা অফিসার মানুষ তোমাকে কে বলল? ভিসা অফিসার হিসেবে এপয়েন্টমেন্ট দেওয়ার আগেই অপারেশন করে ওদের মাথায় কম্পিউটার বসিয়ে দেয়। ওরা হল যন্ত্র। যন্ত্রের বেশি কিছু না। তোমার যাবতীয় কাগজপত্র উল্টে-পাল্টে দেখবে। তারপর শুকনো গলায় বলবে — সরি। নো।'

ব্যাপার তা হয়নি। দিলশাদ যে রকম চেয়েছে সে রকমই হয়েছে। শেষ পর্যন্তও তাই হবে। সে তার মেয়েকে নিয়ে ভর্তি করাবে জল হপকিন্সে। পৃথিবীর সেরা সব ডাক্তার দিয়ে মেয়েকে পরীক্ষা করাবে। অপারেশন হবে এবং তার মেয়ে সুস্থ হয়ে দেশে ফিরবে। মেডিকেল সায়েন্স অনেক দূর এগিয়ে গেছে। যারা এই বিজ্ঞানকে এত দূরে নিয়ে গেছেন দিলশাদ তাদের হাতেই মেয়েকে তুলে দেবে।

মেয়েকে নিয়ে দেশে ফিরে সে কি করবে? প্রথমেই এক মাসের ছুটি নেবে। এই একমাস দরজা বন্ধ করে শুধুই ঘুমবে। এম্মিতে ঘুম না এলে ঘুমের ওষুধ খেয়ে ঘুমবে। তার শরীর-মন অসম্ভব ব্লাস্ত। ঘুমিয়ে ঘুমিয়ে সে ব্লাস্তি দূর করবে।

নাতাশা গাড়িতে উঠেই বলল, মার অফিসের এই গাড়িটা খুব সুন্দর, তাই না বাবা?

সাজ্জাদ বলল, হ্যাঁ।

'তোমার যদি কোনদিন টাকা হয় এরকম একটা গাড়ি কিনো তো।'

'আচ্ছা মা কিনব। অবশ্যই কিনব।'

দিলশাদ তির্যক গলায় বলল, একটা খেলনা গাড়ি কেনার সামর্থ্য নেই, সে কিনবে পাচ্ছেরো। প্রমিষ্ট করতেও লজ্জা লাগা উচিত।

নাতাশা মার দিকে তাকাল। সে মনে হয় বাবার পক্ষে কিছু বলতে মাছিল — বলল না। ছোট্ট করে নিঃশ্বাস ফেলল।

সাজ্জাদ মেয়ের দিকে তাকিয়ে বলল, তোর মার অফিসের এই চমৎকার গাড়িতে করে শহরে কয়েকটা চক্রর দিলে কেমন হয়?

নাতাশা বলল, ভাল হয় বাবা, খুব ভাল হয়।

দিলশাদ বলল, ভাল হলেও চক্রর দেয়া যাবে না। গাড়ি অফিসে পাঠিয়ে দিতে হবে। আমার অফিসে কাজ আছে। আমি অফিসে গাড়ি নিয়ে চলে যাব।

'মা, তাহলে আমরা রিকশা নিয়ে একটু ঘুরি?'

'না। প্রচণ্ড রোদ। মাথায় রোদ লাগবে।'

মেয়েকে রোদে ঘুরতে না দিলেও দিলশাদ নিজে অনেকক্ষণ একা একা রিকশা

নিয়ে ঘুরল। ভিসা হাতে পেয়ে তার খুব আনন্দ হচ্ছিল। মনে হচ্ছিল মেয়ের সুস্থ হয়ে ওঠার প্রথম ধাপটি শেষ হয়েছে। এই তো পাসপোর্টে ছমাসের ভিসার সীল মারা। প্রক্রিয়া শুরু হয়েছে। যা শুরু হয় তা শেষও হয়। একদিন এই প্রক্রিয়া শেষ হবে।

আনন্দিত মানুষ নিজের আনন্দ ছড়িয়ে দিতে চায়। আনন্দের খবর সবাইকে চেষ্টা করে। দিলশাদের পরিচিত জনের সংখ্যা সীমিত। সেই সীমিত সংখ্যক মানুষদের ঘরে ঘরে খবরটা পৌঁছাতে ইচ্ছা করছে। দিলশাদ প্রথম গেল কলাবাগানে তার মা'র কাছে।

হাদিউজ্জামান সাহেব বাড়িতে ছিলেন না। তিনি তাঁর পীর সাহেবের কাছে গিয়েছেন। মনোয়ারারও মা'বার কথা ছিল। দাঁতের ব্যাধার কারণে তিনি যাননি। দু'দিন ধরে তিনি দাঁত ব্যাধায় কষ্ট পাচ্ছেন। আজ সেই ব্যাধা বাড়াবাড়ি পর্যায়ে চলে গেছে। গাল ফুলে একাকার।

দিলশাদ বলল, তোমার অবস্থা তো মা ভয়াবহ। তোমার দিকে তাকানো যাচ্ছে না। মনোয়ারা হাসলেন। দিলশাদ তীক্ষ্ণ গলায় ফলল, এই অবস্থায় তুমি হাসছ কি করে মা?

মনোয়ারা বললেন, অনেক দিন পর তুই হাসিমুখে ঘরে ঢুকেছিস। তোর হাসিমুখ দেখে হাসলাম রে মা। আজ তোর মনটা খুশি কেন?

'আজ ভিসা হয়েছে। ভিসা নিয়ে একটা দুঃশ্চিন্তা হচ্ছিল — দেয় কি দেয় না। সেই দুঃশ্চিন্তা দূর হয়েছে। এখন টিকিট কটব।'

'আলহামদুলিল্লাহ। আয় আমার সঙ্গে দুই রাকাত শোকরানা নামাজ পড়।'

'ধাক মা!'

'ধাকবে কেন, আয়!'

'আমি অফিসের কাপড় পরে আছি। তেমন পরিষ্কার নেই।'

'আমি পরিষ্কার শাড়ি দিচ্ছি। আয় তো মা। এখন থেকে বুঝলি মা, প্রতি পদে পদে আল্লাহর কাছে শোকরানা আদায় করে এগুবি — দেখবি কোন সমস্যা হবে না।'

দিলশাদকে তার মা'র সঙ্গে নামাজ পড়তে হল। অনেকদিন পর নামাজে দাঁড়িয়ে তার লজ্জা লজ্জা করছিল। তার কেবলি মনে হচ্ছে এই বুঝি ভুল করবে। ককুতে গিয়ে সিঁজদার দোয়া পড়ে ফেলবে।

নামাজের শেষে মনোয়ারা বললেন, মা আয়, দু'জনে একসঙ্গে আল্লাহর কাছে দোয়া করি। হাত তোল। দুই মা একসঙ্গে আল্লাহর কাছে হাত তুলছে — এটা অনেক বড় ব্যাপার। মা'দের ব্যাপারে আল্লাহপাকের দুর্বলতা আছে।

দিলশাদ হাত তুলল। মনোয়ারা বেগম প্রার্থনা শুরু করলেন। তাঁর গলার স্বর নিচু কিন্তু প্রতিটি বাক্য স্পষ্ট।

'হে পরম করুণাময়। তুমি করুণা কর। অবাধ নিষ্পাপ শিশুকে তুমি ভয়াবহ

ব্যাদি দিয়েছ। কেন দিয়েছ তা তুমিই জান। আমরা অতি ক্লান্ত মানুষ — তোমার কাজ বোঝার সাধ্য আমাদের নাই। বোঝার চেষ্টাও করব না। শুধু আমরা আমাদের মনের কষ্টের কথা তোমাকে জানাই। তুমি কষ্ট দূর কর আল্লাহপাক। ছোট শিশুটাকে মুক্ত করে দাও।...'

মনোয়ারা বেগম দোয়া করছেন। দিলশাদের চোখ দিয়ে টপ টপ করে পানি পড়ছে। এমন ব্যাকুল হয়ে সে অনেক দিন কাঁদেনি। প্রাণ ভরে কাঁদার কারণেই হয়তো দিলশাদের মন খুব হালকা হয়ে গেল। নিজেকে তার এখন কিশোরী মেয়ের মত লাগছে। বিয়ের আগে সে যেমন মা'কে জড়িয়ে ধরে হৈ-ঠে চেষ্টামেচি করত আজও সে রকম করতে ইচ্ছে হচ্ছে।

দিলশাদ বলল, মা, তুমি আজ রাতে ভাল কিছু রান্না কর তো, আমি তোমার এখানে খাব।

'কি খাবি বল?'

'তুমি যে কুচি কুচি করে ডিম দিয়ে আলু ভাজি কর এটা খাব।'

'শুধু আলু ভাজি? সঙ্গে আর কি খাবি?'

'তোমার দাঁতের যে অবস্থা — এই নিয়ে বাঁধবে কি ভাবে? বরং আমাকে বলে দাও আমি বাঁধি।'

'দাঁতের ব্যাধাটা এখন অনেক কমে গেছে। বুঝতে পারছি না কারণটা কি। তুই এ রকম আরো কিছুক্ষণ হাসিমুখে থাকলে ব্যাধাটা মনে হয় পুরোপুরি চলে যাবে।'

মনোয়ারা হাসলেন। দিলশাদ বলল, তোমার বাগানে বসে চা খাব মা। চা বানিয়ে আন। মনে হচ্ছে বৃষ্টি হবে, তাই না মা?

'আকাশে মেঘ জমেছে। বৃষ্টি হতেও পারে।'

'বৃষ্টি হলে তোমাকে নিয়ে বৃষ্টিতে ভিজব। আমরা যখন ছোট ছিলাম তখন তোমাকে নিয়ে বৃষ্টিতে ভিজতাম। মনে আছে মা?'

'হঁ, মনে আছে।'

'যতবার বৃষ্টিতে ভিজতাম ততবারই বড় আপার ঠাণ্ডা লেগে গলা-টলা ফুলে বিদী অবস্থা হত।'

মনোয়ারা হাসতে হাসতে বললেন, তোর বড় আপার অবস্থা আরো খারাপ হয়েছে। এখন বৃষ্টিতে ভিজতে হয় না। বৃষ্টি হচ্ছে এই শব্দ শুনেই তার ঠাণ্ডা লেগে গলা ফুলে যায়। ব্যাঙের ডাক শুনেও বোধহয় তার এখন ঠাণ্ডা লেগে গলা ফুলে।

দিলশাদ খিল খিল করে হাসছে। মনোয়ারা মুগ্ধ চোখে মেয়ের দিকে তাকিয়ে রইলেন। তিনি অনেক দিন পর তার অতি আদরের এই মেয়েটিকে এমন প্রাণ খুলে হাসতে দেখলেন।

মনোয়ারা তাঁর এই বাগান নিজের হাতে করেছেন। বাগানের যে শুল্কলা থাকে

এখানে তা অনুপস্থিত। মনোয়ারা যেখানে যে গাছ পেয়েছেন লাগিয়েছেন। সম্প্রতি আন্দুরের লতা লাগানো হয়েছে। লতা অনেকদূর উঠেছে। মাচা বেঁধে দিতে হয়েছে। একটা পানগাছ আগেই ছিল। সেই পানগাছ মানকচূর পাতার মত বিশাল পাতা ছেড়েছে। বরই গাছ আছে, নারকেলি বরই। একবার এই বরই খেয়ে খুব ভাল লেগেছিল। কয়েকটা বিচি নিজে হাতে পুঁতে দিলেন। একটি থেকে চারা বের হয়েছে। সেই চারা লক লক করে বাড়ছে। কাজি পেয়ারার কয়েকটা গাছ আছে — এখনো ফল ধরেনি। তাঁর খুব শখ জলপদ্ম লাগানোর। ছোট বাগানে আর জায়গা নেই — তবু তিনি মাঝখানে কিছুটা ফাঁকা জায়গা রেখেছেন। জায়গাটা খুঁড়ে জলাশয়ের মত করে জলপদ্ম লাগাবেন। হাদিউজ্জামান সাহেবের ভয়ে খোঁড়াখুঁড়ি শুরু করতে পারছেন না।

দিলশাদ পানগাছের পাশে দাঁড়িয়েছিল। খুঁটি বেয়ে এই গাছ অনেকদূর উঠে গেছে। মনোয়ারা চা হাতে মেয়ের পাশে এসে দাঁড়ালেন। দিলশাদ বলল, এটাই কি তোমার সেই বিখ্যাত পানগাছ?

'হঁ।'

'রাফুসী পান বলে মনে হচ্ছে। এত বড় পাতা!'

'পাতাগুলি বেশি বড় হচ্ছে। এত বড় হচ্ছে কেন বুঝতে পারছি না।'

'খেয়ে দেখেছ?'

'হঁ। আমি তো এখন এই পানই খাই।'

'খেতে কেমন মা?'

'খেতে ভালই, একটু কষ্টটা কষ্টটা।'

'আমাকে একটু দিও তো তোমার রাফুসী পান, খেয়ে দেখব।'

দিলশাদ ঘাসের উপর পা ছড়িয়ে বসল। মনোয়ারা বসলেন মেয়ের পাশে।

'তোমার টাকা কি পরিমাণ জোগাড় হয়েছে রে দিলু?'

'হয়নি।'

'হয়নি। তাহলে এত নিশ্চিত আছিস কিভাবে?'

'নিশ্চিত তোমাকে কে বলল মা?'

'তোকে দেখে কেমন নিশ্চিত মনে হচ্ছে।'

'আমার কাছে এই মুহুর্তে তিন লাখ টাকার সামান্য বেশি আছে। বড় দুলাভাই তিন দেবেন। তাঁকে খুব ধরব যেন আরো এক বেশি দেন। কত হল? সাত? আপাতত আমি এই নিয়ে রওনা হব।'

'আরো তো লাগবে।'

'হ্যাঁ লাগবে। আমার স্কুল জীবনের বান্ধবী রীতা আছে মেরীল্যান্ডে। ওকে চিঠি লিখেছি। ও আমার থাকার ব্যবস্থা করবে। ও বলেছে আমেরিকায় অনেক বাংলাদেশী আছে। তাদের কাছ থেকে ঠান্ডা তুলবে। আগেও কয়েকবার এরকম তোলা হয়েছে।

বিদেশে যেসব বাড়লি থাকেন, তাঁদের মন যে কোন কারণেই হোক — উদার হয়। ফেলো ফিলিংস থাকে। সমস্যা হবে না মা।'

'ইনশাল্লাহ বল দিলু। সমস্যা হবে না এ জাতীয় কথা কখনো বলবি না। সব সময় বলবি ইনশাল্লাহ সমস্যা হবে না।'

দিলশাদ বলল, ইনশাল্লাহ সমস্যা হবে না।

মনোয়ারা চায়ের কাপ নামিয়ে রেখে এক হাত মেয়ের কাঁধে রেখে বললেন, — তোমার জন্যে আমি কিছু টাকা রেখেছি।

দিলশাদ চমকে উঠে বলল, তুমি?

'আমি তোকে বলেছিলাম না যেভাবেই হোক তোকে এক লাখ টাকা জোগাড় করে দেব।'

'বাবা তো দু'লাখ টাকা দিয়েছেন।'

'তোমার বাবারটা তোমার বাবার। আমারটা আমার।'

'তুমি পেলে কোথায় এত টাকা?'

'তোমার বাবার সবসময় ধারণা সে আমার আগে মারা যাবে — তখন আমি টাকাপয়সার সমস্যায় পড়ে যাব। আমার যাতে সমস্যা না হয় সে জন্যে সে পোস্টাফিসে পঞ্চাশ হাজার টাকা রেখেছিল। এটা বেড়ে বেড়ে এখন এক লাখ হয়েছে।'

'সেই টাকা আমাকে দিয়ে দেবে?'

'হ্যাঁ, শুধু তোমার বাবা না জানলেই হল।'

মনোয়ারা এখনো মেয়ের পিঠ থেকে হাত সরিয়ে নেননি। এখনো হাত দিয়ে রেখেছেন।

'টাকাটা কি এখন নিবি দিলু? আমি উঠিয়ে রেখেছি।'

'দাও, এখনি দাও।'

'এতগুলি টাকা তুমি একা নিয়ে যাবি?'

'কিছু হবে না। ভ্যানিটি ব্যাগে ভরে নিয়ে যাব। আজকাল হাইজ্যাকাররা মেয়েদের ভ্যানেটি ব্যাগ নেয় না। তারা জানে মেয়েরা অনেক সাবধান। ভ্যানিটি ব্যাগ হাইজ্যাক করে কিছু পাওয়া যাবে না। হাইজ্যাকাররা অনেকবার 'ঠক' খেয়েছে।'

পাঁচশ টাকার দু'টা বান্ডিল ভ্যানিটি ব্যাগে ভরতে ভরতে দিলু বলল, মা আমি চললাম।

'সে কি! তুমি না বললি ভাত খাবি।'

'অনেক দেরি হয়ে যাবে মা। তাছাড়া আজ আমার দিনটা খুব লাকি। ভিসা হল, তারপর হঠাৎ করে তোমার কাছ থেকে এতগুলি টাকা পেলাম। লাকি দিনটা এখানে বসে বসে নষ্ট করব না।'

'কি করবি?'

'বড় দুলাভাইকে ধরে আজই টাকার ব্যবস্থা করব। আমার মনে হচ্ছে আজ গেলে উনার টাকাটাও পাওয়া যাবে। আবার ইনশাআহ বলতে ভুলে গেছি। ইনশাআহ।'

'এখন তার কাছে যাবি?'

'হঁ।'

'সে না-কি আলাদা থাকে? ফ্ল্যাট ভাড়া নিয়েছে। কি সব কাণ্ডকারখানা যে হচ্ছে আমি কিছুই বুঝতে পারছি না।'

'তোমার কোন মেয়েরই স্বামীভাগ্য ভাল না মা।'

মনোয়ারা ক্রান্ত গলায় বললেন — আমার মেয়েগুলিরও তো দায়িত্ব আছে। মেয়েরা তাদের দায়িত্ব দেখবে না। শুধু পরের ছেলেদের দোষ দেবে এটা ঠিক না।

'তুমি এক অদ্ভুত মহিলা মা — শুধু নিজেদের দোষ দেখবে, অন্যদের দোষ দেখবে না। আগের যুগের জন্যে তুমি ঠিক আছ — এই যুগের জন্যে তুমি মা ঠিক না।'

'যে ঠিক সে সব যুগের জন্যেই ঠিক।'

'তুমি তর্ক করো না তো মা। আমার সঙ্গে তুমি তর্ক পারবে না। শুধু শুধু তর্ক করতে এসো না।'

'আচ্ছা যা তর্ক করব না।'

'আমার মেয়েকে তুমি দেখতে আস না কেন?'

'আছে একটা কারণ।'

'সেই কারণটা কি শুনি।'

'আমি আর তোর বাবা মিলে একটা খতম পড়ছি। খতম শেষ হলে দু'জন এক সঙ্গে গিয়ে তোর মেয়েকে দেখে আসব আর দোয়া করে আসব।'

'খতম শেষ হবে কবে?'

'লাগবে কয়েকদিন।'

'বাবার ঐ পীর যত্না করছে, তাই না মা? তুমি বুদ্ধিমতী মেয়ে হয়েও ভণ্ড পীরকে সহ্য করে যাচ্ছ। আশ্চর্য।'

'পীর ভণ্ড হতে পারে। কিন্তু আমরা তো পড়ছি আল্লাহ পাকের কালান। সেখানে তো মা কোন ভণ্ডামী আমরা করছি না।'

'যা ইচ্ছা করো। মা আমি যাই।'

'আচ্ছা মা যাও। টাকাটা সাবধান।'

'তুমি নিশ্চিত থাক তো মা। কেউ আমার এই টাকা নিতে পারবে না। টাকাগুলির মধ্যে আমার মেয়ের জীবন। কারো সাহা নেই কোন মাত্র কাছ থেকে মেয়ের জীবন ছিনিয়ে নেয়।'

'তুই কি এখন তোর বড় দুলাভাইয়ের কাছে যাচ্ছিস?'

'হ্যাঁ।'

'ওর নতুন ফ্ল্যাটের ঠিকানা জানিস?'

'হঁ।'

'একে বলিস তো আমার সঙ্গে একটু দেখা করতে।'

'বলব।'

'দু-একদিনের মধ্যেই যেন দেখা করে।'

'বলব। মা যাই?'

'আচ্ছা মা যাও। খোদা হাফেজ মা।'

ধানমন্ডির এই ফ্ল্যাট বাড়িটি খুব আধুনিক। মাত্র চারতলা উঁচু ফ্ল্যাট। কিন্তু লিফট আছে দুটি। এটির লবী পুরোটাই শ্বেত পাথরের। ধুলো মাখা জুতা পায়ে পাথরের লবীতে উঠতেও সংকোচ লাগে। মেয়ে রিসিপসনিষ্ট কোন ফ্ল্যাট বাড়িতে এখনো দেখা যায় না। এই বাড়িতে আছে। চশমা পরা ধারালো চেহারার মেয়ে। দিলশাদকে দেখে সে শূন্য ইংরেজিতে বলল, ম্যাডাম, আপনি কোথায় যাবেন?

দিলশাদ ওয়াদুদুদুর রহমানের নাম বলল। ফ্ল্যাট নাম্বার খ্রি-সি।

'আপনার কি আগে এপার্টমেন্ট আছে?'

'ছি না।'

'স্যার ফ্ল্যাটই আছেন। আমি একটু কথা বলে দেখি। আপনার কি নাম বলব?'

'বলুন দিলশাদ।'

রিসিপসনিষ্ট মেয়েটি ইন্টারকমে নিচু গলায় কিছুক্ষণ কথা বলেই রিসিভার দিলশাদের দিকে এগিয়ে দিল —

'স্যার লাইনে আছেন। কথা বলুন।'

দিলশাদ রিসিভার হাতে নিল।

'হ্যালো দিলশাদ।'

'ছি দুলাভাই।'

'তুমি এসেছ খুব ভাল হয়েছে। মনে মনে তোমাকে এঞ্জেলপেঙ্গ করছিলাম।'

'তাই বুঝি?'

'অফকোর্স তাই। চলে এসো। লিফটে করে চারতলায়। ফ্ল্যাট বাড়ি কেমন দেখছে?'

'ফ্ল্যাটবাড়ি দেখলাম কোথায়? শুধু তো লবী দেখছি।'

'লবী কেমন সেটাই বল।'

'অসাধারণ! একেবারে ইস্তপুরী।'

দিলশাদ তার দুলাভাইয়ের তৃপ্তির হাসি শুনল। হাসিটা একটু অস্বাভাবিক শুনালো — যদিও অস্বাভাবিক শুনানোর কোন কারণ নেই।

ওয়াদুদুর রহমানের পরনে লুঙ্গি — খালি গা। দিলশাদ কলিৎবেলে হাত রাখার আগেই দরজা খুলে ওয়াদুদুর রহমান বলল, সুস্বাগতম।

দিলশাদ বলল, জুতা বাইরে রেখে ঢুকব, না জুতা পায়ে ঢুকব? যে অপূর্ব ফ্ল্যাট, জুতা পায়ে ঢুকতে সাহস হচ্ছে না।

ওয়াদুদুর রহমান খুশি খুশি গলায় বলল, ঢং করবে না দিলু। এসো এসো, ঘরে পা দাও। সে দিলুর হাত ধরে ভেতরে টেনে নিল। দিলু একটু সংকোচিত বোধ করছে। দিলু ঢুকতে যাচ্ছে, তাকে হাত ধরে টানটানির প্রয়োজন ছিল না।

'ইন্টেরিয়ার ডেকোরেশন কেমন দেখছে?'

'খুব সুন্দর। শুধু এই সুন্দরের ভেতর লুঙ্গি পরা খালি গায়ে আপনাকে মানাচ্ছে না। বাংলা ছবির বিস্তারন বাবাদের মত আপনার গায়ে ধাকা উচিত ছিল গ্রেব-টোব জাতীয় কিছু। ফ্ল্যাটে আপনি একা?'

'অবশ্যই আমি একা। একা থাকার জন্যে ফ্ল্যাট কিনেছি। পর্বত পাশে নিয়ে ঘুমানোর জন্যে ফ্ল্যাট কিনিনি।'

'আপা এই ফ্ল্যাট দেখেনি?'

'কোথেকে দেখবে? ইচ্ছে করলেও তো ঢুকতে পারবে না। গেটেই অটিকে দেবে। তাছাড়া তার যে সাইজ হয়েছে, লিফটের দরজা দিয়েও সে ঢুকবে না। ধাক্কাধাক্কি করে ঢোকাতে হবে। কার ঠেকা পড়েছে তাকে ধাক্কাধাক্কি করার? ফরগেট ইওর বড় আপা, তুমি আমার সঙ্গে এসো — ফ্ল্যাটটা আগে ভালমত দেখাই — গাইডেড ট্যুর। আসলেই দর্শনীয়। প্রথম কি দেখবে? কিচেন?'

'যা দেখাবেন তাই দেখব।'

দিলু কিচেন দেখে মুগ্ধ গলায় বলল, কিচেনেও কি এয়ারকুলার লাগিয়েছেন না— কি?'

'ওটা এয়ার কুলার না দিলু। ব্যানার ধোয়া শূষে নেবার ব্যবস্থা।'

'টোবিলটা কি শ্বেত পাথরের দুলাভাই?'

'হ্যাঁ শ্বেত পাথরের। রাম্মাঘরে বসে বেন দু'জন খেতে পারে সেই ব্যবস্থা। কিচেনে টোবিল থাকলে ফরম্যাল ডাইনিং রুমে যাবার দরকার হয় না।'

'আপাকে তো আনছেন না — দু'জন পাচ্ছেন কোথায়?'

'এই তো তোমাকে পেলাম। আজ এই শ্বেত পাথরের টোবিল উন্মোচন করব। দু'জন এখানে ভিনার করব। কি খেতে চাও বল — ইন্টারকমে খবর নিয়ে দেব। ওয়া চাইনীজ রেস্টুরেন্ট থেকে খাবার নিয়ে আসবে। এখন এসো তোমাকে মাস্টার টয়লেট দেখাব। দর্শনীয়। গোল একটা বাথটাব ফিট করা হয়েছে। বাথটাবটার ডিজাইন এমন যে দু'জন গোসল করতে পারে। বিদেশীদের আইডিয়া কত সুন্দর দেখ। এরা জানে

জীবনকে কিভাবে উপভোগ করতে হয়। আমরা শুধু টাকা রোজগার করতেই জানি, খরচ করতে জানি না।

'আপনি তো মনে হয় খরচ করতেও জানেন।'

'আমি এখনো জানি না। তবে আমি শিখছি। বাঁচব আর কতদিন, মরে গেলেই তো সব শেষ। ঠিক না? বাথরুমটা পছন্দ হয়েছে?'

'খুব সুন্দর।'

'এসো বারান্দা দেখাই। তোমার মনে হতে পারে আর্কিটেক্ট জায়গা নষ্ট করেছে — আসলে তা না। বারান্দাটাই বাড়ির বিউটি। দু'জনে বসার জন্যে লো-হাইট সোফা রাখা হয়েছে বারান্দায়। বারান্দায় বসে বসে চাঁদের আলো দেখবে — হাতে থাকবে মিষ্টি শেরীর গ্লাস, ক্যাসেটে বাজবে সিম্ফোনি — দ্যাটস লাইফ। ঠিক না?'

'বুঝতে পারছি না। হয়ত ঠিক।'

'এসো বারান্দায় বসি, না চল শোবার ঘরে চল — এই একটি ঘরেই এসি আছে। একবার ভেবেছিলাম শোবার ঘরে ওয়াল টু ওয়াল কাপেট দেব। তারপর মনে হল গরমের দেশে কাপেট ভাল লাগবে না। ঝকঝকে হোয়াইট সিমেন্টই ভাল। এখন কি দেব বল? চা, না ঠাণ্ডা কিছু?'

'দুলাভাই আজ সারাদিন আমি বাইরে, জরুরী কিছু কথা বলে চলে যাব।'

'বল তোমার জরুরী কথা।'

'আজ ভিসা পেয়েছি।'

'একসেলেন্ট। আসল হার্ভেল হচ্ছে ভিসা।'

'ঠিক করেছি পরশু টিকিট কাটব।'

'পরশু কেন? হোয়াই নট টুমরো? আমার এক বন্ধুর ট্রাভেল এজেন্সি আছে। এরা কোন রকম কমিশন না কেটে টিকিট দেবে। হাজার দশেক টাকা সেভ করতে পারবে।'

'খ্যাংক যু দুলাভাই। তারচে আমার যেটা বেশি দরকার তা হচ্ছে...'

'আমি তোমাকে যে টাকা প্রমিস করেছিলাম সেটা তো?'

'ছি।'

'আজ তোমার ভাগ্য সুপ্রসন্ন। কয়েক একাউন্টের চেক বই এখনেই আছে। আমি এন্ট্রি চেক লিখে দিচ্ছি। যেহেতু কয়েক একাউন্টের চেক তুমি কালই ভাঙাতে পারবে।'

'দুলাভাই, আপনাকে কি বলে যে ধন্যবাদ দেব — বুঝতে পারছি না।'

'মেয়ে সুস্থ হয়ে আসুক — তারপর ধন্যবাদ দেবে। এখন বল যা দেব বলেছিলাম তাতে হবে, না আরো কিছু লাগবে? ফিল ফ্রী।'

'যদি আপনার পক্ষে সম্ভব হয় — তাহলে আরো এক বাড়িয়ে দিন।'

'তোমার জন্যে সবই সম্ভব। যাও এটাকে চার করে দিচ্ছি। এখন বল রাতে

চায়নীজ খাবে, না বাংলাদেশী ফুড — ডাল ভাত। গুলশানে একটা রেস্টুরেন্ট খুলেছে একসেলেট বাংলাদেশী ফুড করে। বিদেশীরা লাইন দিয়ে খায়।

'দুলাভাই, আজ আমি চলে যাব। আরেকদিন এসে আপনার সঙ্গে ডিনার করব।'

'পাগল হয়েছে। তোমাকে যেতে দেব না। তোমাকে দিয়ে রান্নাঘরের শ্বেত পাথরের টেবিল উদ্বোধন করা এবং গোল বাথটাব উদ্বোধন করা। হা হা হা।'

দিলশাদ অবিশ্বাসী দৃষ্টিতে তাকিয়ে আছে। মানুষটা কি বলার চেষ্টা করছে?

ওয়াদুদুর রহমান বেড সাইড টেবিলের ড্রয়ার থেকে সিগারেটের প্যাকেট বের করল। ঠোটে সিগারেট গুঁজতে গুঁজতে বলল, দিলু — আমি হচ্ছি খুব ফ্রাস্টেটেড একজন মানুষ। পুরোপুরি হতাশাগ্রস্ত। এক অর্ধে তুমিও হতাশাগ্রস্ত। দু'জন হতাশাগ্রস্ত মানুষ যদি কিছু সময় আনন্দে কাটায় তাতে জগতের কোন ক্ষতি হয় না।

'দুলাভাই, আপনি কি বলতে চাচ্ছেন আমি বুঝতে পারছি না।'

'বুঝতে না পারার তো কেন কথা না দিলু। তুমি তো বোকা মেয়ে নও। তোমার জায়গায় তোমার আপা হলে ভিন্ন কথা ছিল। সে কিছুই বুঝত না। বিয়ের পর পর কি ঘটনা ঘটল শোন — রাত একটার দিকে তোমার আপাকে ডেকে তুলে বললাম, তুমি পেয়েছে। পানি খাব। সে ভাবল পানির তুম্বাই বুড়ি পেয়েছে। সে বিস্মিত হয়ে বলল, টেবিলেই তো পানির জগ আছে। গ্লাস আছে। খেয়ে নিলেই পারতে। আমাকে শুধু শুধু ডাকলে কেন? আমি তখন বললাম . . .

দিলশাদ বলল, আমাকে এসব কেন শুনাজেন?

ওয়াদুদুর রহমান ডান হাত বাড়িয়ে দিলশাদের গালে রাখল। আদর করার ভঙ্গিতে হাত রাখা। দিলশাদ নিছের মুখ সরিয়ে নিল না, সে ছিন্ন চোখে তাকিয়ে রইল। ওয়াদুদুর রহমানের ডান হাতের আঙ্গুলের ফাঁকে জ্বলন্ত সিগারেট। সিগারেটের ধোঁয়ায় দিলশাদের মাথা ঘুরতে শুরু করেছে।

ওয়াদুদুর রহমান অন্য হাত দিলশাদের কোলে রেখেছে। অনেক দিন আগে সিনেমা হল—এ এই ব্যাপার হয়েছিল।

'দুলাভাই, আপনি ঠিক করে বলুন তো — আপনি আমার কাছে কি চাচ্ছেন?'

'আমি নিজ থেকে কিছু চাইব না। তুমি যা দেবে তাই হাসি মুখে নেব। হা হা হা।'

ওয়াদুদুর রহমান দিলশাদের দিকে আরেকটু ঝুঁকে এল। দিলশাদ বলল, দুলাভাই, আমার গায়ের উপর উঠে পড়ার আগে একটা কথা শুনুন। প্লাঁজ স্টপ দেয়ার। আমার গাল থেকে আপনার হাত সরান। হ্যাঁ, এখন তাকান আমার দিকে। আমাকে বেশ কিছু টাকা আপনি দিচ্ছেন। তার পূর্বশর্ত কি এই যে আমাকে আপনার সঙ্গে বাথটাবে বসে গোসল করতে হবে? আপনার সঙ্গে আমাকে বিছনায় যেতে হবে?

'তুমি পুরো ব্যাপারটা অন্যভাবে দেখছ দিলু। অন্যভাবে দেখার দরকার নেই — আমরা দু'জনই র্যাশানালা হিউমেন বিং . . .'

'দুলাভাই, আপনার টাকার আমার দরকার নেই।'

'দরকার না থাকলে খুব ভাল কথা। দরকার নেই বলেই তুমি আমার সঙ্গে খারাপ ব্যবহার করবে কেন?'

'আমি তো আপনার সঙ্গে খারাপ ব্যবহার করছি না। আপনি করছেন। কতটুকু খারাপ ব্যবহার যে করেছেন তাও আপনি জানেন না।'

দিলশাদ উঠে দাঁড়াল। ওয়াদুদুর রহমান ভ্রাতৃত্বিক গলায় বলল, চলে যাচ্ছ?

দিলশাদ জবাব না দিয়ে দরজা খুলে বের হয়ে এল। সে সিঁড়ি বেয়ে নামছে। একহাতে রেলিং ধরে নামছে, তারপরেও মনে হচ্ছে সে মাথা ঘুরে পড়ে যাবে।

৭

মা'র কিছু একটা হয়েছে। ভয়ংকর কিছু। রাত আটটায় মা বাসায় ফিরলেন — আমি তাঁকে দেখেই চমকে উঠলাম। মা বললেন, তোর বাবা কোথায়? চলে গেছে? আমি বললাম, হুঁ। মা ক্লান্ত ভঙ্গিতে আমার খাটের পাশে বসলেন। বসেই রইলেন। যেন রক্ত-মাংসের মানুষ হঠাৎ মূর্তি হয়ে গেছে।

অন্যদিন বাসায় ফিরে প্রথমেই জিজ্ঞেস করেন — মাথাব্যথা হয়েছিল? তারপর কিছুক্ষণ মাথায় হাত রাখেন। মনে হয় মনে মনে কোন দোয়া পড়েন। মা কিছুদিন হল দোয়া পড়া শুরু করেছেন। দরুদে শেফা। অনেক রাত জেগে পড়েন তারপর চুপিচুপি এসে কপালে ফু দিয়ে যান। আমি জেগে থেকেও ঘুমিয়ে থাকার ভান করি।

মা'র মন আজ খুব ভাল থাকার কথা। আজ আমাদের ভিসা হয়েছে। কোন রকম সমস্যা ছাড়াই হয়েছে। ভিসা হবার পর মা আমাকে আর বাবাকে বাসায় না নিয়ে রেখে চলে গেলেন। মা'র সময় হঠাৎ কি মনে করে বাবাকে বললেন, তুমি রাতে ভাত না খেয়ে চলে যাও কেন? আজ ভাত খেয়ে যাবে।

মা'র কথা শুনে বাবা যেমন আশ্চর্য হলেন, আমিও হলাম। অনেক দিন পর এই প্রথম মা বোধহয় স্বাভাবিক ভঙ্গিতে বাবার সঙ্গে কথা বললেন। আমার ধারণা, বাবাকে তিনি রাতে থেকে যেতে বলতেন। চক্ষুলাঙ্কার জন্যে বলতে পারলেন না। সেই মা'র কি হল? এমন মন খারাপ করে ফিরলেন কেন?

আমি মা'র দিকে তাকিয়ে কারণটা ধরতে চেষ্টা করলাম। একটা কারণ হতে পারে — মা সব ঠিকঠাক করার পর হঠাৎ ধরতে পেরেছেন — সবই অর্থহীন।

মা ডাকলেন, ফুলির মা!

ফুলির মা দরজা ধরে দাঁড়াল। তার এখন ধমক ঝাওয়ার কথা। দরজা ধরে দাঁড়ালেই মা ধমক দেন। কিন্তু আজ সে ধমক খেল না। মনে হচ্ছে সে যে দরজা ধরে দাঁড়িয়ে আছে — মা যেন এটা দেখতে পাচ্ছেন না। ফুলির মা বলল, আন্মা কি?

মা এই প্রশ্নে কেমন যেন বিব্রত হলেন। মনে হচ্ছে কেন ফুলির মা'কে ডেকেছেন তা তিনি ভুলে গেছেন।

'চা দিমু আন্মা?'

'না!'

'শীতল পানি দিমু?'

'আচ্ছা তুমি যাও!'

ফুলির মা চলে গেল। একবার ভবলাম মা'কে জিজ্ঞেস করি — তোমার কি হয়েছে মা? তারপর মনে হল — কেউ যখন খুব কষ্টে থাকে তখন প্রশ্ন করে কষ্টের ব্যাপারটা জানতে নেই। সময়ের সঙ্গে সঙ্গে কষ্টের উপর প্রলেপ পড়ে। তখন জিজ্ঞেস করা যায়।

প্রলেপ বাড়ার আগেই কষ্টের ব্যাপার জানতে চাইলে কষ্টটা অসহনীয় হয়ে উঠে।

এই খিঙরী আমার বাবার কাছ থেকে শোনা। বাবা খিঙরী দেবার মধ্যে খুব ওস্তাদ। মা'র ধারণা অকর্মণ্য, অপদার্থ লোক খিঙরী দেয়াতে ওস্তাদ হয়। এরা কাজ জানে না। খিঙরী জানে। মা'র কথা সত্যি হলেও হতে পারে। আমি দেখেছি মা'র কথা সাধারণত সত্যি হয়। বাবার সাইনবোর্ড উল্টানোর গল্পটা শুনে মা বললেন — এটা মিথ্যা গল্প। বানিয়ে বানিয়ে বলছে। মা'র কথা শুনে আমার খুব রাগ হয়েছিল। গতকাল বাবাকে জিজ্ঞেস করলাম।

'ঠিক করে বল তো বাবা গল্পটা কি সত্যি? মা বলছে মিথ্যা গল্প।'

'এই গল্পের সত্যি-মিথ্যা তোর মা বলবে কিভাবে? সে তো সাইনবোর্ড বদলানোয় ছিল না।'

'তুমি তাহলে সাইনবোর্ড বদলেছ?'

'প্রায় আর কি?'

'প্রায় মানে কি?'

'এই জাতীয় একটা পরিকল্পনা নেয়া হয়েছিল . . . হাতুড়ি, পেরেক সবই জোঁগাড় করা হল . . .'

'শেষ পর্যন্ত আর বদলাওনি, তাই না?'

'হুঁ!'

বাবার কথায় আমরা মনটা বেশ খারাপ হল। মজার একটা ঘটনা বাবা ঘটিয়েছিলেন এটা ভেবে যে কতবার এক একা খিলখিল করে হেসেছি — আর কখনো হাসতে পারবে না। মনে মনে ভাবা এক কথা, আর সত্যিকার কাজটা করে ফেলা অন্য কথা। আমি তো কত কিছুই ভাবি — কিন্তু কিছুই করি না। মানুষের করার ক্ষমতার চেয়ে ভাবার ক্ষমতা লক্ষ্যগুণ বেশি।

মা আমার পাশে বসে আছেন। তিনি এখন নিশ্চয়ই আকাশ-পাতাল কত কি ভাবছেন। কি ভাবছেন তা জানতে ইচ্ছা করছে। মানুষ কি ভাবে তা জানার ব্যবস্থা থাকলে খুব ভাল হত। ভাবনাটা যদি চোখের মণিতে ভেসে উঠত। সেটাও বোধহয় সম্ভব না। মানুষ এক সঙ্গে দুটা-তিনটা ভাবনা ভাবতে পারে। চোখের মণিতে তো আর এক সঙ্গে দুটা-তিনটা ছবি ভাসতে পারে না।

মা একটু নড়েচড়ে বসলেন তারপর বললেন, নাতাশা, তোর বাবা এত সকাল সকাল চলে গেল কেন?

আমি জবাব দিলাম না। এই প্রশ্ন মা আমাকে করেনি। নিজেকেই করেছেন। মানুষ নিজেকে সরাসরি প্রশ্ন করতে ভয় পায়। এই জন্যে বেশির ভাগ সময়ই নিজেকে করা প্রশ্ন অন্যাকে করে। তবে অন্যের কাছে থেকে সে জবাব শুনতে চায় না। কেউ

জবাব দিলে তার দিকে বিরক্তি নিয়ে তাকায়।

আমার ধারণা, মা কোন বড় সমস্যায় পড়ে গেছেন। এই সমস্যায় বাবা কোন না কোনভাবে জড়িত বলে বাববার তাঁর বাবার কথা মনে পড়ছে।

মা উঠে দাঁড়ালেন এবং আজ সারাদিন আমি কেমন ছিলাম, আমার ব্যথা উঠেছিল কি-না তা না জিজ্ঞেস করেই নিজের ঘরে ঢুকে দরজা বন্ধ করে দিলেন। তাঁর ঘরের দরজা বন্ধ করার ঘটনাটাও অনেকদিন পর প্রথম ঘটল। আমার অসুখের পর থেকে তিনি দরজা বন্ধ করেন না।

আজ আমার শরীর ভয়ঙ্কর রকম খারাপ করেছিল। সেই ভয়ঙ্কর যে কি রকম ভয়ঙ্কর তা আমি বাবা এবং ফুলির মার দিকে তাকিয়ে বুঝতে পারি। এরকম ভয়ঙ্কর খারাপ অবস্থা আমার বেশি হয় না। খুব কমই হয়। মা এটা এখনো দেখেননি। কারণ যে ক'বার এই অবস্থা হল — সে ক'বারই মা অফিসে। ব্যাপারটা জানল শুধু ফুলির মা। আমি তাকে বললাম, ফুলির মা, তুমি মা'কে এটা কখনো বলবে না। খবরদার। যদি তুমি মা'কে বলে দাও তাহলে আমি কোনদিন তোমার সঙ্গে কথা বলব না।

মা'কে ব্যাপারটা জানাতে চাইনি — কারণ মা'কে জানিয়ে কি হবে? শুধু শুধু তাঁর কষ্ট লক্ষ্যণ বাড়িয়ে দেয়া হবে। তিনি অফিস-টফিস সব ছেড়ে দিন-রাত আমার বিছানার পাশে বসে থাকবেন। এতে যদি আমার লাভ হত আমি নিজেই মা'কে বলতাম। লাভ তো কিছু হত না। বরং এই যে মা অফিসে যাচ্ছে এতেই আমার লাভ হচ্ছে। আমি আশায় আশায় সময়টা কাটাচ্ছি — মা কখন ফিরবে? ফিরলে কি কি গল্প করব?

মানুষ তার জীবনের আনন্দের গল্পগুলি অন্যকে জানাতে চায়। দুঃখ এবং কষ্টের কথা কাউকে জানাতে চায় না। আমিও আমার কষ্টের ব্যাপার কাউকে জানাতে চাই না। কাউকেও না। আমি আমার কষ্টের ব্যাপারগুলি নিজের মধ্যেই লুকিয়ে রাখতে চাই। মা নিজেও তো আমাকে লুকিয়ে রাখতে চাইছে। যখন ক্লাস ফাইভে বৃত্তি পরীক্ষায় ফাস্ট হয়ে গেলাম তখন মা যে কি কাণ্ড করল। এক গাদা মিষ্টি কিনে নিয়ে এসে আমাকে বলল, চল রে নতশা, ফ্ল্যাট বাড়িগুলিতে মিষ্টি দিয়ে আসি।

কারো বাসায় যেতে আমার খুব খারাপ লাগে। তারপরেও মার উৎসাহ দেখে বললাম, চল যাই। মা সবক'টা ফ্ল্যাটে গেলেন। কি আনন্দ নিয়েই না মেয়ের রেজাল্টের কথা বললেন। আমার রেজাল্টের কথা শুনে অন্যরা কে কি করছে তা আমি দেখলাম না — আমি শুধু মুগ্ধ চোখে মা'কেই দেখছিলাম। মা আমাকে যখন ফোর-বি ফ্ল্যাটে নিয়ে গেলেন তখন মজার একটা ব্যাপার হল। ফোর-বি ফ্ল্যাটের ভদ্রমহিলা (তাঁর অনেক বয়স। প্রায় আমার নানীজানের কাছাকাছি) দরজা খুলে হাসিমুখে বললেন — আরে নাতশা, তুমি? আমি অবাক ছিলাম ভদ্রমহিলা আমার নাম জানেন দেখে। আমি তাঁকে কোনদিন দেখিওনি মা তাঁকে আমার রেজাল্টের কথা বললেন। আর সঙ্গে সঙ্গে

ভদ্রমহিলা এমন হৈ-চৈ শুরু করলেন। প্রথমেই চিৎকার করে উঠলেন — ও আল্লা, ও আল্লা, এ কি কাণ্ড! এ কি কাণ্ড! তারপর ছুটে গেলেন টেলিফোন সেটের কাছে। তিনি টেলিফোনে উত্তেজিত ভঙ্গিতে কথা বলছেন। আমি আর মা শুনছি।

হ্যালো শোন শোন — তুমি যে প্রায়ই বলতে আমাদের ফ্ল্যাট বাড়িতে একটা পাগলা মেয়ে আছে — বারান্দায় দাঁড়িয়ে একা একা কথা বলে আর হাত নেড়ে নেড়ে বক্তৃতা দেয় — সেই মেয়ে আর তার মা এসেছে। এই তো দাঁড়িয়ে আছে আমার সামনে। এই শোন মেয়েটা ক্লাস ফাইভের বৃত্তি পরীক্ষায় ফাস্ট হয়েছে।

আমার আনন্দের খবরটা মা ঘরে ঘরে গিয়ে দিয়ে এলেন — কিন্তু অসুখের ব্যাপারটা কাউকে বললেন না। অনেকে নিজ থেকে খবর পেয়ে দেখতে এল, মা তাদের কাউকেই আঘাত কাছের আসতে দিলেন না। শুকনো গলায় বললেন, কিছু মনে করবেন না, ওর কাছে যাওয়া ডাক্তারের নিষেধ আছে। কেউ ওকে দেখতে গেলে ও মনে কষ্ট পায় সেটা ওর ক্ষতি করে। মার কঠিন নিষেধের জন্যে কেউ আর কাছে আসতে পারল না — শুধু ঐ মহিলা আসতেন। মা যখন অফিসে তখন আসতেন। মা সেটা জেনে ফেলে একদিন খুব রাগারাগি করলেন। তারপরেও উনি আসতেন। আমার একটা হাত কোলে নিয়ে চুপচাপ কিছুক্ষণ বসে থেকে চলে যেতেন। কোন গল্প না, কিছু না। গল্প আমি করতাম, উনি শুধু শুনতেন। উনি আমাকে খুব দামী একটা কলম আর একটা খাতা দিয়েছেন। এত সুন্দর খাতা আমি জন্মে দেখিনি। মলাটটা হালকা বেগুনী ভেলভেটের। খাতাটা হাতে নিলেই গালে ছোঁয়াতে ইচ্ছা করে। এখন পর্যন্ত ঐ খাতায় আমি কিছু লিখিনি। আমি ঠিক করে রেখেছি আমেরিকা যাবার আগে সবার জন্যে ঐ খাতায় একটা করে চিঠি লিখে যাব। ফুলির মার জন্যেও লিখব।

আমার মৃত্যুর খবর এলে ফুলির মা কতটা কষ্টপাবে তা আমার খুব জানতে ইচ্ছা করে। মনে হয় খুব একটা পাবে না। বাবার এই ব্যাপারে একটা খিওরী আছে — আনন্দ পাবার ক্ষমতা মার যত বেশি, কষ্ট পাবার ক্ষমতাও তার ততবেশি।

ফুলির মার আনন্দ পাবার ক্ষমতা একেবারেই নেই। তাকে গত ঈদের আগের ঈদে মা খুব ভাল একটা শাড়ি কিনে দিল। অনেকদিন পর দেশে যাচ্ছে ভাল একটা শাড়ি পরে যাক। শুধু শাড়ি না — শাড়ির সঙ্গে স্যাম্পেল, গায়ে দেয়ার একটা চাদর। তার সাতশ' টা-টা পাওনা হয়েছিল। মা তাকে এক হাজার টাকা দিয়ে বলল, তোমার কাজ কর্ম, চাল চালন, বিড়ি সিগারেট খাওয়া সবই অসহ্য তারপরেও তুমি ছিলে বলে আমি নিশ্চিত ছিলাম। তুমি চলে যাবার পর বাসাটা খালি খালি লাগবে। তুমি তাড়াতাড়ি চলে এসো।

কথা বলতে গিয়ে মার গলা ধরে গেল, কিন্তু ফুলির মা নির্বিকার ভঙ্গিতে কর্কশ গলায় বলল — আমার নিজেরও ঘর সংসার আছে। কইলেই আওন যায় না।

তাকে যে এত কিছু দেয়া হল সেটা নিয়ে তার কোন মাথা ব্যথা নেই। যাবার সময়

আমাকে বলে পর্যন্ত গেল না। নতুন শাড়ি, স্যান্ডেল পরে, গট গট করে রিকশায় গিয়ে উঠল। ফুলির মা চলে যাবার পর আমার তার জন্যে এত খারাপ লাগল যে আমি দরজা বন্ধ করে কিছুক্ষণ কাঁদলাম।

এই যে ভালবাসা আমি ফুলির মার প্রতি দেখালাম সে কি সেই ভালবাসা ফেরত দেবে না? বাংলা আপনার কথা অনুযায়ী দেয়া উচিত। মনে হয় সে আমার জন্যে কাঁদবে। তবে খুব অল্প সময়ের জন্যে কাঁদবে। আমার মনে আছে তার নিজের মেয়ে ফুলির মৃত্যুর খবর পেয়েও সে খুব অল্প সময়ের জন্যে কাঁদল। ফুলিরে, ও ফুলি, ও ধন, ও আমার মানিকেরে বলে হাডমাউট করে কিছুক্ষণ কেঁদে বালতি ভর্তি কাপড় নিয়ে বাথরুমে কাপড় ধুতে গেল। বাবা বললেন, ফুলির মা থাক আজ কাপড় ধোয়ার দরকার নেই।

ফুলির মা রাগী গলায় বলল, কাম ফালাইয়া খুইয়া কোন লাভ আছে? কাপড় ধুইব কে? আফনে খুইবেন?

বাথরুমে কাপড় ধুতে ধুতে সে আরেকবার — ফুলিরে, ও ধন রে, ও আমার মানিকেরে বলে চেঁচিয়ে উঠেই পুরোপুরি স্বাভাবিক হয়ে গেল। আর কোনদিন তাকে ফুলির জন্যে কাঁদতে শুনি নি।

আমার জন্যেও সে হরত দু'বার কাঁদবে। একবার মৃত্যুর খবর শুনে কাঁদবে। আরেকবার কোন একটা কাজ করতে করতে কাঁদবে। তবে বেশিও কাঁদতে পারে। নিজের মেয়েকে সে তো কখনো কাছে পায়নি। আমাকে কাছে পেয়েছে। নিজের মেয়ের প্রতি তার যে ভালবাসা ছিল তার সবটাই নিয়ে নিয়েছি আমি। আমার যখন সেই ভয়ঙ্কর মাথাব্যথাটা হয় — ঘরে যখন সে আর আমি ছাড়া কেউ থাকে না তখন অসহ্য ব্যথা নিয়েও অবাক হয়ে ফুলির মার কাণ্ডকারখানা আমি দেখি। আমার বড় মাম্মা লাগে।

প্রথম কিছুক্ষণ সে দরজা ধরে দাঁড়িয়ে থাকে। তার চেহারা হঠাৎ ক্যাকাসে হয়ে যায়। দ্রুত তার হেঁট নড়তে থাকে। মনে হয় সে তখন কোন দোয়া পড়তে থাকে। আমি বিছানায় শুয়ে ছটফট করতে থাকি সে দরজা ধরে ছটফট করতে থাকে। এক সময় ছুটে গিয়ে লাল কাপড়ে মোড়া কোরান শরীফ এনে আমার মাথায় চেপে ধরে, এবং কাঁদতে কাঁদতে বলতে থাকে — ও আল্লা, পাক কালামের দোহাই লাগে। ও আল্লা, পাক কালামের দোহাই লাগে।

আমার ব্যথা এক সময় কমতে থাকে। ফুলির মার ধারণা কোরান শরীফ মাথায় ছুঁইয়ে পাক কালামের দোহাই দেয়াতে ব্যথা কমেছে।

আজ পাক কালামের দোহাই—এও কাজ হয়নি। দুপুরে খাবার পর শুয়ে আছি। বাবা বললেন, টিয়া আমাকে একটু জয়গা দে তো মা, তোর পাশে শুয়ে থাকি। আজ কেন জানি মারাত্মক ঘুম পাচ্ছে।

আমি বললাম, আমার বিছানায় কষ্ট করবে কেন। মার বড় বিছানায় আরাম করে হাত পা ছড়িয়ে ঘুমাও।

বাবা বললেন, দরকার নেই। আমি ঘুমুছি, এর মধ্যে তোর মা যদি চলে আসে তাহলে ভয়ঙ্কর ব্যাপার শুরু হবে।

আমি বললাম, তোমাদের এই সব কামেলা কবে মিটেবে বলতো?

বাবা রহস্যময় ভঙ্গিতে বললেন, খুব শিগগীর মিটবে। আমি এমন এক পরিকল্পনা করেছি না মিটে উপায় নেই।

'পরিকল্পনাটা কি?'

'তোকে বলা যাবে না।'

'আমাকে বল — আমি তোমাকে সাহায্য করব।'

'সাহায্য করবি?'

'হু।'

'তোর মার সঙ্গে তোর মা খাতির পরে একদিন তুই তোর মাকে ফাঁস করে দিবি — আমি পড়ব মতা যন্ত্রণায়।'

'কোনদিন ফাঁস করব না বাবা।'

'তাহলে শোন —'

এই বলে যেই বাবা আমার পাশে বসলেন। ওম্মি আমার পৃথিবী অন্ধকার হয়ে গেল। তীব্র ভয়াবহ যন্ত্রণায় মাথা টুকরো টুকরো হবার জোগাড় হল। মনে হচ্ছে সৃষ্টি দুঃভাগ হয়ে আমার দুঃচোখে ঢুকে পরেছে। আমি গোঁ গোঁ শব্দ করতে লাগলাম, আমার মুখ দিয়ে ফেনা বেরতে শুরু করল। ফুলির মা কোরান শরীফ হাতে ছুটে এসে বলতে লাগল — আল্লাহ পাকের পাক কালামের দোহাই। আল্লাহ পাকের পাক কালামের দোহাই। আল্লাহপাকের পাক কালামের দোহাই।

বাবা আমার পাশে বসেছিলেন। তিনি হতভম্ব হয়ে উঠে দাঁড়ালেন হাত দিয়ে আমাকে ছুঁলেন না। তিনি ধর ধর করে কাঁপছেন। আমি গোংগাতে গোংগাতে বললাম, বাবা তুমি চলে যাও। বাবা তুমি চলে যাও।

বাবা ছুটে দরজা খুলে বের হয়ে গেলেন। আরো অনেক অনেক পরে ব্যথা কমল। আমি তাকলাম ফুলির মার দিকে — ফুলির মার সারা শরীর ঘামে ভিজে চপচপ করছে। মনে হচ্ছে এই এক্ষুণী সে বুঝি গোসল সেরে ফিরল।

আমি হাসি মুখে বললাম, বুয়া ঠাণ্ডা পানি খাব।

ফুলির মা পানি আনতে যাচ্ছে। সে ঠিকমত পা ফেলতে পারছে না। এলোমেলোভাবে পা ফেলছে। আজ বেচারীর উপর দিয়ে খুব বড় বড় গেছে।

বাবার উপর দিয়েও বড় গেছে। বেচারি বাবা — কি ভয়ঙ্কর কষ্টই না পেয়েছে। ভয়ঙ্কর কষ্ট না পেলে এই অবস্থায় মেয়েকে ফেলে কেউ পালিয়ে যার?

বাবা সে রাতে আর ফিরলেন না। পরদিন নটার দিকে এলেন। গতদিনের অনুভব নিয়ে আমি এবং বাবা দু'জনেই কেউ কোন কথা বললাম না। দু'জনই এমন ভাব করলাম যেন গত দিন কি ঘটেছিল আমরা ভুলে গেছি।

বাবার পরিকল্পনা শুনলাম। খুব হাস্যকর পরিকল্পনা তবে আমার মনে হচ্ছে কাজ করবে। পরিকল্পনা কাজ করার জন্যে ঝড় বৃষ্টি দরকার এবং ইলেকট্রিসিটি চলে যাওয়া দরকার। ঝড় যদিও নাও হয় ভাল বৃষ্টি হলেও চলবে তবে ইলেকট্রিসিটি চলে যেতে হবে। পুরো ঢাকা শহরের ইলেকট্রিসিটি চলে যাবার দরকার নেই — আমাদের ফ্ল্যাট বাড়ির ইলেকট্রিসিটি চলে গেলেই হবে। এই সমস্যার সমাধান ফ্ল্যাটবাড়ির কেয়ারটেকারকে দিয়ে করানো যাবে। তাকে চা-টা খাবার জন্যে কিছু টাকা দিলেই সে নিশ্চয়ই কিছুক্ষণের জন্যে মেইন সুইচ অফ করে রাখবে। এখন অপেক্ষা শুধু বৃষ্টির।

বাবা বললেন, আজ আকাশের অবস্থা বেশি সুবিধার না। মনে হচ্ছে — আজই বৃষ্টি হবে। একসাথে নেমে পড়া যাক কি বলিস।

আমি বললাম, হাঁ।

'ফুলির মা'কে দলে টানতে হবে। নরত সে ফাঁস করে দেবে।'

'ফুলির মা'কে নিয়ে ভয় নেই বাবা। আমি ওকে বুঝিয়ে সুজিয়ে ঠিক করে রাখব।'

বাবা চলে গেলেন মোমবাতি এবং মোটা দড়ি কিনতে। এই পরিকল্পনায় খুব শক্ত এবং মোটা দশ গজের মত দড়ি লাগে। মোমবাতি লাগে।

আমি উত্তেজনা নিয়ে অপেক্ষা করছি। মাঝে মাঝেই জানালা দিয়ে তাকাচ্ছি আর ভাবছি — ইস আকাশটা যদি আরেকটু কাল হত।

সন্ধ্যার পর থেকে যদি আকাশ ভেঙ্গে বৃষ্টি হত।

বাবা দড়ি-টড়ি নিয়ে ফিরে আসার কিছুক্ষণের মধ্যেই মা অফিস থেকে ফিরলেন। বাবাকে সবকিছু তড়িত করে আমার খাটের নিচে লুকিয়ে ফেলতে হল।

বাবা বললেন, আজ টিকিট কাটার কথা ছিল না? কেটেছে?

মা জবাব দিলেন না। কঠিন এবং রাগী চোখে বাবার দিকে তাকালেন। তার প্রায় সঙ্গে সঙ্গে — আমার সেই ভয়ঙ্কর, কুৎসিত এবং নোংরা ব্যথাটা শুরু হয়ে গেল।

আমার ব্যথার এই তীব্রতা মা আগে কখনো দেখেননি। এই প্রথম দেখেছেন। তিনিও বাবার মতই করলেন — এক জায়গায় দাঁড়িয়ে ধরধর করে কাঁপতে লাগলেন।

আমি বললাম, মা তুমি আমার দিকে তাকিয়ে থাকো না। তুমি চলে যাও। চলে যাও।

বাবা যে ভাবে পালিয়ে গিয়েছিলেন। মাও ঠিক সেই ভাবেই পালিয়ে গেলেন। কোরান শরীফ নিয়ে দৌড়ে এল ফুলির মা। আর তখন কম কম করে বৃষ্টি নামল। শুধু যে বৃষ্টি তা না — বৃষ্টির সঙ্গে ঝড়ও শুরু হল।

৮

প্রচণ্ড বর্ষণ হচ্ছে। বর্ষনের সঙ্গে সঙ্গে ঝড়ো হাওয়া। এই ঝড়-বাদল মাথায় নিয়ে দিলশাদ এগুচ্ছে। রিকশাওয়ালার পদাটা ফুটো। বৃষ্টির পানিতে তার শাড়ি মাখামাখি। বৃষ্টির পানিতে গা ভেজানো যায় কিন্তু ক্রতগামী ট্রাকের চাকা থেকে ছিটকে আসা পানিতে ভিজলে গা ঘিন ঘিন করে।

একটা ট্রাক এসে দিলশাদকে ভিজিয়ে দিয়ে গেছে। তবে দিলশাদের গা ঘিন ঘিন করছে না। সে মূর্তির মতই রিকশায় বসে আছে। রিকশাওয়ালার মাথায় গামছা বেঁধে নিয়েছে। এতে তার কি উপকার হচ্ছে কে জানে। গামছা থেকে চুইয়ে পানি পড়ছে। সে পেছন ফিরে বলল, এমুন দিনে ঘর থাইক্যা বাইর হওন ঠিক না আশ্মা। আসমান ভাইসা পড়ছে। দেহেন অবস্থা।

অনেকক্ষণ কলিংবেল বাজার পর দরজা খুলল। ওয়াদুদুর রহমান বলল, আরে তুমি। বৃষ্টিতে একেবারে দেখি মাখামাখি।

দিলশাদ বলল, আসব দুলাভাই।

'এসো এসো। তুমি আসবেনা তো কে আসবে।'

'আপনার কাপেটি বোধহয় ভিজিয়ে ফেললাম।'

'ভিজুক না কত ভিজবে।'

দিলশাদ ঘরে ঢুকল। ওয়াদুদুর রহমানের দিকে তাকালো। শান্ত সহজ গলায় বলল, আমি টাকটার জন্যে এসেছি। আসুন আপনার বাথটাব উদ্বোধন করা যাক।

ওয়াদুদুর রহমান বলল, ও।

ওয়াদুদুর রহমান চোখ সরু করে তাকাচ্ছে। তার জুক একটু যেন ঝুঁকে এসেছে। দিলশাদ নিজেই বসার ঘরের খোলা দরজা বন্ধ করতে করতে বলল, আসুন, আপনার বাথটাব উদ্বোধন করা যাক। ময়লা পানিতে শরীর নোংরা হয়ে আছে। নোংরা শরীর নিশ্চয়ই আপনার ভাল লাগবে না। আগে সাবান মেখে ভাল করে গোসল করে নেই।

www.shopnil.com

আজ বৃহস্পতিবার।

শুক্র-শনি-রবি, এই তিনদিন আমার হাতে আছে। সোমবার আমি চলে যাচ্ছি। সোমবার রাত দুটায় আমাদের বিমান। মজার ব্যাপার হচ্ছে আমার সঙ্গে না যাচ্ছেন না। যাচ্ছেন বাবা। বাবার জন্যেই টিকিট কাটা হয়েছে।

এ রকম একটা কাণ্ড যে শেষ মুহূর্তে মা করবেন তা আর কেউ না জানলেও আমি জানতাম। যেদিন বাবা খুব ব্যস্ত হয়ে তাঁর পাসপোর্ট নিয়ে এসে মা'কে বললেন — দিলশাদ, আমিও তোমাদের সঙ্গে ভিসা করিয়ে রাখি। যদি টাকাপয়সা বেশি জোগাড় হয়ে যায় আমিও যাব।

আমি মা'র দিকে তাকালাম। মা চোখ-মুখ কঠিন করে বললেন, টাকাটা আসবে কোথেকে? আকাশ থেকে?

বাবা আমতা আমতা করতে লাগলেন। তাঁর এক বন্ধু আছে জার্মানিতে, তাঁকে চিঠি লিখবেন — এইসব কি হাবিজাবি বলতে লাগলেন। মা বাবার দিকে স্থির চোখে তাকিয়ে রইলেন। মা'র চোখ দেখেই বুঝলাম — শেষ মুহূর্তে মা বাবার জন্যেই টিকিট কাটবেন। কারণ মা'র কঠিন চোখে মমতার ছায়া পড়ছিল। বাবা যখন খুব বেশি রকম আমতা আমতা করতে লাগলেন — তখন মা'র চোখে এক ধরনের রসিকতা ঝলমলিয়ে উঠল। সেদিন আমি ডায়েরীতে লিখলাম —

“আমার ধারণা — আমেরিকায় মা আমার সঙ্গে যাবেন না। বাবা যাবেন।”

ডায়েরীতে লিখে আমি মনে মনে অপেক্ষা করছি দেখি আমার কথা ঠিক হয় কিনা। তারপর একদিন মা টিকিট কেটে দুপুরবেলা বাসায় এলেন। বাবা বাসাতেই ছিলেন। তিনি কোথেকে যেন একটা ধাঁধা শিখে এসেছেন। আমাকে জিজ্ঞেস করলেন, আমি পারলাম না। ফুলির মা'কে জিজ্ঞেস করলেন — ফুলির মা'ও পারল না। আমি তখন বাবাকে বললাম, মা'কে জিজ্ঞেস করো। মা পারবে। মা'র বুদ্ধি অনেক বেশি। বাবা বললেন, তোর মা পারবে না। যাদের বুদ্ধি বেশি তারা এটা পারে না। যাদের বুদ্ধি বেশি তারা চট করে জবাব দিতে গিয়ে ভুল করে।

যাই হোক, আমি খুব আগ্রহ নিয়ে অপেক্ষা করছি — কখন মা আসবে, বাবা মা'কে ধাঁধাটা জিজ্ঞেস করবে।

মা এলেন। খুব ক্লান্ত হয়ে এলেন। এসেই বিছানায় শুয়ে কিছুক্ষণ বিশ্রাম করে আমার ঘরে এলেন। আমি বললাম, মা, বাবা তোমাকে একটা ধাঁধা জিজ্ঞেস করবে।

মা বললেন, ধাঁধা জিজ্ঞেস করার দরকার নেই।

আমি বললাম, প্লীজ মা। প্লীজ।

মা বাবার দিকে তাকাতেই বাবা ধাঁধা শুরুর করলেন —

এক বোবা-কালা গিয়েছে পেরেক কিনতে। দোকানদারকে সে হাতে হাতুড়ির মত ইশারা করে পেরেকের কথা বলল। দোকানদার পেরেকের বদলে হাতুড়ি এনে দিল। তখন সেই বোবা-কালা এক হাতে পেরেক ধরার ভঙ্গি করে অন্য হাতে হাতুড়ি মারার মত করল। তখন দোকানদার বুঝতে পেরে পেরেক এনে দিল। তার কিছুক্ষণ পর দোকানে এক অন্ধ এসে উপস্থিত। তার দরকার একটা কেঁচি। এখন বল দেখি — এ অন্ধ কেঁচির কথাটা কিভাবে দোকানদারকে বুঝাবে?

আমি মা'র দিকে তাকিয়ে আছি। মা কি বলেন — শোনার জন্যে ছটফট করছি। মা ডান হাত উপরে তুলে আঙ্গুল দিয়ে কেঁচির মত কাঁচির ভঙ্গি করলেন। আমি এবং বাবা দু'জনই হো হো করে হেসে ফেললাম। আমি বললাম, মা, এ অন্ধ লোক তো মুখেই বলবে — আমার কেঁচি দরকার। সে আঙ্গুল দিয়ে দেখাবে কেন?

মা চমকে উঠে বললেন — আরে তাই তো।

আমি এবং বাবা দু'জনই আবারো হেসে উঠলাম। মা নিজেও সেই হাসিতে যোগ দিলেন। আমার এত ভাল লাগল। কত বছর পর তিনজন মিলে হাসছি। আশ্চর্য!

আমাদের হাসি থামার পর মা হ্যান্ডব্যাগ থেকে টিকিট বের করে বাবাকে বললেন, নাতশা'র সঙ্গে তুমি আমেরিকা যাচ্ছে। আমি তোমার টিকিট কেটেছি। কাজেই ওর সব কাগজপত্র তোমাকে খুব ভাল করে বুঝে নিতে হবে। বাবা এমনভাবে মা'র দিকে তাকাচ্ছেন যেন মা'র কথা তিনি বুঝতে পারছেন না। যেন মা একজন বিদেশিনী। অদ্ভুত কোন ভাষায় কথা বলছেন। যে ভাষা বাবার জানা নেই। মা বললেন, তুমি কাপড়চোপড় কি নেবে গুছিয়ে নাও। সময় তো বেশি নেই।

বাবা কিড়বিড় করে বললেন, তুমি যাচ্ছ না?

‘বললাম তো না। একটা কথা ক'বার করে বলব?’

‘না-মানে, মানে...’

মা উঠে নিজের ঘরে গিয়ে শূন্যে পড়লেন এবং দরজা বন্ধ করে দিলেন। বাবা হতভম্ব হয়ে কিছুক্ষণ বসে থেকে আমাকে কিছু না বলেই দ্রুত বের হয়ে গেলেন। কোথায় গেলেন কে জানে। হয়ত নিজের জিনিসপত্র গোছাতে গেলেন। কিংবা অন্য কিছু। আমি একা একা শুয়ে আছি। আমার ভালও লাগছে না, আবার খারাপও লাগছে না। এটা বেশ অদ্ভুত অবস্থা। আমাদের জীবনটা হয় ভাল লাগায়, নয় খারাপ লাগায় কেটে যায়। ভালও লাগে না, খারাপও লাগে না এরকম কখনো হয় না। হলেও খুব অল্প সময়ের জন্যে হয়।

আমি আমার খাতাটা হাতে নিলাম। চিঠিগুলি লিখে ফেলা দরকার। কাকে কাকে লিখব? মা'কে, বাবাকে, নানীজানকে এবং ফুলির মা'কে। ফুলির মা চিঠি পড়তে পারবে না। অন্যকে দিয়ে সেই চিঠি সে পড়িয়ে নেবে। হয়ত মা'কে দিয়ে পড়াবে। কেউ যখন চিঠি পড়ে শোনায় তখন ফুলির মা গালে হাত দিয়ে গভীর মুখে বসে থাকে। তখন তাকে

দেখে মনে হয় জগতের সবচে' গুরুত্বপূর্ণ কাজটি সে করছে। এতদিন দেশ থেকে আসা তার সব চিঠি আমি পড়ে শুনিয়েছি। তার হয়ে চিঠি লিখে দিয়েছি আমি। ফুলির না লেখাপড়া না জানলেও চিঠি লেখার সব কামদাকানুন জানে। খুব ভাল করে জানে।

'আফা, চিড়ির উফরে সুন্দর কইরা লেহেন সাতশ' ছিয়াশি।'

'সাতশ ছিয়াশি লিখব কেন?'

'এইটা আফা চিড়ির দস্তুর। লেহেন সাতশ' ছিয়াশি।'

'লিখলাম।'

'এহন লেখেন — পাক জ্ঞানাবেবু, বাদ সমাচার: . . .'

'হঁ লিখলাম।'

ফুলির মার জন্যে চিঠি লেখা খুবই সময়সাপেক্ষ ব্যাপার। কত কি যে সেই চিঠিতে থাকে। তার দেশের কে কেমন আছে সব জানতে চাওয়া হয়। কার অসুখ হয়েছে, কোন মেয়েকে শ্বশুরবাড়ি থেকে তাড়িয়ে দেয়া হয়েছে . . . ফুলির মার জন্যে চিঠি লিখতে লিখতে সব আমার জানা হয়ে গেছে।

তার গ্রামে আমি যদি কখনো বেড়াতে যাই তাহলে সবাইকেই আমি চিনব।

ফুলির মার প্রতিটি চিঠি লেখা হবার পর তাকে পড়ে শুনতে হয়। সে প্রায় দম বন্ধ করে চিঠি শুনে তারপর শাড়ির আঁচলে চোখ মুছে। সাদামাটা চিঠি পড়ে তার চোখে পানি আসে কেন কে জানে।

আমি ঠিক করেছি — আমি প্রতিটি চিঠি শেষ করে ফুলির মার মত একটু কাঁদব। এক ফেঁটা হলেও চোখের পানি চিঠির কোন এক কোণায় মাঝিয়ে রাখব। চোখের পানি শুকিয়ে যাবে, কেউ বুঝতে পারবে না। সেই ভাল। আমি চিঠি লিখা শুরু করলাম।

আগে আমি খুব দ্রুত লিখতে পারতাম — এখন পারি না। প্রায় সময়ই চোখ ঝাপসা হয়ে আসে — আন্দাজে লিখতে হয়। হাতের লেখা ঝারাপ হয়ে যায়। এক সময় আমার হাতের লেখা খুব সুন্দর ছিল। আমি নিজে যেমন অসুন্দর হচ্ছি আমার লেখাও তেমনি অসুন্দর হচ্ছে।

৭৮৬

প্রিয় ফুলির মা বুয়া,

তুমি আমার ভালবাসা নাও।

তুমি যখন আমার এই চিঠি পড়বে তখন আমি বেঁচে থাকব না। মৃত্যুর পর পর মৃত মানুষটিকে সবাই দ্রুত ভুলে যেতে চেষ্টা করে। সেটাই স্বাভাবিক। যে নেই — বার বার তার কথা মনে করে কষ্ট পাবার কোন কারণ নেই। তারপরেও যারা অতি প্রিয়জন

তার মৃত মানুষকে সব সময়ই মনে রাখে। এক মুহূর্তের জন্যেও ভুলতে পারে না। মৃত মানুষও হয়তো জীবিতদের মনে রাখে।

তুমি আমার অতি প্রিয়জনের একজন। প্রিয়জন কে হয় তাকি তুমি জান? প্রিয়জন হচ্ছে সে যে দুঃখ ও কষ্টের সময় পাশে থাকে।

বেশির ভাগ মানুষের স্বভাব হচ্ছে বিড়ালের মত। তারা সুখের সময় পাশে থাকে। দুঃখ-কষ্ট যখন আসে তখন দুঃখ কষ্টের ভাগ নিতে হবে এই ভয়ে চুপি চুপি সরে পড়ে। তাদের কোন দোষ নেই — আল্লাহ মানুষকে এমন করেই তৈরি করেছেন।

তারপরেও কিছু কিছু মানুষ আছে যারা দুঃখ-কষ্টের সময় পাশে এসে দাঁড়ায়। দুঃখ-কষ্টের বিকক্ষে যুক্ত করার মত বড় কোন অশ্রু তাদের হাতে থাকে না — তাদের থাকে শুধু হৃদয়পূর্ণ ভালবাসা।

তুমি আমার চরম দুঃখের এক চরম কষ্টের সময়ে আমার পাশে দাঁড়ালে। বেন আমি নাআশা নামের কোন মেয়ে না — আমি তোমার ফুলি।

আমার প্রচণ্ড মাথাব্যথার সময় তুমি সব কাজ ফেলে ছুটে এসে যখন দু'হাতে আমাকে কোলে তুলে নিতে তখন তোমার মুখটা আমার মার মুখের মত হয়ে যেত। আমার মার গা থেকে যেমন গন্ধ বের হয় তোমার গা থেকেও তখন ঠিক সেই রকম গন্ধ বের হত। এটা একটা আশ্চর্য ব্যাপার।

ফুলির মা বুয়া, আমি তোমার কথা মনে রাখব। যে কদিন বাঁচব মনে রাখব। আমার এই মনে রাখা-না-রাখায় কিছু যায় আসে না। কিন্তু এর বেশি তো আমার কিছু করার নেই।

ভালবাসা ডাবল করে ফেরত দিতে হয়। তোমার ভালবাসা আমি ডাবল করে ফেরত দিতে পারব না। এত ভালবাসা আমার নেই — কিন্তু আমি নিশ্চিত, পৃথিবীর মানুষ আমার হয়ে তোমাকে তোমার ভালবাসা ডাবল করে ফেরত দেবে।

মৃত্যুর পর আমি তোমার মেয়েকে খুঁজে বের করব। তাকে কলব — তোমার মা একজন অসাধারণ মহিলা ছিলেন। এই পৃথিবী তাঁর মত ভাল মহিলা খুব কম তৈরি করেছে। ফুলি এই কথা শুনে নিশ্চয়ই খুব খুশি হবে।

তাহলে আজ যাই ফুলির মা বুয়া।

যাই কেমন?

হিত
তোমার আদরের
টিয়া পাখি নাতাশা।

প্রিয় নানীজান,

আসসালামু আলাইকুম।

দেখলেন নানীজান, আপনার কথা আমি ভুলিনি। অনেকদিন আগে আপনাকে একটা চিঠি লিখেছিলাম। আপনি বলেছেন আমাদের 'নাতু' এত গুছিয়ে চিঠি লিখে, শুধু একটাই ক্রটি — চিঠির শুরুরে আসসালামু আলাইকুম লেখে না।

এবার আপনি আর সেটা বলতে পারবেন না। নানীজান, আমার অসুখের পর আপনি শুধু দু'বার আমাকে দেখতে এসেছেন। এই দু'বারই যে আমার কি ভাল লেগেছিল। আপনি যে কত ভাল তা আপনি নিজে কি জানেন নানীজান? যেই আপনার কাছে আসে তারই মন ভাল হয়ে যায়।

আপনি হাসতে হাসতে গল্প করেন। কুট কুট করে পান খান। সামান্য কথাই হেসে ভেসে পড়েন। তখন ঠোঁট বেয়ে লাল পানের পিক গড়িয়ে পড়ে। দেখতে কি যে সুন্দর লাগে।

আমরা বইপত্রে সব সময় পড়ি — মানুষ সৃষ্টির শ্রেষ্ঠ জীব। সেই শ্রেষ্ঠ যে আসলে কি তা আপনাকে না দেখলে বোঝা যাবে না। আমাদের বাংলা রচনা ক্লাসে একবার রচনা লিখতে দেয়া হল — তোমার জীবনের আদর্শ মানব। কেউ লিখল মহাত্মা গান্ধী, কেউ লিখল শেখ মুজিবুর রহমান। একজন লিখল ফ্রান্সিস নাইটিংগেল, একজন লিখল মাদার তেরেসা। শুধু আমি লিখলাম — আমার নানীজান।

বাংলা আপা আবার সেই রচনা ক্লাসে সবাইকে পাড়ে শুনালেন। তারপর বললেন, নাতাশা, তোমার নানীজান সারাক্ষণ শুধু হাসেন এই জন্যেই কি তিনি তোমার জীবনের আদর্শ মানব? আমি বললাম, চরম দুঃখেও তিনি হাসেন।

বাংলা আপা বললেন, তোমার রচনা খুব সুন্দর হয়েছে। দেশের ভেতর আমি তোমাকে সাড়ে ছয় দিলাম, কিন্তু নাতাশা, একটা কথা মনে রাখবে — আদর্শ মানব তিনিই হবেন যিনি তাঁর

কর্ম নিজের এবং নিজের সংসারের বাইরে ছড়িয়ে দেবেন। বিরাট একটা মানবগোষ্ঠী যাতে উপকৃত হবে। তোমার নানীজান কি এমন কিছু করেছেন যাতে বিরাট মানবগোষ্ঠী উপকৃত হয়েছে?

'জি না।'

'এইখানেই সমস্যা, বুঝলে নাতাশা। তোমার রচনা পড়ে আমি নিশ্চিত তোমার নানীজান অসাধারণ একজন মহিলা। তাঁকে আমার দেখতেও ইচ্ছা করছে। কিন্তু তিনি তাঁর অসাধারণত্ব বাইরে ছড়িয়ে দিতে পারেননি। নিজের সংসারের কুল গণ্ডিতে আটকে রেখেছেন। কাজেই তাঁকে তুমি আদর্শ মানুষ হিসেবে নিও না।'

আমি বললাম, হিঁ আচ্ছা।

বাংলা আপা বললেন, তোমার নানীজানকে বাদ দিয়ে তোমার জীবনে আদর্শ মানব কে এখন বল দেখি।

আমি অনেক ভাবলাম, তারপরেও মনে হল — নানীজান। অবশ্য আপাকে বললাম — বেগম রোকেয়া। আপা একটু লজ্জা পেলেন কারণ তাঁর নামও রোকেয়া।

আমি জানি, আপনি আমার চিঠি পড়ে লজ্জা পাচ্ছেন। আপনার প্রশংসা করে কেউ কিছু বললেই আপনি লজ্জা পান। এবং আপনি যখন ভাল কিছু করেন এমনভাবে করেন যে কেউ বুঝতে পারে না — ভাল কাজের পেছনের মানুষটা আপনি।

নানাভাই একটা স্কুলে এক লক্ষ টাকা দিয়েছেন। আমার তখন সন্দেহ হল এর পেছনে আছেন আপনি। নানাভাই একদিন আমাকে দেখতে এলেন, আমি জিজ্ঞেস করলাম, এতগুলি টাকা হঠাৎ স্কুলে দিলেন কেন নানাভাই?

তিনি বিরক্ত মুখে বললেন, আরে তোঁর নানীজান একদিন ভোরবেলা আমাকে বলে সে আমার বাবাকে স্বপ্ন দেখেছে। তিনি বলছেন — বোমা, দীর্ঘদিন আমি এই স্কুলে শিক্ষকতা করেছি। আজ স্কুলের ভগ্নদশা দেখে আমার মনটা খারাপ হয়েছে। তুমি স্কুলের সাহায্যের একটা ব্যবস্থা কর।

'তখন টাকাটা দিলেন?'

'আরে না। তোঁর নানীজানের যা স্বভাব, রাজ কানের কাছে ঘ্যান ঘ্যান। ঘ্যান ঘ্যানে জীবন অতিষ্ঠ। টাকাটা দিয়ে ঘ্যানঘ্যানানির হাত থেকে বেঁচেছি।'

তখন আমার মনে হল স্বপ্নের ব্যাপারটাও আপনি বানিয়ে

বলেছেন। আপনি কোন স্বপ্ন-টপ্প দেখেননি। আপনার স্কুলে সাহায্য করার ইচ্ছা হয়েছে, তাই মিথ্যা একটা গল্প বলে নানাভাইয়ের হাত থেকে টাকা বের করেছেন।

নানীজ্ঞান, আমি যখন আমার সন্দেহের কথা আপনাকে বললাম — তখন আপনি হাসতে হাসতে বিছানায় প্রায় গড়িয়ে পড়ে যেতে যেতে বললেন — আল্লাহ পাক তোকে এত বুদ্ধি কেন দিল রে নাহু?

নানীজ্ঞান, আপনার সব কথার মধ্যে শুধু আল্লাহ পাক। সুন্দর একটা ফুল দেখেও আপনি বলেন — আহ! বে আল্লাহ পাক কি সুন্দর করেছেই না ফুলটা বানিয়েছে। শুধু তাকিয়ে থাকতে ইচ্ছা করে।

নানীজ্ঞান, আপনার মত আল্লাহ-ভক্ত মানুষ বাংলাদেশে নিশ্চয়ই আরো অনেক আছে, কিন্তু আপনার মত এত সুন্দর করে আল্লাহর কথা আর কেউ বলে, তা আমার মনে হয় না। শেষবার যখন আপনি আমাকে দেখতে এলেন, তখন আপনাকে আমি একটা কঠিন প্রশ্ন করেছিলাম। আমি ভেবেছিলাম, আপনি সেই প্রশ্নের জবাব দিতে পারবেন না। কিন্তু আপনি হাসিমুখে জবাব দিলেন। আমি বললাম, আচ্ছা নানীজ্ঞান, আমার এই কঠিন অসুখটা কি আল্লাহ দিয়েছেন? কেন দিলেন? আমি তো কোন অন্যায় করিনি। কোন পাপ করিনি। তিনি কেন আমাকে শাস্তি দিচ্ছেন? আর শাস্তি তো তিনি শুধু আমাকে দিচ্ছেন না, আমার সঙ্গে মা-বাবাকেও শাস্তি দিচ্ছেন — এমনকি আপনি শাস্তি পাচ্ছেন। কেন?

আপনি তখন আমার গায়ে হাত বুলাতে বুলাতে বললেন, কঠিন বে পাপী তাকে শাস্তি দিতেও আল্লাহ পাক স্খিযাযোণ করেন। তিনি নিজে সুন্দর। যা কিছু তিনি সৃষ্টি করেন তাও সুন্দর। রোগব্যাদি অসুন্দর। আমার মনে হয় না — এই রোগ এই ব্যাধি তাঁর তৈরি। তিনি প্রকৃতি সৃষ্টি করেছেন। তাকে আপন মনে চলতে দিয়েছেন। রোগব্যাদি জন্মেছে। তিনি সেখানে হাত দেননি। সবকিছুকেই তিনি তাঁর মত চলতে দিয়েছেন। তাঁর সৃষ্ট জীবন যখন রোগব্যাদিতে কষ্ট পায় তখন তিনিও কষ্ট পান।

'সেই কষ্ট তিনি দূর করেন না কেন?'

'দূর করবেন না কেন — করেন। সেই জন্যেই তো চিকিৎসার

ব্যবস্থা আছে। তবে ছট করে তিনি কিছু করেন না। তাতে জগতের নিয়ম ভঙ্গ করা হয়। জগতের আইনকানুনগুলিও তাঁর সৃষ্টি, কিন্তু তিনি তা ভাঙেন না। আইন ভাঙা মানেই অরাজক অবস্থা সৃষ্টি করা। সৃষ্টিকর্তা তা হতে দিতে পারেন না।'

'তবে ইচ্ছা করলে তিনি পারেন। তাই না নানীজ্ঞান?'

'অবশ্যই পারেন। পারেন বলেই তো আমরা সব সময় তাঁর কাছে প্রার্থনা করি। মানুষ যখন মহাবিপদে পড়ে, যখন চরম দুঃসময়ের মুখোমুখি হয়, তখন তারা আল্লাহর উপর রাগ করে। তাদের দুঃখকষ্টের জন্যে আল্লাহকে দায়ী করে। মানুষের দুঃখকষ্টের দায়িত্ব মানুষের, আল্লাহ দুঃখকষ্ট সৃষ্টি করেন না। তিনি সুন্দরের সৃষ্টিকর্তা। তিনি সুন্দর সৃষ্টি করেন। বুঝতে পারছেন?'

'হঁ।'

নানীজ্ঞান, আপনি তখন আমার চুলে বিলি দিতে দিতে আরো অনেক কথা বলতে লাগলেন। আপনি গভীর বিশ্বাস থেকে কথা বলেন বলেই সহজে সেই সব কথা মনে গেঁথে যায়।

আপনার সব কথা সেদিন আমি মনে গেঁথে নিয়েছি। আমার মনটা হালকা হয়ে গেছে। তখন নানীজ্ঞান, আপনি আমার কানে কানে অদ্ভুত একটা কথা বললেন, আপনি বললেন...

কি বললেন তা তো আপনার মনেই আছে, তাই না? মৃত্যু আমার পাশে এসে যখন বসবে তখন আপনার কথাগুলি ভেবে আমি মনে সাহস পাব।

নানীজ্ঞান, আপনি আমাকে যেভাবে সাহস দিলেন, আমার মা এবং বাবাকেও এইভাবেই সাহস দেবেন। আপনার কাছে এই আমার শেষ অনুরোধ।

হিতি

আপনার নাহু

প্রিয় বাবা,

বাবা, তোমাকে আমি কতটা ভালবাসি সেটা কি তুমি জান? জান না, তাই না?

আমিও জানি না। ভালবাসা যদি তরল পানির মত কোন বস্তু হত তাহলে সেই ভালবাসার সমস্ত পৃথিবী তলিয়ে যেত। এমনকি হিমালয় পর্বতও।

ফুলির মা শেষ পর্যন্ত পাঁচশ টাকার একটা চকচকে নোট জোগাড় করেছে। তার কাছে মোট চারশ আশি টাকা ছিল। মাত্র বিশটা টাকার জন্যে পাঁচশ টাকা হুজির না। শেষ মুহুর্তে সুযোগ হল। সে বাথরুম পরিষ্কার করতে গিয়ে দেখে, বাথরুমের বেসিনের উপর কুড়ি টাকার একটা নোট আধা ভেজা অবস্থায় পড়ে আছে। তৎক্ষণাৎ সে নোটটা নিয়ে বের হয়ে এল।

তার একটু ভয় ভয় করছিল — দিলশাদ টের পায় কি-না। মনে হয় টের পাবে না। আজ নাতাশা চলে যাচ্ছে, তার মন পুরোপুরি সেদিকে। বিশ টাকার নোট কোথায় ফেলে রেখেছে এটা নিয়ে মাথা ঘামাবার কথা না।

ফুলির মা ভাঙতি টাকা সব নিয়ে মোড়ের সোকানে গেল। ভাঙতি টাকার বদলে চকচকে একটা 'পাঁচশ' টাকার নোট নিয়ে এল। তার খুব ইচ্ছা সে নাতাশা আপার চিকিৎসার জন্যে কিছু দেয়। তার মত মানুষের কাছ থেকে তো এরা টাকা নেবে না। কাজেই টাকাটা দিতে হবে গোপনে। 'পাঁচশ' টাকার নোটটা সে আপার ব্যাগে এক ফাঁকে ঢুকিয়ে দেবে। ব্যাগ মুলত গলে টাকা বের হয়ে আসবে। টাকার গায়ে নাম লেখা থাকে না। কাজেই তখন টাকাটা পাওয়া গেলে কেউ বুঝতে পারবে না কে টাকাটা দিয়েছে।

'পাঁচশ' টাকার নোট আঁচলে বেঁধে সন্ধ্যা পর্যন্ত ফুলির মা দারুণ দুঃশ্চিন্তায় কাটাল — আপার ব্যাগে সে টাকাটা রাখার সুযোগ পাচ্ছে না। সব সময় ঘরে লোকজন। সন্ধ্যাবেলা হঠাৎ সুযোগ হয়ে গেলে। দিলশাদ বলল, ফুলির মা — নাতাশার ব্যাগে খুলা জমে আছে। খুলা ঝেড়ে দাও।

ফুলির মা খুলা ঝেড়তে ঝেড়তে এক ফাঁকে ব্যাগের পকেটে নোটটা ঠেসে দিয়ে দিল। এখন আর চিন্তা নেই। নিশ্চিত মনে সে ঘরের অন্যসব কাজ করতে পারে।

আপারা রাত বারোটটার সময় রওনা হবে। ঘরের মেলা কাজ পড়ে আছে। তারা রাতে খেয়ে যাবে। গাফিলত করতে হবে। ফুলির মা খুশিমনে রাম্মাঘরে ঢুকল। কোরান শরীফটা ঢুকিয়ে দিতে পারলে খুব ভাল হত। বিদেশে মাথা ব্যথা কমানোর জন্যে দরকার হতে পারে। ফুলির মা কোরান শরীফ ঢুকানোর সুযোগ পায়নি। ব্যাগে জায়গাও নেই।

এয়ারপোর্ট যাবার জন্যে দুটা গাড়ি এসেছে। এয়ারপোর্ট দিলশাদের যাচ্ছে, তার বাবা-মা যাচ্ছেন। দিলশাদের দুই বোনও যাচ্ছে। দিলশাদের মেজো দুলাভাই যাচ্ছে। বড় জন যাচ্ছে না, সে টাকায় নেই।

দিলশাদ ফুলির মাকে বলল, ফুলির মা, কাপড়টা বদলে তুমিও এয়ারপোর্টে চল। ফুলির মা বলল, ধোয়া পাকলা সব বাকি। আমি গেলে কাজকাম কে করব! 'এসে করবে যা করার।'

'ছি না আশ্মা, আফনেরা যান। ঘর আউলা রাইখ্যা আমি যানু না। আমার উডোজাহাজ দেখনের শখ নাই।'

সবাই গাড়িতে গিয়ে উঠেছে। নাতাশা রাম্মাঘরে গেল ফুলির মার কাছ থেকে বিদায় নিতে। দিলশাদ মেয়ের হাত ধরে ছিল। নাতাশা বলল, মা, আজ আমার শরীরটা খুব ভাল লাগছে। আমি একা একা রাম্মাঘরে গিয়ে ফুলির মা বুয়ার কাছ থেকে বিদায় নিয়ে আসি।

দিলশাদ বলল, আছা যাও।

নাতাশা রাম্মাঘরে ঢুকে বলল, বুয়া, আমি যাচ্ছি। ফুলির মা নাতাশার দিকে না তাকিয়ে বলল, আইছ্যা আফা যান। আল্লাহর হাতে সোপাদ।

ফুলির মা চোখ তুলে তাকাল না। কারণ চোখ তুলে তাকালেই সে বেঁদে ফেলবে। যাত্রার সময় চোখের পানি খুব অলক্ষণ। তার কারণে আপার অলক্ষণ সে হতে দেবে না। দরকার হলে চোখ গেলে ফেলবে কিন্তু কাঁদবে না।

নাতাশা বলল, চলে যাচ্ছি তো, আমাকে একটু আদর করে দাও।

'আমার হাত ময়লা তো আফা। আমি পাকম না। দিরং কইবেন না, রওনা দেন।'

নাতাশাদের গাড়ি রওনা হবার পর ফুলির মা রাম্মাঘরের দরজা বন্ধ করল। তারপর মেঝেতে গড়গড়ি করে কাঁদতে লাগল। চিকিৎসা করে বলতে লাগল ও আমার আপারে। ও আমার আপারে।

দুটা গাড়ির একটিতে নাতাশা, তার বাবা এবং নাতাশার নানাভাই। অন্য গাড়িতে মনোয়ারা আর দিলশাদ। দিলশাদের দুইবোন তাদের গাড়িতে করে আলাদা এয়ারপোর্টে যাবে। এসেই নস্পে যাচ্ছে না। মনোয়ারা গাড়িতে সারাক্ষণ তার মেয়ে দিলশাদের হাত ধরে রাখলেন।

দিলশাদ এয়ারপোর্টে পৌঁছে গাড়ি থেকে নেমে বলল, মা, আমার এয়ারপোর্টের ভেতর যেতে মন চাচ্ছে না। আমি বাইরে থাকি।

মনোয়ারা বললেন, বেশ তো থাকো।

'তুমি আমার সঙ্গে থাকো মা।'

'আছা আমি থাকব। আর আমরা একটা নির্জন জায়গা দেখে বসি।'

'আজ একটা মজার ব্যাপার হয়েছে মা। এয়ার পোর্টে রওনা হবার আগে বারান্দায়

গিয়ে দেখি আমার সবকটা অর্কিডে ফুল ফুটেছে। নীল নীল ফুল — বারান্দা আলো হয়ে আছে।'

'বলিস কি। একবার গিয়ে দেখে আসব।'

'এটা নিশ্চয়ই খুব ভাল লক্ষণ। তাই না মা?'

'অবশ্যই ভাল লক্ষণ।'

'মা, তুমি কি নাতাশার বাবাকে চুপি চুপি একটা কথা বলে আসবে?'

'কি কথা?'

'তুমি তাকে বলবে আমি এয়ারপোর্টে ঢুকব না। সে যেন নাতাশাকে আমার কাছে না আনে।'

'আচ্ছা বলে আসছি।'

'নতুন শাদা ড্রেসটায় নাতাশাকে কি স্মার্ট লাগছে দেখছ মা?'

'হ্যাঁ, দারুণ সুন্দর লাগছে।'

'কেমন গট গট করে হাঁটছে দেখছ মা?'

'হ্যাঁ দেখছি। আজ মনে হয় ওর শরীরটা ভাল।'

'মা তুমি আমার হয়ে ওর নাকে একটা চুমু দিয়ে এসো।'

'আচ্ছা মা। দেব।'

নাতাশা তার বাবার হাত ধরে ইমিগ্রেশন এরিয়ার ভেতর ঢুকতে যাচ্ছে। তার খুব লজ্জা লজ্জা লাগছে। এত মানুষ এসেছে তাকে বিদায় দিতে। তাদের স্কুল থেকে চারজন আপা এসেছেন। আজ সে যাচ্ছে এই খবরটা তাঁরা কিভাবে পেলেন কে জানে। তাদের ফ্লাট বাড়ি থেকেও প্রায় সবাই এসেছে। ঐ তো তার মার অফিসের বস রহমান সাহেব। তিনি তাঁর স্ত্রীকে নিয়ে এসেছেন। এত বড় একজন অফিসার — গভীর রাতে এয়ারপোর্টে দাঁড়িয়ে আছেন।

এমন অনেকে এসেছে যাদের নাতাশা চেনে না। তাঁর বাবার এক ফুফু এসেছেন — অতি বন্ধা। দু'জনের কাঁধে ভর দিয়ে এসেছেন।

নাতাশা সবাইকে এয়ারপোর্টে দেখতে পাচ্ছে — শুধু তার মাকে দেখতে পাচ্ছে না। সে এক সময় বলল, মা কোথায় বাবা।

সাজ্জাদ বলল, তোমার মা এয়ারপোর্টের বাইরে। তার খুব মাথা ধরেছে। সে ভিড় সহ্য করতে পারছে না। ফাঁকা জায়গায় দাঁড়িয়ে আছে। চল আমরা ভেতরে ঢুক পড়ি।

'চল।'

'দেখ কত মানুষ তোমাকে সি-অফ করতে এসেছে। ওদের দিকে তাকিয়ে একটু হাত নাড়।'

নাতাশা হাত নাড়ল। হাত নাড়তে গিয়ে দেখল, ডাক্তার সাহেবও এসেছেন। পিজির নিওরো সার্জন প্রফেসর ওসমান। পায়জামা-পাঞ্জাবিতে ভদ্রলোককে কি সুন্দর লাগছে। উনি হাসিমুখে হাত নাড়ছেন। নাতাশা বলল, বাবা দেখ — পায়জামা-পাঞ্জাবি পরা ঐ ভদ্রলোক আমার ডাক্তার। উনার নাম — ওসমান। উনার চোখ খুব সুন্দর। চশমা দিয়ে চোখ ঢাকা এই ছন্যে তুমি দেখতে পাচ্ছ না।

সাজ্জাদ বলল, তাই বুঝি?'

সাজ্জাদের গলার স্বর খুব ভারি শুনালো। পুরুষ মানুষ কাদে গোপনে। তখন তাদের চোখ দিয়ে পানি বের হয় না। শুধু তাদের গলা ভারি হয়ে যায়। কথা জড়িয়ে যায়।

'বাবা!'

'কি গো মা?'

'শেষবারের মত মা'কে একটু দেখতে ইচ্ছে করছে।'

সাজ্জাদ বলল, শেষবারের মত দেখা আবার কি? তুমি ভাল হয়ে ফিরে আসবে। মা'কে দেখতে দেখতে তোমার চোখ পচে যাবে।

নাতাশা শান্ত গলায় বলল, ও আচ্ছা।

এয়ারপোর্ট থেকে অনেকটা দূরে দিলশাদ তার মাকে নিয়ে ঘাসের উপর বসে আছে। মনোয়ারা পান খাচ্ছেন। জর্দার গন্ধে জায়গাটা ম ম করছে।

দিলশাদ বলল, তোমার হাতে কি ঘড়ি আছে মা — কটা বাজে?'

মনোয়ারা বললেন, ঘড়ি নেই মা। রাত তিনটার মত বোধহয় বাজে।

'একুশি তাহলে নাতাশাদের প্লেন ছাড়বে। তাই না মা?'

'হ্যাঁ।'

'মা, তোমার কি মনে হয় জীবিত অবস্থায় আমার মেয়ে ফেরত আসবে?'

'অবশ্যই আসবে মা।'

'সেদিন প্রচুর ফুল নিয়ে এয়ারপোর্টে আসতে হবে।'

'অবশ্যই ফুল নিয়ে আসতে হবে। ঢাকা শহরে ফুলের দোকানের সব ফুল আমরা কিনে ফেলব।'

'আমার খুব কষ্ট হচ্ছে মা। বুকটা ফেটে যাচ্ছে — কি করব বল তো।'

'মা, একটু কাদতে চেষ্টা কর। কাদলে বুক হালকা হবে।'

'অনেকক্ষণ থেকেই কাদতে চেষ্টা করছি, পারছি না।'

বিকট গর্জন করে ডিসি-১০ আকাশে উঠে গেলো। দিলশাদ উত্তেজনার দাঁড়িয়ে পড়েছে। বিমানটি দেখার চেষ্টা করছে। ঐ তো দেখা যাচ্ছে। ঐ যে। সে উৎফুল্ল গলায় বলল — মা দেখো, দেখো।

আকাশ ভর্তি ঘন কালো মেঘ। বিজলি চমকচ্ছে। ক্ষমতাধর মানুষের নৃষ্টি বিশাল
যন্ত্রণান মেঘ কেটে উপরে উঠে যাচ্ছে। কত অবলীলাতেই না দে উড়ছে।

মিলশাদের চোখ নিয়ে টপ টপ করে পানি পড়ছে। সে শাড়ির আঁচলে চোখ মুছে
মা'র দিকে হাত বাড়িয়ে শান্ত গলায় বলল, তুমি কুট কুট করে কি সুন্দর পান খাচ্ছে।
তোমার মুখ থেকে একটু পান দাও তো মা।

Thank You For Visiting

www.shopnil.com